

駱

臨

海

集

駱臨海集卷第六

唐駱賓王著

同里後學陳熙晉箋註

松林後裔祖攀校訂

蕩子從軍賦

臨海夙齡英俠久戍邊城慷慨臨戎徘徊戀闕借子山之賦體攄定遠之壯懷

絕塞烟塵空聞風月雖文託豔冶而義協風騷明李夢陽改爲七言歌行近刻羣入本集非是今從文苑

英華全唐
文校正

胡兵十萬起妖氛漢騎三千掃陣雲隱隱地中鳴戰鼓迢迢

天上出將軍邊沙遠雜風塵氣塞草長垂霜露文

垂一作萎

○張正見從軍詩胡兵屯薊北漢將起山西李陵答蘇武書以五千之衆對十萬之軍春秋左傳昭公十五年吾見

黑之稜非祭祥也喪氛也杜預注稜妖氛也氛惡氣也史
記衛將軍驃騎列傳翁侯趙信爲前將軍衛尉蘇建爲右
將軍并軍三千餘騎獨逢單于兵與戰一日餘漢兵且盡
前將軍故胡人降爲翁侯見急匈奴誘之遂將其餘騎可
八百犇降單于右將軍蘇建盡亡其軍獨以身得亡去自
歸大將軍贖爲庶人後漢書馬援傳援乃將三千騎出高
柳行雁門代郡上谷障塞烏桓侯者見漢軍至虜遂散去
史記天官書陣雲如立垣張衡東京賦隱隱麟麟李善注
隱隱衆多貌麟麟車聲也按此言鼓聲之盛後漢書公孫
瓚傳建安三年袁紹復大攻瓚遣子續請救於黑山諸帥
四年春瓚乃密使行人齎書告續曰袁氏之攻狀若鬼神
梯衝舞吾樓上鼓角鳴於地中古詩迢迢牽牛星班固漢
書張陳王周傳周勃弟亞夫以中尉爲太尉東擊吳楚亞
夫既發至霸上趙涉遮說亞夫曰吳王素富懷輯死士久
矣此知將軍且不從此右去走藍田出武關抵雒陽閒不
神密將軍何不從此右去走藍田出武關抵雒陽閒不
差一二日直入武庫擊鳴鼓諸侯聞之以爲將軍從天而
下也太尉如其計至雒陽使吏搜殺鼂閒果得吳伏兵庾
信同盧記室從軍詩地中鳴鼓角天上下將軍吳邁長相
思詩人馬風塵色知從關塞還李陵答蘇武書涼秋九月

塞外草衰鄴道元水經注洛水篇及其晨光初起夕景
斜輝霜文翠照陸離眩目江淹別賦露下地而騰文 蕩

子辛苦十年行回首關山萬里情 古詩青青河畔草鬱鬱

皎當窗牖娥娥紅粉粧纖纖出素手昔爲倡家女今爲蕩

子婦蕩子行不歸空牀難獨守庾信蕩子賦蕩子辛苦逐

征行直守長城千里城隴水恒冰合關山唯月明梁元帝

蕩婦秋思賦蕩子之別十年倡婦之居自憐古詩相去萬
餘里各在 遠天橫劍氣邊地聚笳聲鐵騎朝常警銅焦夜

天一涯 不鳴 江淹哀千里水則遠天相逼浮雲共色沈炯從駕送
軍詩星光下結旆劍氣上舒精李陵答蘇武書胡笳

互動牧馬悲鳴吟嘯成羣邊聲四起李善注杜擘笳賦序

笳者李伯陽入西戎所作也傳元笳賦序曰吹葉爲聲說

文作葭周王褒燕歌行遙聞陌頭採桑曲猶勝邊地胡笳

聲後漢書公孫瓚傳瓚乃密使行人告續曰汝當碎首於

張燕馳驅曰告急且厲五千鐵騎於北隰之中起火爲應

拔鐵騎鐵甲馬也史記李將軍列傳不擊刁斗以自衛集

解孟康曰以銅作鐃器受一斗晝炊飯食夜擊持行名曰
刁斗索隱刁音貂案荀悅云刁斗小鈴如宮中傳夜鈴也

蘇林曰形如錮以銅作之無緣受一斗故云刁斗鑣卽鈴也埤蒼云鑣溫器有柄斗似銚無緣音譙鑣通作焦抗

左賢而列陣屯右校以疏營屯一作比○史記李將軍列

右北平博望侯張騫將萬騎與廣俱異道行可數百里匈奴

奴左賢王將四萬騎圍廣廣軍士皆恐廣乃使其子敢往

馳之敢獨與數十騎馳直貫胡騎出其左右而還告廣曰

胡虜易與耳軍士乃安廣爲圓陣外嚮胡急擊之矢下如

雨漢兵死者過半漢矢且盡廣乃令士持滿毋發而廣身

自以大黃射其裨將殺數人胡虜益解明日復力戰而博

望侯軍亦至匈奴軍乃解去又匈奴列傳冒頓置左右賢

王匈奴謂賢曰屠耆故常以太子爲左屠耆王范雲攸古

詩朝馳左賢陣夜薄休屠營韓嬰詩外傳子貢曰兩國構

難壯士列陣塵埃漲天漢書李陵傳陵在匈奴單于立爲

右校王衛律爲丁靈王左傳成公十六年陳於軍中而滄

疏行首杜預注疏行首者當陣前決開營壘爲戰道

波積凍連蒲海白雪凝寒徧柳城白一作雨○陽固演蹟

三山而解裳漢書宣帝紀本始二年後將軍趙充國爲蒲

類將軍注應邵曰蒲類匈奴中海名在敦煌北又西域傳

瀋陽海一名鹽澤者也去玉門陽關三百餘里廣袤三百
里其水亭居冬夏不增減皆以爲潛行地下南出於積石
爲中國河云沈炯從駕送軍詩蒲海方無浪夷山未有平
後漢書公孫瓚傳張純復與畔胡邱力居等寇漁陽河間
海入平原瓚追擊戰於屬國石門虜遂大敗瓚深入無
繼反爲邱力居等所圍於遼西管子城二百餘日糧盡食馬
馬盡煮弩楯力戰不敵乃與士卒辭訣各分散還時多雨
雪陸坑死者十五六虜亦飢困遠走柳城通典州郡門古
冀州柳城郡營州今理若乃地分乎微路指青波邊城暖
柳城縣柳城有石門山

氣從來少關塞寒雲本自多嚴風凜凜將軍樹苦霧蒼蒼

太史河

史記司馬相如傳司馬貞索隱張揖云微塞也以木柵水爲蠻夷界北方色黑故曰乎微史記陳涉

世家秦左右校復攻陳下之呂將軍走收兵復聚鄱盜當
陽君黥布之兵相收復擊秦左右校破之青波復以陳爲
楚裴駟集解駟案漢書音義曰地名也梁元帝關山月曰
朝望青波道夜上白登臺漢書嚴助傳邊城守候誠謹淮
南子時則訓煖氣早來陳壽三國志魏志高堂隆傳願陛
下畱心關塞永保無極傅咸神泉賦六合蕭條嚴風凜冽

古詩凜凜歲云暮李善注說文曰凜寒也後漢書馮異傳
異爲人謙退不伐行與諸將相逢輒引車避道每所止舍
諸將並坐論功異常獨屏樹下軍中號曰大樹將軍及破
邯鄲乃更部分諸將各有配隸軍士皆言願屬大樹將軍
光武以此多之庾信預麟趾殿校書和劉儀同詩月落將
軍樹風驚御史烏鮑照舞鶴賦嚴嚴苦霧皎皎悲泉詩兼
葭蒼蒼庾信周宗廟歌皇既拔距而從軍亦揚麾而挑戰
夏太史河如鏡詳高四詩亦一作且○漢書傳常鄭甘陳段傳甘延壽字君况北地
郁郅人也少以良家子善騎射爲羽林投石拔距絕於等
倫常超踰羽林亭樓由是遷爲郎顏師古注應邵曰拔距
卽下超踰羽林亭樓是張晏曰拔距超距也師古曰拔距
者有人連坐相把據地距以爲堅而能拔取之皆言其手
掣之力超踰亭樓又言其超捷耳非拔距也今人猶有拔
瓜之戲蓋拔距之遺法李延壽南史梁武帝紀帝揚麾鼓
譟響振山谷孫子地形第十遠形者勢均難以挑戰魏武
帝注挑戰者延敵也左傳宣公十二年趙旃求征旃凌沙
鄉未得且怒於矢楚之致師者請挑戰弗許
漢戎衣犯霜霰詩商頌武王載旆毛亨傳旆旗也隋煬帝
白馬篇塵飛戰鼓急風交征旆揚唐太宗

於北平作翠野駐戎軒盧龍轉征旆成公綏嘯賦又似鴻
雁之將翔羣鳴號乎沙漠李善注武帝元朔六年衛青將
六將軍絕幕應邵曰幕匈奴之南界傳瓚曰沙土曰幕今
案決幕漫也西域傳曰尉賓國以金銀為錢文為騎馬幕
為人面如淳曰幕音漫韋昭曰幕錢背也然則漫幕同義
師古曰此匈奴中沙漠地也崔浩謂之河底故李陵歌曰
徑萬里兮度沙漠是也猶今人呼帳幔亦曰幕可依字讀
義無爽今書或作漠音訓同說文曰漠北方流沙書武成
一戎衣天下大定左傳襄公二樓船一舉爭沸騰烽火四
十八年跋涉山川蒙犯霜露

連相隱見戈文耿耿懸落星馬足駸駸擁飛電章如愚羣

集兵門漢官儀曰高祖命天下選能引關駭張材力威猛
者以為輕車騎士材官樓船皆於正卒中選而為之一歲
而滿平地理志廬江郡有樓船卜式傳曰願與博昌習樓
船者擊呂嘉伍被傳曰有潯陽之船朱買臣為會稽太守
詔到郡治樓船刑法志武帝外有樓船疑武帝始置也及
考嚴安書曰秦皇帝使尉屠睢將樓船攻越則樓船蓋秦
制也漢因之漢官儀以為出於高祖豈其然哉戰國策秦
洛臨海長

策張儀說秦王曰舉荆東以強齊燕中以陵三晉然則是
 一舉而伯王之名可成也四隣諸侯可朝也王粲從軍詩
 一舉滅獯虜再舉伏羌夷詩小雅百川沸騰傳沸出騰乘
 也史記匈奴列傳燧火通於甘泉長安墨子號合篇畫則
 舉烽夜則舉火後漢書光武紀章懷太子注引前書音義
 曰邊方備警急作高臺臺上作桔皋桔皋頭有兜零呂薪
 草置其中常低之有寇即然火舉之目相告曰烽又多積
 薪寇至即燔之望其烟曰燧晝則燔燧夜迺舉烽案史記
 司馬相如傳集解引音義曰烽如覆米箕縣著桔槔頭又
 索隱作烽主晝燧主夜唐瞿曇悉達開元占經石氏中官
 占石氏曰乎戈一星在招搖北入氏一度去極二十三度
 在黃道內五十三度甘氏曰乎戈主邊兵星若小動兵小
 動大動兵大起敵人人入境謝朓覽使下都夜發新林至京
 邑贈西府同僚詩秋河曙耿耿寒渚夜蒼蒼李善注耿耿
 光也詩小雅載駉駉傳駉駉貌崔豹古今注鳥獸第
 四秦始皇有七名馬追風白兔躡景奔電飛翮銅爵神鳬
 傳乎短兵篇疾踰終取傷而先鳴豈論功而後殿左傳莊
 飛電回旋應規年得僞曰克孔穎達正義戰勝其師獲得其雄僞者潘岳
 西征賦辱十城之虛壽奄咸陽以取僞李善注取僞自取

雄儒也左傳襄公二十一年齊莊公朝指殖綽郭最曰是
寡人之雄也州綽曰君以為雄誰敢不雄然臣不敏平陰
之役先二子鳴漢書高惠高后文功臣表漢興八載而天
下迺平始論功而定封迄十二年侯者百四十有三人左
傳哀公十一年孟之側後入以為殿賀遂亮大唐平百
濟國碑銘命豐隆而後殿控列缺以前驅殿丁練反征

夫行樂踐榆溪倡婦銜怨守空閨薜蘿舊曲終難贈芍藥

新詩豈易題池前怯對鴛鴦伴庭際羞看桃李蹊詩小雅

騁騁征

夫傳征夫行人也水經注河水篇河水又南諸次之水入
焉水出上郡諸次山東逕榆林塞世又謂之榆林山即漢
書所謂榆林溪舊塞者也自溪西去悉榆柳之藪矣緣厯
沙陵屈龜茲縣西北故謂廣長榆也王恢云樹榆為塞謂
此矣蘇林以為榆中在上郡非也江淹擬陸平原羈宦流
念辭南澁銜怨別西津曹植雜詩妾身守空閨良人行從
軍薛道衡昔昔鹽關山別蕩子風月守空閨古詩上山采
蘼蕪下山逢故夫謝朓和王主簿怨情詩相逢詠蘼蕪辭
寵悲團扇詩鄭風伊其相諠贈之以勺藥毛亨傳勺藥香
草鄭康成箋士與女往觀因相與戲諠行夫婦之事其別

則送女以勺藥結恩情也江總宛轉歌欲題芍藥詩不成
來採芙蓉花已散古詞舍後有方池池中雙鴛鴦鴛鴦七
十二羅列自成行詩小雅傳鴛鴦匹鳥也崔豹古今注鳥
獸第四鴛鴦水鳥鳬類也雌雄未嘗相離史記李將軍列
傳贊諺曰桃李不言下自成蹊盧照隣長安花有情而獨
古意詩俱邀俠客芙蓉劍共宿倡家桃李蹊

笑鳥無事而恒啼見空陌之草積知閨牖之塵栖

二句據文苑英

華補○蕭大園竹花賦花繞樹而競笑鳥徧野而俱鳴庾
信小園賦鳥何事而逐酒魚何情而聽琴劉知幾史通外
篇雜說今俗文士謂鳥鳴爲啼花發爲笑花之與鳥安有
啼笑之情哉江淹別賦閨中風暖陌上草薰薛道衡昔昔
鹽闌牖懸蛛網

空梁落燕泥

蕩子別來年月久賤妾空房更難守鳳凰

樓上罷吹簫鸚鵡杯中休勸酒

休一作臨○陸機擬蘭若生朝陽隆想彌年月長嘯

入飛颿庾肩吾春宵詩征人別來久年芳復臨牖陸機擬
青青河畔草空房來悲風中夜起嘆息吹簫用列仙傳蕭
史吹簫事詳帝京篇但云爲作鳳臺王僧孺爲人傷近而
不見詩處女鳳凰樓漢姬柏梁殿藝文類聚蟲豸部南州

異物志曰鸚鵡螺狀如覆杯頭如鳥頭向其腹視似鸚鵡
故以爲名肉離殼出食飽則還殼中若爲魚所食殼乃浮
出人所不得質白而紫文如鳥形與鶻無異故因其象爲作
兩目兩翼也范成大桂海虞衡志鸚鵡螺狀如蝸牛殼磨
治出精采亦聞道書來一雁飛此時緘怨下鳴機裁鴛貼
雕琢爲杯

夜被薰麝染春衣

徐陵鴛鴦賦聞道鴛鴦一鳥鳴教人如

詭言武死後漢使復至匈奴常惠請其守者與俱得夜見
漢使具自陳道教使者謂單于言天子射上林中得雁足
有繫帛書言武等在某澤中使者大喜如惠語以讓單于
單于召會武官屬前以降及物故凡隨武還者九人張正
見賦得佳期竟不歸詩自對孤鸞向影絕終無一雁帶書
飛梁武陵王蕭紀夜夢詩昨夜夢君歸賤妾下鳴機古詩
文綵雙鴛鴦裁成合歡被爾雅釋獸麝父麝足郭璞注脚
似麝有香邢昺疏字林云小鹿有香其足似麝故云麝足
藝文類聚人部二十寶晉紀曰石崇出妓妾數十人屏風
皆蘊蘭麝而被羅縠庾信春賦披香殿裏作春衣

宛轉蓮花帳
牕月玲瓏
翡翠幃
箇日新粧始復罷
祇應含

笑待君歸

始一作如○劉熙釋名釋牀帳屏風言可以屏

薛道衡宴喜賦

徘徊宛轉掩映玲瓏崔鴻十六國春秋後

趙錄石虎冬月

施蜀錦流蘇斗帳又用明光錦以白縑爲

裏名曰複帳

帳之四角安純金銀鑿鏤香爐蕪以百合香

安金蓮花以冠

帳頂帳之四面皆作十二章相雜采色燿

爛又作沈蘇帳

頂亦安金蓮花花中懸金薄織成綉囊

裏受三斗以沈

香注帳之四面上有十二香囊采色亦同

又安純金龍龍

頭銜五色沈蘇潘岳悼亡詩皎皎窗中月

照我室南端以

窗月對屏風此借字對也梁簡文帝曉思

詩爐烟入斗帳

屏風隱鏡臺六朝已有此對法矣漢書揚

雄傳前殿崔巍

今和氏玲瓏注孟康曰其聲瓏玲也晉灼

曰瓏玲明見貌

也師古曰瓏玲晉說是也左思吳都賦珊瑚

珞幽茂而玲瓏

劉逵注玲瓏明貌楚辭招魂翡翠帷飾

高堂些張揖注

上林賦曰翡翠大小如爵雄赤曰翡翠雌青

曰翠案史記文

帝本紀所幸慎夫人令衣不得曳地幃帳

不得文繡漢書

作帷帳是帷與幃古字通也庾信鏡賦梳

頭新罷照著衣

還從粧處取將歸又蕩子賦前日漢使著

章臺聞道夫婿

定歷迴手巾還欲燥愁眉卽剩開逆想行

人至迎前含笑

來鮑泉詠薔薇詩佳麗新粧罷含笑折芳

叢

螢火賦

并序 爾雅釋蟲螢火即炤郭璞注夜飛腹下有火熒與螢通按此篇當是為侍御史上

疏下獄
時作

余猥以明時久遭幽繫見一葉之已落知四運之將終懷

然客之為心乎悲哉秋之為氣也

為一作乃○曹植上責躬應詔詩表猥垂齒召

李善注猥猶曲也張揖廣雅釋言猥頓也范蔚宗後漢書徐禕傳陳蕃胡廣等上疏薦禕等曰天挺俊父為陛下出當輔弼明時左右大業者也張華鷗鵲賦屈猛志以服養塊幽繫於九重據憲臺出繫寒夜有懷詩臨海蓋以前一年冬見誣至是年秋將及一歲故曰久遭幽繫也淮南子說山訓見一葉落而知歲之將暮四運見江鎮詩張華情詩悽然心獨悲謝朓暫使下都夜發新林至京邑贈西府同僚詩客心悲未央悲哉句用宋玉九辯文也

無幾時事如何大塊是勞生之機小智非周身之務

一作防○

蕭子顯南齊書王融傳蒲柳先秋光陰不待陸機擬今日
良宴會人生無幾何爲樂常苦晏春秋左傳襄公三十一
年悉索敝賦以來會時事莊子內篇大宗師夫大塊載我
以形勞我以生按大塊謂天地又內篇齊物論大知閑閑
小知閒閒陸德明釋文音智魏書高允傳嗟乎綈袍匪舊
郎苗始舉用均已試智足周身言足爲治

白頭如新誰明公治之非孰辨臧倉之愬

史記范雎蔡澤列傳范雎既相

秦號曰張祿魏使須賈於秦范雎聞之爲微行敝衣閒步
之邸見須賈須賈見之而驚曰范叔固無恙乎范雎曰然
須賈曰今叔何事范雎曰臣爲人庸賃須賈意哀之留與
坐歛食曰范叔一寒如此哉乃取其一綈袍以賜之須賈
因問曰秦相張君公知之乎范雎曰主人翁習知之唯雎
亦得謁雎請爲君見於張君范雎歸取大車駟馬爲須賈
御之入秦相府府中望見有識者皆避匿須賈怪之至相
舍門謂須賈曰待我我爲君先入通於相君須賈待門下持
車良久問門下曰范叔不出何也門下曰無范叔須賈曰
鄉者與我載而入者門下曰乃吾相張君也須賈大驚自
知見賣乃肉袒膝行因門下人謝罪於是范雎盛帷帳侍
者甚衆見之須賈頓首言死罪曰賈不意君能自致於青

雲之上唯君死生之范睢曰汝罪有幾曰擢買之髮以續
賈之罪尚未足范睢曰汝罪有三耳公以睢爲有外心於
齊而惡睢於魏齊公之罪一也當魏齊辱我於廁中公不
止罪二也更醉而溺我公其何忍乎罪三矣然公之所以
得無死者以綈袍戀戀有故人之意故釋公乃謝罷入言
之昭王罷歸須賈司馬貞索隱綈厚綈也音啼蓋今之純
也張守節正義今之麗袍又魯仲連鄒陽列傳諺曰有白
頭如新傾蓋如故何則知與不知也裴駰集解駟按桓譚
新論言內有以相知與否不在新故也索隱服虔云人不
相知才能交至白頭猶如新也傾蓋如故如吳札鄭僑也
公治見疇昔篇陸德明論語音義公治長姓公治名長家
語字子張范甯云名芝字子長史記亦字子長臧倉見孟
子馮衍顯志賦誅犁鋌之
介聖兮討臧倉之愬知
是用中宵而作達旦不瞑覩茲

流螢之自明哀此覆盆之難照

許慎說文七篇宵夜也從
宀下冥也晉書祖逖傳

每語世事或中宵起坐積康養生論夜分而坐則低迷思
寢內懷殷憂則達旦不瞑李善注古眠字沈約八詠歲暮
愍衰草篇流螢暗明燭雁聲斷纔續王充論衡說日篇天
平正與地無異然而日出上日入下者隨天轉運視天若

覆盆之狀故視日上下然似若出入地中矣

夫類同而心異者龍蹲歸而宋樹

伐質殊而聲合者魚形出而吳石鳴苟有會於精靈夫何

患於異類

黃震日抄讀家語祖庭廣記曰先聖生有異質面如蒙俱手垂過膝眉一十二彩目六十四理

立如鳳峙坐如龍蹲

手握天文足履度宇望之如仆就之

如升王應麟困學紀聞評文龍蹲歸而宋樹伐龍蹲謂孔

子春秋演孔圖孔子坐如蹲龍立如牽牛盧照隣南陽公

集序昔者龍蹲東魯陳禮樂而救蒼生虎據西秦焚詩書

以思黔首莊子雜篇讓王夫子再逐於魯削迹於衛伐樹

於宋窮於商周困於陳蔡陸德明釋文孔子之宋與弟子

習禮大樹下宋司馬桓魋欲殺孔子伐其樹孔子遂行鄆

道元水經注漸江水篇異苑曰晉武時吳郡臨平岸崩出

一石鼓打之無聲以問張華華云可取蜀中桐材刻作魚

形扣之則鳴矣于是如言聲聞數十里劉道民詩曰事有

遠而合蜀桐鳴吳石魏文帝柳賦含精靈而寄生兮

保林體之豐衍淮南子陸形訓萬物之生而各異類

況乘

時而變含氣而生雖造化之萬殊亦昆蟲之一物

萬一作

不

○干

時而變含氣而生雖造化之萬殊亦昆蟲之一物

萬一作

不

○干

時而變含氣而生雖造化之萬殊亦昆蟲之一物

萬一作

不

○干

時而變含氣而生雖造化之萬殊亦昆蟲之一物

萬一作

不

○干

寶搜神記故腐草之爲螢也朽葦之爲葢也稻之爲蜃也
麥之爲蝴蝶也羽翼生焉眼目成焉心智在焉此自無知
化爲有知而氣易也大戴禮曾子天圓篇明者吐氣者也
是故外景幽者含氣者也是故內景故火日外景而金水
內景吐氣者施而含氣者化是以陽施而陰化也盧辯注
景古通以爲影字外景者陽道施也內景者陰道含藏也
金質陰也施施也化體生莊子內篇大宗師偉哉造化又
將奚以汝爲將奚以汝適淮南子本經訓斟酌萬殊郭璞
客傲寄羣籟乎無象域萬殊於一歸禮王制昆蟲未蟄不
以火田鄭氏注昆明也明蟲者得陽而生得陰而藏夏小
正昆蟲傳昆者衆也由魂魄也者動也小蟲動也大戴
禮易本命篇夫易之生人禽獸萬物昆蟲各有以生蔡元
度毛詩名物解螢一名挾火一名據火應節不憇信也與
崇有論曰鳥無胃而生螢無胃而有
物不競仁也逢昏不昧智也避日不明義也臨危不懼勇
也劉熙釋名釋天時期也物之生死各應節期而止也憇
與愆同潘岳螢火賦無干欲於萬物豈顧恤於網羅蕭
和螢火賦入乎夜而光淨出明燈而色幽又悲扶桑之吐
曜弱微軀而不明梁簡文帝詠螢火詩逢君拾光彩不怯

此身傾事沿情而動興理因物而多懷感而賦之聊以自廣

云爾各本下有有字因上無理字今據文苑英華改○

詩感物多所懷沈憂結心曲傳咸螢火賦序余曾獨處夜

序通為賦以自廣李善注自廣自寬也

伊乎功之播氣有丹鳥之賦象順陰陽而亭毒資變往而

含養每寒潛而暑至若知來而藏往既發暉以外融亦含

光而內朗暉一作揮非○謝朓三日侍宴曲水代人應詔

予功潛運至德旁通陸機演連珠臣聞日薄星迴穹天所

以紀物山盈川冲后土所以播氣李延壽北史文苑許善

心傳乾儀資始辰象所以正時坤載厚生品物於焉播氣

張揖廣雅釋詁播布也大戴禮夏小正篇八月丹鳥羞白

鳥戴德傳丹鳥者丹良也白鳥謂鷦鷯也其謂之鳥何也

重其養者也有翼者為鳥羞也者進也不盡食也崔豹古

今注魚蟲第五螢火一名耀夜一名景天一名熠燿一名
丹良一名燐一名丹鳥一名夜光一名宵燭腐草爲之食
蚊蚋謝惠連雪賦值物賦象任地班形老子長之育之亭
之壽之養之覆之王弼注亭謂品其形毒謂成其質按河
上公本作成之熟之劉峻辯命論生之無亭毒之心死之
豈虔劉之志易乾卦乾道變化各正性命孔穎達疏變謂
後來改前以漸移改謂之變化謂一有一无忽然而改謂
之爲化後漢書郎顗傳順助元氣含養庶類易繫辭上寒
往則暑來暑往則寒來又神以知來知以藏往謝朓爲人
作三日侍華光殿曲水宴詩神理內寂機象外融歐陽詢
藝文類聚天部上纂要曰暉若夫小暑南收大火西流林
日光也說文七篇朗明也
塘改夏雪物迎秋禮月令仲夏之月小暑至夏於位屬南
傳火大火也流下也鄭康成箋云大火者寒暑之候火星
中而寒暑退故將言寒先著火所在孔穎達正義毛以爲
周公云先公教民周備民奉上命於七月之中有西流者
是火之星也知是將寒之漸陸雲喜霽賦四時逝而代謝
夸大火忽其西流江總秋日侍宴婁湖應詔詩鳳蓋繞林
塘周宏讓立秋詩雲天改夏色木葉動秋聲左傳僖公五

年分至啓閉必書雲物杜預注分春秋分也至冬夏至也
啓立春立夏閉立秋立冬雲物氣色災變也陸雲喜霽賦
炎神送暑或凌虛而赴遠乍排叢而出幽均火齊之宵映
素靈迎秋

如夜光之暗投逝將歸其未返忽欲去而中畱

或一作忽均一作如

○宋玉小言賦景差曰載氛埃兮乘瀏塵體輕螭翼形微
蚤鱗聿遑浮踊凌虛縱身廣雅釋言乍暫也庾信和何儀
同講竟述懷詩螢排亂草出司馬相如子虛賦其石則赤
玉玫瑰注晉灼曰玫瑰火齊珠也師古曰火齊珠今南方
之出火珠也班固西都賦翡翠火齊流耀含英左思吳都
賦火齊之寶劉逵注異物志曰火齊如雲母重沓而可開
色黃赤似金出日南南史夷貊傳中天竺國土出犀象貂
鼠璫瑁火齊火齊狀如雲母色如紫金有光曜別之則蟬
翼積之則如紗縠之重沓也齊在詣切音劑鄒陽獄中上
書自明臣聞明月之珠夜光之璧以暗投人於道衆莫不
按劍相盼何則無因而至前也李善注西都賦曰高誘以
隋侯爲明月許慎以明月爲夜光班固上云隋侯明月下
云懸黎垂棘夜光在焉然班以夜光非隋珠明月矣以三
者合爲一寶經典不載夜光本末故說者參差矣西京賦

流懸黎之夜光吳都賦隋侯於是鄙其夜光鄒陽云夜光之璧劉琨曰夜光之珠尹文子曰田父得寶玉徑尺置於廬上其夜明照一室然則夜光為通稱不繫之於珠璧也潘岳螢火賦翔太陰之乎昧抱夜光以清遊曹植七啓若將飛而未逝若舉翼而中畱入槐榆而燄發若改燧而環周繞堂皇而

影徧疑秉燭以嬉遊點綴懸珠之網隱映落星之樓

徧一作泛

○論語鑽燧改火注馬融曰周書月令有改火之文春取榆柳之火夏取棗杏之火季夏取桑柘之火秋取柞櫟之火冬取槐檀之火一年之中鑽火各異木故曰改火邢昺疏鑽木出火謂之燧皇侃義疏鑽燧者鑽木取火之名也內則云火鐫木燧是也改火者四時所鑽之木不同若一年則鑽之一周變改已徧也張華勵志詩四氣鱗次寒暑環周漢書胡建傳監御史與護軍諸校列坐堂皇上注師古曰室無四壁曰皇廣雅釋詁堂堍壁也堍通作皇壁通作殿古詩晝短苦夜長何不秉燭遊禰衡鸛賦故其嬉遊高峻栖時幽深李善注說文曰嬉樂也劉義慶世說新語言語第三司馬太傅齋中夜坐於時天月明淨都無纖翳太傅嘆以為佳謝景重在坐答曰意謂乃不如微雲點

綴沈約應王中丞思遠詠月詩網軒映珠綴應門照綠苔
李善注楚辭曰網朱戶綴刻方連下云綠苔此當爲朱綴
今竝爲珠疑傳寫之誤按此賦云懸珠之網或本作珠也
劉峻山棲志蕙樓園樹隱映林簟左思吳都賦饗戎旅乎
落星之樓劉逵注樓在建鄴東北十里梁蕭和螢火賦眺
姮娥之澄景觀熠燿之羣遊類乾沙之火飛若清漢之星
流乍滅乍興或聚或散居無定所習無常翫曳影周流飄

光凌亂泛豔乎池沼徘徊乎林岸狀火井之沈熒似明珠

之出漢值衝颿而不烈逢淫雨而逾煥周易繫辭下變動

頴達疏言陰陽周徧流動在六位之虛鮑照舞鶴賦輕迹
凌亂浮影交橫江淹擬休上人怨別露彩方泛豔月華始
徘徊蕭和螢火賦時臨池而汎影與列宿而俱浮漢書高
后紀徘徊往來注師古曰徘徊猶傍徨不進之意也廣雅
釋訓徘徊便旋也或作裴回亦作徘徊並音義同沈約循
役朱方道路詩江移林岸微巖深烟岫複左思蜀都賦火
井沈熒於幽泉劉逵注蜀郡有火井在臨邛縣西南火井
鹽井也欲出其火先以家火投之須臾許隆隆如雷聲燭

山通天光輝十里以箭盛之接其光而無炭也善曰廣雅
曰熒光也張衡南都賦游女弄珠於漢皋之曲李善注韓
詩外傳曰鄭交甫將南適楚遵彼漢皋臺下乃遇二女佩
兩珠大如荆雞之卵梁簡文帝詠螢詩井疑神火照簾似
夜珠明爾雅釋天扶搖謂之焱郭璞注暴風從下上焱通
作颯楚辭九歌少司命衝颯起兮水揭波說文十篇烈火
猛也左傳莊公十一年天作淫雨爾雅釋天久雨謂之淫
淫謂之霖何晏論語集解煥明也梁元帝詠螢火詩到來
燈下暗翻照灼兮若湛盧之夜飛的礫兮像招搖之夕爛
往雨中然

與庭燎而相炫然重陰於已昏其燭火而齊息避太陽於

始旦

庭一作夜然一作照。鮑照舞鶴賦臨驚風之蕭條

對流光之照灼趙晁吳越春秋闔廬內傳湛盧之劍

惡闔閭之無道也乃去而出水行如楚楚昭王臥而寤得

吳王湛盧之劍於床張協七命或馳名傾秦或夜飛去吳

司馬相如上林賦明月珠子的礫江靡李善注說文曰玃

璫明珠光也玃璫與的礫同音同禮曲禮上招搖在上鄭

氏注招搖在北斗杓端主指者孔穎達疏招搖北斗七星

也北斗居四方宿之中以斗末從十二月建而指之則四

方宿不差詩鄭風明星有爛又小雅夜如何其夜未央庭
燎之光傳庭燎大燭陸德明釋文燎力照反鄭云在地曰
燎執之曰燭又云樹之門外曰大燭於內曰庭燎皆是照
衆爲明周禮秋官司烜氏凡邦之大事共墳燭庭燎故書
墳爲贊鄭司農云贊燭麻也樓鑰曰古者如男子夜行必
以燭童子隅坐而執燭又如顏叔之秉燭非如今之蠟燭
也凡點火而明者如麻骨樺皮松明之類可以照者皆謂
之燭今祭祀所用庭燎以麻骨一大束立於地而然其上
照耀一庭故毛謂之大燭司農謂之麻燭沈旋詠螢火詩
泊樹類奔星集草疑餘燎望之如可灼攬之徒有耀說文
十篇炫燭耀也木華海賦陽冰不治陰火潛然潘岳螢火
賦至夫重陰之夕風雨晦暝萬物眩惑翩翩獨征莊子內
篇逍遙遊堯讓天下於許由曰日月出矣而燭火不息其
於光也不亦難乎陸德明釋文燭本亦作燭音爵郭祖緄
反司馬云然也向云人所然火也一云燭火謂小火也字
林云燭炬火也子召反燭所以然持火者子約反說文七
篇曰太易之精沈旋詠螢火詩雨墜弗虧光陽
昇反奪照自照灼兮至始旦言其應節不慙
爾其光不

周物明足白資偶仙鼠而伺夜謝飛蛾之赴燭

謝一作對
非燭本作

嬉文苑英華注嬉疑作嬉今從之○易繫辭上知周乎萬物而道濟天下故不過孔鮒小爾雅廣言資取也廣雅釋言資用也傳咸螢火賦不以姿質之鄙薄兮欲增輝乎泰清雖無補於日月兮期自照於陋形爾雅釋鳥蝙蝠服翼郭璞注齊人呼爲蠺蠹或謂之仙鼠孝經援神契蠺蠹服匿故夜食今蝙蝠乘夜而出盤翔室中揚雄方言蠺蠹自關而東謂之服翼或謂之飛鼠或謂之老鼠或謂之僂鼠自關而西秦隴之閒謂之蝙蝠北燕謂之蠺蠹鮑照飛蛾賦仙鼠伺夜飛蛾候明崔豹古今注魚蟲第五飛蛾善拂燈一名火花一名慕光南史到溉傳上又賜溉連珠曰如飛蛾之赴火豈焚身之可吝劉楨贈五官中郎將詩明鐙熒熒光李善注廣雅曰熒熒也熒大明貌火其切四言其與物類君子之有道入暗室而不欺同至人之無迹懷明不競

義以應時

姚思廉梁書簡文帝本紀太宗見幽縈題壁自序云弗欺暗室豈況三光淮南子原道訓道者

其動無形變化若神其行無迹常後而先是故至人之治也依道廢智與民同出於公曹植感節賦慕全歸之明義庶不忝乎所生潘岳螢火賦奇姿燎朗在陰益榮猶賢哲之處時時昏昧而獨明四言言其逢昏不昧處幽

不昧居照斯晦隨隱顯而動息候昏明以進退劉歆遂初賦處幽潛

德含聖神兮抱奇內光自得真兮說文十篇照明也从火

昭聲陶潛雜詩日入羣動息歸鳥趨林鳴李善注莊子善

卷曰余日出而作日入而息尸子曰晝動而夜息天之道

也傳咸螢火賦當朝陽而戢景兮必宵昧而是征進不競

於天光兮退在晦而能明諒有似乎賢臣委性命兮幽乎

任物理兮推遷化腐木而含彩集枯草而藏烟不貪熱以

苟進每和光而曲全豈如鎔金而自鑠甯學膏火之相煎

莊子外篇知北遊性命非汝有是天地之委順也嵇康琴

賦委性命兮任去留抱朴子外篇行品智周成敗思洞幽

乎謝靈運過始寧墅詩逐物遂推遷月令季夏之月腐草

為螢孔穎達疏腐草此時得暑溼之氣故為螢不云化者

蔡氏鳩化為鷹鷹還化為鳩故稱化今腐草為螢螢不復

為腐草故不稱化按逸周書時訓解大暑之日腐草化為

螢是螢亦稱化也云腐木者避下文也然詩熠燿疏云腐

草木得溼而光則腐木竝可為螢梁元帝詠螢火詩著人

疑不熟集草若無烟賈誼惜誓或偷合而苟進兮或隱居而深藏老子無源章和其光同其塵王弼注和光而不汙其體同塵而不淪其真又謙益章曲則全枉則直王弼注不自見其明則全也漢書董仲舒傳猶金之在鎔唯冶者之所鑄注師古曰鎔謂鑄器之模範也說文十四篇鎔冶金灋也又鑠銷金也關尹子火之爲物能鎔金而銷之莊子內篇人閒世山木自寇也膏火自煎陋蟬蛸之習蛻怵也自委性命至相煎言其臨危不懼

螻蟻之慕羶匪傷蜉蝣之夕不羨龜鶴之年槍榆飛而控地搏扶起而垂天雖小大之殊品豈逍遙之異詮夫何化

之斯化無使然而自然鄭樵通志昆蟲草木畧蛸蟬一物爾方言云楚辭蟬爲蛸宋衛謂之

蟬蛸陳鄭謂之蛸蛸秦晉謂之蟬究而言之實爲二物五月以前鳴者似蠅而差大青色或有紅者夜在草上日在水上聲小而清亮此則正謂之蛸七月以後鳴者似蚩色亦斑此則正謂之蟬亦名蛸蛸舊云蟬是蛸蛸所轉凡久而化成至夏便登木而蛻此說非也蛸蛸轉凡但成其子而蟬正是蛸蛸化爾又糞中蛸蛸及載蟲之類亦化爲蟬

也蟬脫曰枯蟬曰伏蜻莊子雜篇徐無鬼羊肉不慕蟻蟻
慕羊肉羊肉羶也舜有羶行百姓悅之淮南子詮言訓龜
三千歲蜉蝣不過三日以蜉蝣而爲龜憂養生之具人必
笑之矣郭璞遊仙詩借問蜉蝣輩甯知龜鶴年李善注大
戴禮夏小正曰蜉蝣朝生而暮死養生要論曰龜鶴壽有
千百之數性壽之物也道家之言鶴曲頸而息龜潛匿而
噫此其所以爲壽也服氣養性者法焉莊子內篇逍遙遊
諧之言曰鵬之徙於南冥也水擊三千里搏扶搖而上者
九萬里去以六月息者也又蜩與鸞鳩笑之曰我決起而
飛棹榆枋時則不至而控於地而已矣奚以之九萬里而
南爲郭象注苟足於其性則雖大鵬無以自貴於小鳥小
鳥無羨於天地而榮願有餘矣小大雖殊逍遙一也陸德
明音義傳司馬云搏飛而上也上行風謂之扶搖爾雅云
扶搖謂之颺郭璞云暴風從下上也檣七良反司馬李云
猶集也崔云集也支遁云檣突也榆木名也枋李云檀木
也崔云木也或曰木名控司馬云投也又云引也崔云叩
也列子天瑞篇有生不生有化不化不生者能生不生化
者能化化生者不能不生化者不能不化故常生常化常
生常化者無時不生無時不化陰陽兩四時爾不生者疑
獨不化者往復其際不可終疑獨其道不可窮張湛注陰

陽四時變化之物而復屬於有生之域者皆隨此陶運四
時改而不停萬物化而不息者也文子守樸篇故生生者
未嘗生其所生者即生生化者未嘗化其所化者即化劉
峻辨命論自然者物見其然不知所以然同焉皆得不知
所以得傳咸螢火賦蓋物小而驗大今固作若乃有來斯
者之所旌假乃光而爾熾兮庶有表乎忠貞

通無往不至排朱門而獨遠昇青雲而自致匪偷光於鄰
壁甯假輝於陽燧終徇己以效能靡因人而成事

效一作致靡一作

作非○庾闡弔賈誼文道來斯通世往斯圯魯褒錢神論
無遠不往無幽不至又無德而尊無勢而熱排朱門而入
紫閣廣雅釋詁排推也郭璞遊仙詩朱門何足榮青雲自
致見上文綈袍句注揚雄解嘲當途者升青雲失路者委
溝渠葛洪西京雜記匡衡勤學而無燭隣舍有燭而不逮
乃穿壁引其光以書映光而讀之淮南子天文訓故陽燧
見日則然而為火高誘注陽燧金也取金杯無緣者熟摩
合熱日中時以當日下以艾承之則然得火崔駰達旨游
不論黨苟以徇己史記平原君虞卿列傳平原君與楚合
從毛遂左手持盤血而右手招十九人曰公相與敵此血

於堂下公等錄錄所
謂因人成事者也
物有感而情動迹或均而心異響必

應之於同聲道固從之於同類殆未明其趨舍庸詎識其

旨意予向不知魚之為樂吾又安
別本安下有能字知營

之所利
動一作遷殆一作始其一作於所一作為○禮樂

心亦異也易乾卦同聲相應孔穎達疏若彈宮而宮應彈

角而角動是也又本乎天者親上本乎地者親下則各從

其類也虞翻注方以類聚物以羣分乾道變化各正性命

觸類而長故各從其類莊子雜篇漁父同類相從同聲相

應固天之理也司馬遷報任少卿書趨舍異路李善注太

公六韜書曰夫人皆有性趨舍不同顏師古曰趨所向也

舍所廢也潘岳秋興賦苟趨舍之殊塗今庸詎識其躁靜

趙岐孟子題辭旨意合同若此者衆莊子外篇秋水莊子

與惠子遊於濠梁之上莊子曰儵魚出遊從容是魚樂也

惠子曰子非魚安知魚之樂莊子曰子非我安知我不知

魚之樂
高明兮有融遷變兮無窮牛哀倏而化鱗
諸本俱作

樂
虎今據文

苑英

羽泉忽兮生熊血三年而藏碧魂一變而成虹知戰

場之有燐悟冤獄之為蟲

詩大雅昭明有融高朗令終傳融長朗明也宋玉高唐賦須臾

之閒變化無窮淮南子倣真訓昔公牛哀轉病也七日化

為虎其兄掩戶而入覘之則虎搏而殺之是故文章成獸

爪牙移易志與心變神與形化方其為虎也高誘注公牛氏韓人變

人也方其為人不知其且為虎也高誘注公牛氏韓人變

虎言贊者劉昫舊唐書高祖紀皇祖諱虎唐避先代諱如

王勃益州夫子廟碑沈玉贊於唐邱躍潛蚪於大渚沈佺

期答魑魅代書寄家人詩且懼威非贊甯知心似狼俱借

贊為虎可證贊黃練切左傳昭公七年昔堯殛鯀于羽山

其神化為黃熊以入于羽淵杜預注羽山在東海祝其縣

西南陸德明釋文黃熊音雄獸名亦作熊如字一音奴來

反三足鼈也解者曰獸非入水之物故是鼈也一曰既為

神何妨是獸孔穎達正義曰諸本皆作熊字賈逵云能獸

也汲冢周書瑣語云晉平公夢見赤熊闕屏惡之而有疾

使問子產曰闕屏牆必是獸也張叔皮論云賓爵下華田

鼠上騰牛哀虎變魑化為熊久血為燐積灰生蠅傳乎潛

通賦聲伯忌瓊瑰而弗占兮晝言諸而暮終正沈璧以祈

福兮鬼告凶而命窮黃母化而爲鼃今鼃殛變而成熊二者所韻不同或疑張叔爲能著作郎王邵云古人讀雄與熊者皆于陵反張叔用舊音傳乎用新音張叔亦作熊也唐避高祖諱改淵爲泉呂氏春秋八覽必已篇葛宏死藏其血三年而爲碧高誘注葛宏周敬王大夫號知天道欲城成周支天之所壞故衛奚知其不得沒也及范吉射荀寅叛其君襄宏與知之周劉氏范氏世爲婚姻襄宏事劉文公故周人與范氏晉人讓周周爲之殺襄宏不當其罪故血三年而爲碧也太平御覽天部十四異苑曰古語有之曰古者有夫婦荒年菜食而死俱化成青虹故俗呼爲美人列子天瑞篇馬血之爲轉燐也人血之爲野火也張湛注此皆一形之內自變化也淮南子汜論訓老槐生火久血爲燐高誘注血精在地暴露百日則爲燐遙望炯炯若然火也說文十篇燐兵死及牛馬之血爲燐燐望炯炯从炎舛徐鍇曰案博物志戰鬪死亡之處有人馬血積年爲燐著地入炒木如霜露不可見有觸者著人體便有光拂拭卽散無數又有吒聲如燭豆舛者人足也言光行著人良切切藝文類聚食物部東方朔別傳曰武帝幸甘泉長平坂道中有蟲赤如肝頭目口齒悉具先馳驅還以報上使視之莫知也時朔在屬車中令往視焉朔曰此謂怪

哉是必秦獄處也上使按圖果秦獄地上問朔何以知之
朔曰夫積憂者得酒而解乃取蟲置酒中立消賜朔帛百
匹後屬車上盛酒爲此也說文十篇冤屈
也从一兔兔在一下不得走益屈折也 彼翺飛之弱質

尙矯翼而凌空何微生之多躡獨宛頸以觸籠異璧光之

照廡同劒影之埋豐覲道迷而可復庶鑒幽而或通 楚辭

九歌

東君翺飛兮翠曾王逸注言身體翺然若飛似翠鳥之舉
也說文四篇翺小飛也廣雅釋言質軀也揚雄解嘲矯翼
厲翮恣意所存廣雅釋詁矯飛也蕭和螢火賦忽翔飛而
暫隱時凌空而更颺方言作翻說文十一篇躡踣也詩曰
載躡其尾陟利切西京雜記路喬如爲鶴賦宛修頸而顧
步啄沙磧而相謹說文七篇宛屈草自覆也宛頸猶言屈
頸也左思詠史詩習習籠中鳥舉翮觸四隅尹文子大道
上篇魏田父有耕于野者得寶玉徑尺弗知其玉也以告
鄰人鄰人陰欲圖之謂之曰怪石也畜之勿利其家弗如
一復之田父雖疑猶錄以歸置于廡下其夜玉明光照一
室田父稱家大怖復以告鄰人鄰人曰此怪之徵遄棄殃
可銷于是遽而棄於遠野鄰人無何盜之以獻魏王魏王

召王工相之王工相之再拜而立敢賀曰王得此天下之
寶臣未嘗見王問價玉工曰此玉無價以當之五城之都
僅可一觀魏王立賜獻王者千金長食上大夫祿晉書張
華傳初吳之未滅也斗牛之閒常有紫氣及吳平之後紫
氣愈明華聞豫章人雷煥妙達象緯乃要煥宿因登樓仰
觀煥曰寶劍之精上徹於天耳華曰君言得之因問曰在
何郡煥曰在豫章豐城華大喜卽補煥爲豐城令煥到縣
掘獄屋基入地四丈餘得一石函光氣非常中有雙劍並
刻題一曰龍泉一曰太阿其夕斗牛閒氣不復見矣煥取
南昌西山北巖下土以拭劍光芒發大盆盛水置劍其
上視之者精芒炫目遣使送一劍并土與華畱一自佩或
謂煥曰得兩送一張公豈可欺乎煥曰本朝將亂張公當
受其禍此劍當繫徐君墓樹耳靈異之物終當化去不永
爲人服也華得寶劍愛之常置坐側華以南昌土不如華
陰赤土報煥書曰詳觀劍文乃干將也莫邪何復不至雖
然天生神物終當合耳因以華陰土一斤致煥煥更以拭
劍倍益精明華誅失劍所在煥卒子華爲州從事持劍行
經延平津劍忽於腰閒躍出墮水使人沒水取之不見劍
但見兩龍各長數丈蟠紫有文章沒者懼而反須臾光彩
照水波浪驚沸於是失劍華嘆曰先君化去之言張公終

合之論此其驗乎楚辭離騷經迴朕車以復路今覽年華
及行迷之未遠潘岳滄海賦無遠不集靡幽不通

而自照顧形影以相弔感秋夕以殷憂懣宵行以熠燿年

作光以一作之懣一作歎○庾信竹杖賦并皆年華未暮

容貌先秋曹植上責躬應詔詩表形影相弔五情愧赧李

善注陸機嘆逝賦引韓詩曰耿耿不寐如有殷憂爾雅釋

詁懣懣也女版切幽風熠燿宵行傳熠燿燐也燐螢火也

疏釋蟲云螢火即炤舍人云螢火即夜飛有火蟲也本草

螢火一名夜光一名熠燿案諸文皆不言螢火為燐淮南

子云久血為燐許慎云謂兵死之血為鬼火然則燐者鬼

火之名非螢火也陳思王螢火論曰詩云熠燿宵行章句

以為鬼火或謂之燐未為得也天陰沈數雨在於秋日螢

火夜飛之時也故云宵行然腐木得溼而光亦有明驗衆

說並為螢火近得實矣段玉裁曰螢火謂其火熒熒閃賜

陳思王螢火論曰章句者謂薛君章句毛韓古無異說毛

詩字本作熒古者鬼火與即炤皆謂之熒火絕無螢字也

錢氏詩話熠燿宵行宵行蟲各熠燿其光也如後倉庚

于飛熠燿其羽亦是此義不應指為蟲各張華

詩星火既夕忽焉素秋涼風振落熠燿宵流

熠燿飛兮

絕復連殷憂積兮明白煎見流光之不息愴驚魂之屢遷

如過隙兮已矣同奔電兮忽焉儻餘光之可照庶寒灰之

重然

自一作且○傳咸螢火賦夜耿耿而不寐兮憂悄悄而傷情左九嬪離思賦嗟殷憂之沈積兮獨鬱結而

誰誦

何遜爲衡山侯與婦書心如膏火獨夜自煎思等流

波終

朝不息張衡天象賦勢微微而有象輔熠熠而流光

虞世

南詠螢詩的歷流光小飄飄弱翅輕楊繒照帙秋螢

詩含

明終不息夜月空徘徊廣雅釋詁愴悲也焦贛易林

魂驚

魄去不可以居謝靈運山居賦招驚魂於殆化收危

形於

將闌謝朓郡內登望詩悵望志已極愴悅魂屢遷莊

子外

篇知北遊人生天地之閒若白駒之過卻忽然而已

陸德

明釋文白駒或云日也卻去逆反本亦作隙漢書魏

豹田

儋韓王信傳人生一世閒如白駒過隙注師古曰言

其速

疾也白駒謂日景也隙壁際也曹毗馬射賦奔電無

以追

其蹤逸羽不能企其足潘岳螢火賦類若飛電之宵

逝豈

似移星之雲流史記樗里子甘茂列傳甘茂之亡秦

奔齊

逢蘇代代爲齊使於秦甘茂曰臣聞貧人女與富人

女會

績貧人語曰我無以買燭而子燭光幸有餘子可分

我餘光無損子明而得一斯便焉今臣困而君方使秦而當路矣茂之妻子在焉願君以餘光振之又韓長孺列傳安國坐法抵罪蒙獄吏田甲辱安國安國曰死灰獨不復然乎

靈泉頌

宋祁新唐書孝友傳宋思禮字過庭事繼母徐爲聞孝補蕭縣主簿會大旱井池涸母羸疾非泉水不適口思禮憂懼且禱忽有泉出諸庭味甘寒日不乏汲縣人異之尉柳晃爲刻石頌其孝感劉昫舊書孝友傳不載案蕭縣唐屬河南道徐州與頌云此邑城控剡山地連禹穴迴相懸隔又云出贊荒隅途經勝壤當是之官臨海經過所作唐自長安至臨海亦無由經徐州之蕭縣毛氏奇齡以爲蕭山又疑永興改名蕭山在天寶年以文苑英華作前縣尉謂卽永興據李吉甫元和郡縣志江南道越州蕭山縣本曰餘暨吳王弟夫槩邑吳大帝改曰蕭山以縣西一里蕭山爲名則蕭山實名於三國吳疑頌本作蕭山縣尉此以舊地名爲稱亦猶洛州天寶元年始改爲廣平郡篇中已稱曰廣平也是必編斯集者因其時永興尙

未更名蕭山據刪一字移之蕭縣
作新書者遂沿其誤莫能訂正爾

聞夫乎功幽贊靈心以有德是親至道冥符篤行以通神

爲本

神一作仁○蕭子顯南齊書明帝紀永泰元年詔曰仲尼乎功潛被至德彌彰易說卦傳昔者聖人之作

易也

幽贊於神明而生著李鼎祚集解荀爽曰幽隱也贊

見也

于寶曰幽昧人所未見也贊求也沈約宋書文帝紀

元嘉

二十六年詔曰荀總形勝實惟名都故能光宅靈心

克昌

帝業書太甲下惟天無親克敬惟親又蔡仲之命皇

天無

親惟德是輔孝經先王有至要道晉張天錫遺郭瑀

書心

與至境冥符志與四時消息晉書藝術傳幽贊冥符

弼成

人事禮儒行篤行而不倦行下孟反孝經孝弟之至

通於

神明司馬光指解通於神明者鬼神歆其祀而致其

福宋

書樂志明明若乃天經地義色養協於因心夏清冬

我后

予德通神

溫愛

敬宏於錫類孝經子曰夫孝天之經也地之義也民

地以

承順爲宜故曰義晉書山濤傳山濤遷尙書以母老

辭職

詔曰君雖乃心在於色養且當割情以隆在公案色

孝之難意此以愛敬作對謂容色奉養也詩大雅
維此三季國心則友毛亨傳因親也鄭氏箋王季之心親
而父善於宗族禮曲禮上凡為人子之禮冬溫而夏清
養定而晨省孝經子曰愛親者不敢惡於人敬親者不敢
慢於人愛敬始於事親而德教加於百姓刑於四海蓋天
子之孝也邢昺疏沈宏云親至結心為愛崇恪表述為敬
劉炫云愛惡俱在於心敬慢並見於貌愛者隱惜而結於
內敬者嚴肅而形於外皇侃云愛敬各有心迹烝烝至惜
是為愛心溫清搔摩是為愛迹肅肅悚慄是為敬心拜伏
擎跪是為敬迹舊說云天子以愛敬為孝及庶人以躬耕
為孝五者並相通否梁王答云天子既極愛敬必須五等
行之然後乃成庶人雖在躬耕豈不愛敬及不驕不溢已
下事耶以此言之五等之孝互相通也詩大雅孝子不匱
永錫爾類傳匱竭類善也箋云孝子之行非有竭極之時
長以與女之族類謂下逮六幽之與上洞三光之精不有
廣之以教道天下也

至誠孰云斯感

後漢書章帝紀章和元年詔曰緝熙康乂
光昭六幽章懷太子注六幽謂六合幽隱

之處也莊子雜篇說劍上法圓天以順三光徐堅初學記
天部纂要云日月星謂之三辰亦曰三光晉書孝友傳序

亦有至誠上感明祇下贊有廣平宋思禮字過庭皇朝永州刺史防之

嫡孫戶部員外郎順之長子班固漢書地理志廣平國屬冀州劉昫舊唐書地理志河

北道洛州隋武安郡武德元年改為洛州天寶元年改為

廣平郡案臨海時不得有廣平此稱其古地名也舊書地

理志江南西道永州中隋零陵郡武德四年置永州歐陽

修新書百官志上州刺史從三品職同牧尹中州刺史正

四品下州刺史從四品下武德元年改太守曰刺史加

使持節天寶元年改刺史曰太守舊書職官志戶部郎中

二員並五品上員外郎二員從六品上幼丁偏罰早喪慈親永懷鞠育之恩

長增思慕之痛幼一作伶罰一作露親一作母育一作養

宋書殷景仁傳太祖所生章太后早亡上奉太后所生蘇

氏甚謹六年蘇氏卒車駕親往臨哭下詔曰朕夙罹偏罰

情事兼常每思有以光隆懿戚少申罔極之懷呂氏春秋

十二紀節喪篇孝子之重其親也慈親之愛其子也痛於

肌骨往也詩小雅父兮生我母兮鞠我拊我畜我長我育

我傳鞠養箋云育覆育也嵇康幽憤詩母兄鞠育有慈無

感漢書匡張孔馬傳匡衡上疏曰陛下秉至孝哀傷思慕不絕於心弱不好弄長而能賢趨

庭聞詩禮之風亢宗勗曾閔之行

亢一作承○春秋左傳僖公十三年夷吾弱不

好弄杜預注弄戲也又隱公三年宋穆公疾召大司馬孔父而屬殤公曰先君以寡人爲賢使主社稷若棄德不讓是廢先君之舉也豈曰能賢趨庭見論語左傳昭公元年太叔曰吉不能亢身焉能亢宗注亢蔽也漢書明帝紀永平十二年詔曰昔曾閔奉親竭歡致養初學記人事部閔損與曾參門徒之中最有孝稱今言者莫不本之曾閔

事後母徐以至孝聞北嚮興悲泣高堂而咎己東遊下位

覲微祿以逮親

嚮一作面覲一作歡○毛氏奇齡曰宋思禮舉聞孝補承興主簿六朝及唐有聞孝

望孝諸薦舉科故舊唐書云事繼母徐爲聞孝駱丞集引註改以孝聞非是案事見新書毛氏誤其曰聞孝亦以此序有以至孝聞之語稱聞孝也韓嬰詩外傳曾子曰往而不可返者親也至而不可加者年也是故孝子欲養而親不待也木欲直而時不待也是故椎牛而祭墓不如雞豚逮親存也故吾嘗仕齊爲吏祿不過鍾釜尚猶欣欣而喜

者非以為多也樂其逮親也既沒之後吾嘗南遊於楚得尊官焉堂高九仞懷題三圖轉轂百乘猶北鄉而泣涕者非為賤也悲不逮吾親也故家貧親老不擇官而仕樂府清調曲相逢行挾瑟上高堂由陝之越故曰東遊北嚮二句恨親之不及見東遊二句欣後母徐之得祿養也調露二年來佐百里俯就微班

之列將申返哺之情苟立身其若斯於從政乎何遠

苟一作敬

遠一作有王溥唐會要帝號上高宗儀鳳四年六月十

五日改為調露調露二年八月二十三日改為永隆新書

百官志京縣主簿二人從八品上畿縣主簿一人正九品

下中縣主簿一人中下縣主簿一人下縣主簿一人從九

品上諸縣置主簿以流外為之潘岳西征賦俄命余以末

班孔鮒小爾雅廣詁班次也禽經慈鳥反哺張華注慈鳥

曰孝鳥長則反哺其母大嘴鳥否孝時歲亢旱金石行銷

經立身行道揚名於後世以顯父母時歲亢旱金石行銷

環近川源殆將堙絕濬井皆為湯谷通波盡化汚池

文苑英華

時字上有雖屬二字今依蜀本○陳壽三國志魏志毛玠

傳亢旱以來積三十年張揖廣雅釋詁亢極也莊子內篇

逍遙遊大旱金石流土山焦楚辭招魂十日並出流金錄
石些王逸注錄銷也言東方有扶桑之木十日並在其上
以次更行其勢酷烈金石堅剛皆為銷釋國語周語陽失
而在陰川源必塞廣雅釋詁堙塞也爾雅釋言濬深也山
海經海外東經黑齒國下有湯谷湯谷上有扶桑十日所
浴郭璞注谷中水熱也班固西都賦控引淮湖與海通波
陸機答張士然詩回渠繞曲陌通波扶直阡許慎說文十
一篇洿濁水不流也一日窰下也汚蕝也一日小池為汙
案孟子梁惠王篇作洿滕而太夫人一無在遲暮之年有
文公篇作汙汙與洿畧同

溫勞之疾非濫漿不可以適口非源泉不可以蠲疴色養

既虧憂惶靡訴

太夫人見贈高四詩序楚辭離騷經恐美人之遲暮素問熱論凡病傷寒而成溫者

先夏至日者為病溫後夏至日者為病暑又宣明五氣篇
五勞所傷久視傷血久臥傷氣久坐傷肉久立傷骨久行
傷筋是謂五勞所傷爾雅釋詁勞病也許慎說文十三篇
勞勩也禮內則漿水醢醢鄭氏注漿酢醢濫以諸和水也
以周禮六飲校之則濫涼紀莒之問名諸為濫孔穎達正
義按漿人注云涼今寒粥若糗飯雜水也則此以諸和水

謂以諸雜糗飯之屬和水也諸者衆雜之辭濫力暫反揚雄方言南楚病愈者或謂之蠲或謂之除郭璞注蠲亦除也說文七篇痾病也張揖廣雅釋詁蠲瘵也痾病也痾並同庾信溫湯碑豈若醴泉消疾聞乎建武之朝神水蠲痾在乎咸康之世後漢書殤帝紀憂惶悼懼廣雅釋詁惶懼也俄而廳階之下忽有清泉

自生因疏導其源遂流注不竭味甘若醴氣冷如冰廣韻廳屋

集韻古者治官處謂之聽事後語省直曰聽故加廣周語疏爲川谷以導其氣大戴禮子張問人官篇源泉不竭故天下積也王充論衡是應篇爾雅又言甘露時降萬物以嘉謂之醴泉今儒者說之謂泉從地中出其味甘若醴故曰醴泉歐陽詢藝文類聚水部下此邑城控剡山地連禹廣志曰新城縣有冷泉水冷如冰

穴基址多石岡阜無津爰自興建以來曾微穿汲之利漢書

地理志會稽郡餘暨蕭山潘水所出東入海莽曰餘衍宋書州郡志永興合漢書餘暨縣吳更名案元和志稱吳大帝改爲蕭山當足改名蕭山後尋改名永興也舊書地理志儀鳳二年分會稽諸暨置永興縣天寶元年改爲蕭山

剡山本作剡溪今從蜀本樂史太平寰宇記江南東道越
州剡縣天姥山在縣南八十里謝靈運詩云暎投剡山中
明登天姥岑卽此也剡溪在縣南一百五十步禹穴見贈
高四詩按禹穴在今山陰縣剡縣今爲嵊縣新昌兩縣地
本集與親情書曰近緣之官佐任海曲便還故里冀敘宗
盟由義烏之臨海必由蕭山取道於山陰嵊縣新昌始達
台州故云漢書疏廣傳頗立產業基址左思吳都賦開國
之所基址址與趾同爾雅釋山山脊岡又釋地大陸曰阜
夏侯湛獵兔賦搜陵危險覓厯同阜沈約新安江水至清
淺深見底貽京邑游好詩滄浪有時濁清濟澗無津李善
注字書津液也隋書地理志舊置會稽郡平陳郡廢又廢
山陰永興上虞始寧四縣入案永興隋併入會稽唐儀鳳
二年復興建此邑至調露二
年凡五年也曾一作久非
非精誠貫於有道純志浹於

無私孰能洽冥貺以通幽導靈泉而致養者也

班固幽通賦非精誠

其焉通兮苟無實其孰信注曹大家曰非精誠所感誰能
若斯姚思廉梁書武帝紀普通二年詔曰政道多缺淳化
未凝何以仰叶辰和遠臻冥貺皇侃論語義疏李充云孝
子之事親也養則致其樂病則致其憂貴其能稱年而致

養也昔漢臣忠烈窮井飛於一言姜婦孝思潛波移於七里

靜惟陳迹彼亦何人

漢臣用耿恭事見久戍邊城詩後漢書列女傳廣漢姜詩妻者同郡龐盛

之女也詩事母至孝妻奉順尤篤母好飲江水水去舍六七里妻嘗泝流而汲姑嗜魚鱸又不能獨食夫婦嘗力作供鱸呼鄰母共之舍側忽有涌泉如江水每旦輒出雙鯉魚常以供二母之膳水經注江水篇縣有沈鄉去江七里姜士遊之所居縣謂洛縣也郭璞遊仙詩閭闔西南來潛波渙鱗起庾信溫湯碑山閒湧水實表忠誠室內江流彌彰純孝陳迹見祝前縣尉柳晃耿介之士也道合則金蘭阿王明府挽歌

若膠漆情異則軒冕猶塵泥片善可嘉朝聞甘於夕死一

諾猶重黃金賤於白圭

前一作蕭當是蕭山縣尉之誤說見題注○李善注陸機猛虎行曰

江遠文釋云管子曰夫士懷耿介之心不蔭惡木之枝惡木尚能恥之況與惡人同處今檢管子近亡數篇恐是亡篇之內而遂見之易繫辭上二人同心其利斷金同心之言其臭如蘭孔穎達正義曰二人若同齊其心其纖利能

斷載於金也此謂二人心行同也吐發言語氣氤臭氣香
馥如蘭也此謂二人言同也後漢書獨行傳雷義字仲公
豫章鄱陽人也舉茂才讓於陳重刺史不聽義遂佯狂被
髮走不應命鄉里爲之語曰膠漆自謂堅不如雷與陳劉
義慶世說新語德行第一管寧華歆常同席同書有乘軒
冕過門者寧讀書如故歆廢書出看寧割席分坐曰子非
吾友也曹植七哀詩君若清路塵妾若濁水泥浮沈各異
勢會合何時諧膠漆喻合塵泥喻異也論語子曰朝聞道
夕死可矣皇侃義疏樂肇曰道所以濟民聖人存身爲行
道也濟民以道非爲濟身也故云誠令道朝聞於世雖夕
死可也傷道不行且明已憂世不爲身也司馬遷悲士不
遇賦朝聞夕死孰云其否史記季布樂布列傳曹邱至卽
揖季布曰楚人諺曰得黃金百斤不如得季布一諾足下
何以得此聲於梁楚閒哉詩大雅白圭之玷尚可磨也斯
言之玷不可爲也此喻言劉孝綽三日侍安以爲執友素
成王曲水宴詩一言白璧輕片善黃金賤

交豈祿利輕肥之謂也賞音達禮非鐘鼓玉帛之云乎所

恥者歿而無稱所貴者存乎不朽徒懷美志未遇良材

禮曲

禮上僚友稱其弟也執友稱其仁也交遊稱其信也鄭氏
注僚友官同者執友志同者劉峻廣絕交論斯賢達之素
交愿萬古而一遇禮表記事君三違而不出竟則利祿也
漢書儒林傳贊曰自武帝訖於元始百有餘年傳業者寢
盛支葉蕃滋蓋利祿之路然也後漢書劉趙淳于江劉周
趙列傳夫鐘鼓非樂云之本而禮不可去三牲非致孝之
主而養不可廢存器而亡本樂之道也調器以和聲樂
之成也養以傷行孝之累也修己以致祿養之大也
曹植求自試表夫臨博而企竦聞樂而竊抃者或有賞音
而識道也禮仲尼燕居達於禮而不達於樂謂之素達於
樂而不達於禮謂之偏何晏論語集解鄭曰言禮非但崇
此玉帛而已所貴者乃貴其安上治民馬曰樂之所貴者
移風易俗非謂鐘鼓而已司馬遷悲士不遇賦歿世無聞
古人惟恥左傳襄公二十四年穆叔曰豹聞之太上有立
德其次有立功其次有立言此之謂不朽宋書何偃傳世
祖與顏竣詔曰何偃遂成異世美志長往荀子宥坐篇孔
子曰太廟之堂亦嘗有說官致良工某出贊荒隅途經勝
因麗節文非無良材也蓋曰貴文也
壤三秋客恨長懷宋王之悲一面交歡暫雪桓譚之涕

魏書南安王傳聲被荒隅同軌斯始顧野王虎邱山序抑
巨麗之名邦信大吳之勝壤宋玉九辯悲哉秋之爲氣也
蕭瑟兮草木搖落而變衰憐慄兮若在遠行登山臨水兮
送將歸詩王風一日不見如三秋兮袁宏三國名臣序贊
披草求君定交一面李善注崔實本論曰且觀世人之相
論也徒以一面之交定臧否之決後漢書桓譚傳桓譚字
君山沛國相人也世祖卽位徵待詔拜議郎給事中因上
疏陳時政所宜書奏不省時帝方信譚多曰決定嫌疑又
醕賞少薄天下不時安定譚復上疏帝省奏愈不悅其後
有詔會議靈臺所處帝謂譚曰吾欲讖決之何如譚默然
良久曰臣不讀讖帝問其故譚復極言讖之非經帝大怒
曰桓譚非聖無法將下斬之叩頭流血良久乃得解出爲
六安郡丞意忽忽不樂道病卒列子力命篇齊景公遊於
牛山雪涕而顧晏子曰寡人今日之遊悲晏子春秋諫篇
作刷涕廣雅釋詁雪除也案荒隅謂臨海舊書地理志江
南東道臨海漢回浦縣武德四年於縣置台州地濱海故
曰荒隅勝壤謂蕭山駱之臨海當爲調露二年之秋以八
月改元永隆後不得仍紀調露也言桓譚者駱以言事左
遷亦如桓譚以極
諫出爲郡丞也
觀此水之清泚感若人之精誠見賢思

齊仰圭璋而有地揮毫興頌鏤琬琰之無慙乃作頌曰

謝朓

始出尚書省詩邑里向疏蕪寒流自清泚詩大雅如圭如璋令聞令望說文一篇王邵剡上爲圭半圭爲璋高允徵士頌揮毫頌德淮爾增哀廣雅釋器幹謂之毫幹通作翰書顧命越王五重陳寶赤刀大訓宏璧琬琰在西序孔安國傳大璧琬琰之圭爲二重孔穎達正義曰周禮典瑞云琬圭以治德琰圭以易行則琬琰別玉而共爲重蓋以其玉形質同故不別爲重也

粵若稽古厥初生人其誰不孝獨我難倫義不悖道仁不

遺親愛敬盡力孝弟通神

悖一作存非。書堯典曰若稽古帝堯孔安國傳昔順也稽考

也能順考古道而行之者帝堯爾雅釋詁粵曰也詩大雅厥初生民唐避太宗諱改民爲人鄭康成禮中庸注倫比也後漢書馮異傳安帝下詔曰夫仁不遺親義不忘勞興滅繼絕善善及子孫古之典也北齊申嗣邕隴東王感孝頌天經地義啓聖通神重華曾閔顧我罔極因心感至冥

棊子樂春時多美迹世有芳塵

顧我罔極因心感至冥

契動天甘泉涌地泠泠無極烝烝不匱曾是我思永錫爾

類

詩小雅欲報之德昊天罔極箋我欲報父母是德昊天

乎我心無極王僧儒任府君傳可稱冥契是為神交李

高述志賦非相期之所會諒冥契而來同王肅宗廟頌湛

甘露濟濟醴泉或涌於地或降於天傳咸神泉賦氣洽

治以含涼風肅肅而恒起劉琨扶風歌泠泠澗水流李善

注宋玉風賦曰泠泠清涼之貌也書堯典克諧以孝烝烝

乂不格姦孔安國傳諧和烝進也言能以至孝諧和頑嚚

昏傲便進進以善自治不至於姦惡廣雅釋詁烝烝孝也

爰有勞人一作人景行芳塵事諧則感道洽斯親孝為禮主

名是實賓倘斯文之不墜知盛德之有鄰詩小雅勞人草

景行行止傳景大也箋云景明也周密浩然齋雅談山谷

曰詩云景行景明也魏晉閒人所謂景莊景儉等自有一

人誤用遂以相承謬耳按詩景行其義以明行行止謂有

明行則行之初無企慕之義然孝經序亦用景行先哲顧

第弗深考耳陸雲喜霽賦戢流波於桂水起芳塵於沈泥

謝朓思歸賦承比屋之隆化踵芳塵之餘烈詩小雅傳洽

合也事諸排宋進治指初大勳禮曾子立孝第五十一
子曰君子立孝其忠之用禮之貴虛辨注有忠與禮孝道
立莊子內篇逍遙遊名者實之賓也吾將爲賓乎隋書誠
節傳序雖斯文不墜而行之蓋寡論語子曰德不孤必有
鄰何晏集解方以類聚同志相求故必有鄰是以不孤也
皇侃義疏又一云鄰報也言德行不孤矣必爲人所報也
故殷仲堪曰推誠相與則殊塗可親以善接物物亦不皆
忘以善應之是以德不孤焉必有鄰也

駱臨海集卷第七

唐駱賓王著

同里後學陳熙晉纂註

松林後裔祖攀校訂

爲齊州父老請陪封禪表

舊書高宗紀麟德二年十月將封泰山發自東都十

二月丙午御齊州大廳乙卯命有司祭泰山頓是日親

靈巖頓三年春正月戊辰朔車駕至泰山頓是日親

祀昊天上帝於封祀壇巳巳帝昇山行封禪之禮庚

午禪於社首祭皇地祇辛未御降禪壇壬申御朝壇

受朝賀改麟德三年爲乾封元年諸行從文武官及

朝覲華戎岳牧致仕老人朝朔望者三品已上賜爵

二等四品已下七品已上加階八品已下加一階勳

一轉諸老人百歲已上版授下州刺史婦人郡君九

十八十節級齊州給復一年半管嶽縣二年所歷之

處無出今年租賦乾封元年正月五日已前大赦天

下賜酺十日又地理志河南道齊州上漢濟南郡隋
為齊郡武德元年改為齊州在京師東北二千六十
九里至東都東北一千二百四十四里接齊州今山
東濟南府

臣聞圓天列象紫宮通北極之尊文帝凝圖予猷暢東巡

之禮

莊子雜篇說劍上法圓天以順三光下法方地以順
四時易繫辭傳上在天成象韓康伯注象況日月星

辰漢書李尋傳蓋言紫宮極樞通位帝紀注孟康曰紫宮

天之北宮也極天之北極星也樞是其迴轉者也天文志

曰天極其一明者太一常居也太一天皇大帝也與通極

為一體故曰通位帝紀也晉書天文志北極五星鉤陳六

星皆在紫宮中北極北辰最尊者也其紐星天之樞也李

德林天命論大帝聰明羣臣正直顏注凝聚也聚天下之

國籍而君之也王勃乾元殿頌序自我唐太陵遷構均五

方於鶴几之前中野凝圖調六氣於虬床之下魏書尉元

傳又詔曰夫大道凝虛至德沖挹故尹王法予猷以御世

聖人崇謙光而降美後漢書張純傳歲二月東巡狩至於

岱宗柴則封禪之義也梁書許懋傳臣案舜幸岱宗是為

巡狩而鄭引孝經鉤命決曰封於泰山考績柴燎禪乎梁

甫刻石紀功此緯書之曲說非正經之通義也是知道隆光宅既輯玉於雲臺業

紹禋宗必塗金於日觀下書序昔在帝堯聰明文思光宅天

舜典輯五瑞既月乃日觀四岳羣牧班瑞於羣后孔安國

傳輯斂舜斂公侯伯子男之瑞圭璧璽以正月月中乃日見

四岳及九州牧監還五瑞於諸侯與之正始孔穎達疏輯

是合聚之意下云班瑞於羣后則知輯者從羣后而斂之

按五瑞卽五玉史記五帝本紀集解引鄭孚注曰執之曰

瑞陳列曰玉後漢書二十八將傳論永平中顯宗追感前

世功臣乃圖畫二十八將於南宮雲臺舜典禋於六宗傳

精意以享謂之禋宗尊也所尊祭者其祀有六謂四時也

寒暑也日也月也星也水旱也疏周禮大宗伯云以禋祀

祀昊天上帝以實柴祀日月星辰以禋燎祀司中司命風

師雨師鄭云禋之言煙周人尚臭煙氣之臭聞者也鄭以

禋祀在燎柴之上故以禋爲此解耳而洛誥云秬鬯二卣

曰明禋又曰禋於文王武王又曰王賓殺禋咸格非燔柴

祭之也知禋是精誠絜敬之名耳六宗明是所尊祭者有

六祭法云埋少牢於太昭祭時相近於坎壇祭寒暑王宮

祭日夜明祭月幽榮祭星雩祭祭水旱也故傳以彼六神

謂此六宗漢世以來說六宗者多矣歐陽及大小夏侯說
尙書皆云所祭者六上不謂天下不謂地旁不謂四方在
六者之閒助陰陽變化實一而名六宗矣孔光劉歆以六
宗謂乾坤六子水火雷風山澤也賈逵以爲六宗者天宗
三日月星辰也地宗三河海岱也馬融云萬物非天不覆
非地不載非春不生非夏不長非秋不收非冬不藏此其
謂六也鄭予以六宗言禮與祭天同名則六者皆是天之
神祇謂星辰司中司命風師雨師晉初幽州秀才張髦上
表云三昭三穆是也司馬彪又上表云天宗者日月星辰
寒暑之屬也地宗社稷五祀之屬也四方之宗四時五帝
之屬也惟王肅據家語六宗與孔同司馬彪續漢書云安
帝元初六年立六宗祠於洛陽城西北亥地祀比大社魏
亦因之晉初荀顗定新祀以六宗之神諸說不同廢之摯
虞駁之謂宜依舊近代以來皆不立六宗之祠也禮音因
漢書外戚傳切皆銅沓冒黃金塗然此以封禪必和金爲
泥封之故曰塗金也劉昭注續漢書志祀志引應邵漢官
馬第伯封禪儀記曰東山名曰日觀日伏惟陛下乘乾握
觀者雞一鳴時見日始欲出長三丈所

紀纂三統之重光御辨登樞應千齡之累聖

纂一作續辨
一作極○蔡

邑獨斷陛下者陛階也所繇升堂也天子必有近臣執兵
陳於陛側以戒不虞謂之陛下者羣臣與天子言不敢指
斥天子故呼在陛下者而告之因卑達尊之意也魏書高
祖紀太和九年詔曰朕承乾在位十有五年又羊深傳伏
惟大魏承乾統物欽若奉時又良吏傳賈瑗上表曰伏惟
陛下愍圖臨宇握紀承天爾雅釋詁纂繼也漢書律厯志
三代各據一統明三統常合而迭爲首登降三統之首周
還五行之道也故三五相包而生天統之正始施於子半
日萌色赤地統受之於丑初日肇成而黑至寅半日生成而青
而白人統受之於寅初日肇成而黑至寅半日生成而青
天施復於子地化自丑畢於辰人生自寅成於申故厯數
三統天以甲子地以甲辰人以甲申孟仲季迭用事爲統
首三微之統旣著而五行自青始亦如之書顧命昔君文
王武王宣重光顏注三統指高宗繼高祖太宗也故曰重
光莊子內篇逍遙遊若夫乘天地之正而御六氣之辯以
遊無窮者彼且惡乎待哉陸德明釋文六氣司馬云陰陽
風雨晦明也辯如字變也謝眺三日侍宴曲水代人應詔
於皇克聖時乘御辯案御辯莊子本言道術此以爲首出
在位之義然眺詩已作如此用矣顏注樞卽天樞也晉書
禮志創千齡之英範魏書高祖紀太和八年詔曰朕承累

聖之洪基屬千載之昌運故得河浮五老啓赤文於帝期海薦四神奉

丹書於王會

宋書符瑞志帝堯乃潔齋修壇場於河雒擇

五星之精也相謂曰河圖將來告我以帝期知我者重瞳黃姚五老因飛爲流星上人昂二月辛丑昧明禮備至於日吳榮光出河休氣四塞白雲起回風搖乃有龍馬銜甲赤文綠色臨壇而止吐甲圖而去甲似龜背廣九尺其圖以白玉爲檢赤玉爲泥以黃金約以青繩檢文曰閭色授帝舜言虞夏殷周秦漢當授天命帝乃寫其言藏於東序初學記天部下太公伏符陰謀曰武王伐紂都洛邑天大陰寒雨雪十餘日甲子朝五車騎止王門之外欲謁武王師尙父使人山北門而道之曰天子未有出時武王曰諸神各有名乎師尙父曰南海神名祝融北海神名元冥東海神名勾芒西海神名蓐收河伯名馮修使謁者各以名召之神皆警而見武王曰何以教之神曰天伐殷立周謹求受命各奉其使武王曰予歲時亦無廢禮焉宋書符瑞志赤雀周文王時銜丹書來至邈川書序周室旣甯八方會同各以其職來獻欲垂法於後作王會新書南蠻傳西

蠻之南有東謝蠻貞觀三年其酋元深入朝冠烏熊皮若

汪旄以金銀絡額被毛帔章行滕著履中書侍郎顏師古
上言昔周武王時遠國入朝太史次爲王會篇今蠻夷入
朝冠服不同可寫爲王會圖詔可瑞開三脊祥洽五雲洽一作合雲一作

五十江淮之間一茅三脊所以爲藉也又輕重第八十三
江淮之間有一茅三脊母至其本名曰菁茅請使天子之
吏環封而守之夫天子則封於太山禪於梁父號令天下
諸侯日諸從天子封於天子禪於梁父者必抱菁茅一束
以爲禪籍不如令者不得從天子庾信周宗廟歌方定五
雲官先齊入風令又周祀圓丘歌雍夏五雲飛三步上

旣而緝總章之舊文摺辟雍之故事

據一作紹○尸子夫黃帝曰合宮有虞氏

日總章殷人曰陽館周人曰明堂皆所以名休其善也禮

王制天子曰辟廡鄭氏注辟明也廡和也所以明和天下

藝文類聚禮部上桓譚新論曰王者作圓池如璧形實水

其中以圓壅之名曰辟雍言其上承天地以班教令流轉

王道周非烟翼軌移玉輦於梁陰若月乘輪秘金繩於岱

嶽軌一作較又作馭。史記天官書若烟非烟若雲非雲
郁郁紛紛蕭索輪囷是謂卿雲說文十四篇軌車輶也

輅輅崱錯也段玉裁注離騷曰齊王軼而並馳王逸釋爲
車輅非也錯者以金有所冒也輅孔之裏以金裏之曰釭
輅孔之外以金表之曰輅輅之言管也方言曰關之東西
曰輅南楚曰軼趙魏之閒曰鍊鑄軼特計切音地拾遺記
周穆王馭黃金碧玉之輅從朝及暮而窮宇宙之內徧焉
潘岳籍田賦天子乃御玉輅蔭華蓋張正見從籍田應衡
陽王敎作玉輅帶非烟金輿映綠川白虎通封禪梁甫者
泰山旁山名三王禪於梁甫之山後漢書祭祀志建武三
十二年二月二十五日甲午禪祭地於梁陰按梁陰謂梁
甫之陰也山北曰陰魏書術藝傳張淵嘗著觀象賦曰美
景星之繼晝大唐堯之德盛原注瑞應圖曰景星大如半
月生於晦朔助月光明堯時有此星見薛道衡老氏碑星
光若月雲氣飛烟白虎通封禪或曰封者金泥銀繩或曰
石泥金繩封之以印璽新書禮樂志乾封元年封泰山爲
圓壇山南四里號封祀壇玉策三以玉爲簡長一尺二寸
廣一寸二分厚三分刻而金文玉匱一長一尺三寸以藏
上帝之冊金匱二以藏配帝之冊纁以金繩五周金泥玉
璽璽方一寸二分文如受命璽石璽以方石再累皆方五
尺厚一尺刻方其中以容玉匱璽旁施檢刻深三寸三分
闊一尺當繩刻深三分開一寸五分石檢十枝以檢石璽

皆長三尺闊一尺厚七分印齒三道皆深四寸當墜方五寸當繩闊一寸五分檢立於礲旁南方北方皆三東方西方皆二去礲隅皆一尺礲纏以金繩五周封以石泥距石十二分距礲隅皆再累皆闊二尺長一丈斜刻其首令與礲隅相應唐高宗置乾封明堂縣制仰臣等質均芻狗陰薦成功升禋岱嶽緬惟嚴配祇建合宮

謝桑榆幸屬堯鏡多輝照餘光於連石軒圖廣耀追盛禮

於撻金

芻狗見疇昔篇初學記天部淮南子云日西垂景在樹端謂之桑榆按今本天文訓中無此語劉錄

擬古詩願垂薄暮景照妾桑榆時李善注東觀漢記光武日失之東隅收之桑榆稗史類編乎中記尹壽堯臣也作鏡連石見傷祝阿王明府初學記地部河圖曰黃帝云余夢見兩龍挺白圖卽帝以授余於河之都天老曰天其授帝圖乎試齋以往視之黃帝乃齋河洛之閒求象見者至於翠嬌泉大盧魚折溜而至乃問天老子見中河折溜者乎見之與天老跪而受之魚汎白圖蘭葉朱文以授黃帝舒視之名曰緣圖司馬相如子虛賦撻金鼓注韋昭曰撻擊也音窗沈約侍遊方山應詔然而鄒魯舊邦臨淄遺俗詩撻金浮水若聲蹕映山祇

俱穆二周之化咸稱一變之風境接青疇俯瞰獲麟之野

山開翠岵斜連辨馬之峯穆一作沐風一作封職一作識

周西周東周也一變見論語魏書慕容白曜傳齊黃河知

十二之虛說臨齊境想一變之清風元和郡縣志河南道

鄆州鉅野縣大野澤一名鉅野在縣東五里南北三百里

東西百餘里爾雅十藪魯有大野西狩獲麟於此澤詩魏

風毛傳山有草木曰岵按爾雅釋山無草木岵豈可使稷

岵卽岵字此據毛義辨馬見以客臨海有懷詩

下遺岷頓隔陪封之禮淹中故老獨奏告成之儀水經注

水傍城北流逕陽門西水次有故封處所謂齊之稷下也

劉向別錄以稷爲齊城門名也談說之士期會於稷門下

故曰稷下也漢書藝文志禮古經者出於魯淹中注蘇林

曰里名也禮禮器因名山升中於天鄭氏注名猶大也升

上也中猶成也謂巡狩至於方嶽燔柴祭天告以諸侯之

成功也新書高宗本紀乾封元年給復齊州一年半兗州

年二是用就日披丹仰璧輪之三舍望雲杼素叫天闔於九

重之一作而。就日望雲並見夏日遊德州贈高四詩晉

璠書王濬傳披布丹心輪寫肝膽梁簡文帝謝賜新厯表

璠日壁輪慶休寶厯淮南子覽冥訓魯陽公與韓構難戰

善注郭璞遊仙詩引許慎注曰二十舍高誘注舍次宿也李

褒聖主得賢臣頃敢不畧陳愚心而抒情素楚辭離騷經

吾令帝閭開關兮倚閭闔而望予王逸注帝謂天帝也閭

主門者招魂虎豹九關注天門九重揚雄甘泉賦選巫咸

兮叫帝閭倘允微誠許陪大禮則夢瓊餘息翫仙闕以相歡就

木殘魂遊岱宗而載躍翫一作仰相一作交。庾信爲杞

奏曲允微誠夢瓊見傷祝阿王明府詩序房元齡諫伐高

麗表臣老病三公旦夕入地所恨竟無塵露微增海嶽謹

罄殘魂餘息預代結草之誠說文十篇息喘也段玉裁注

口部曰喘疾息也人之氣急曰喘舒曰息餘息猶餘喘也

左傳僖公二十三年公子取季隗將適齊謂季隗曰待我

則就木焉請待子杜預注言將死入木劉楨贈五官中郎

將詩常恐遊岱宗不復見故人李善注援神契曰太山天

帝孫也主招人魏尚書曰至於岱宗太山為四岳宗也
謝莊慶皇太子元服上至尊表率天衢世莫不載曜

和道士閨情詩啓

文苑英華無道士二字一作學士
非也秦編修恩復曰按以第二卷

代贈詩證之似
即道士李榮也

賓王啓學士袁慶隆奉宣教旨垂示閨情詩并序

新書百
官志武

德後五品以上曰學士六品以上曰直學士又有文學直
館皆它官領之袁慶隆一作袁慶今從文苑英華按初學
記天部有袁慶奉和煬帝月夜觀星詩淵鑒類函作袁慶
隆或是隋臣仕唐抑別有其人未能詳也晉書王沈傳奉
省教旨伏用感歎案此蓋從學士處得道士所寄詩
并序近本因啓首學士二字遂改題作學士誤矣 跪發

珠韜伏膺玉札類西秦之鏡照徹心靈同南指之車導引

迷悞

引一作發。魏文帝與鍾大理書捧匣跪發葛洪神
仙傳洪按西昇中胎及復命苞及珠韜玉札金篇內

經太平御覽道部金根經曰太上以大洞真經付上相青
童君掌錄於東華青宮使傳後世應為真人者此金簡玉

凡山自太上靈都之宮刻玉爲札結金爲簡書以朱文編以朱繩之結西京雜記高祖初入咸陽宮有方鏡廣四尺高五尺九寸表裏有明人直來照之影則倒見以手掩心而來則見腸胃五臟歷然無骸人有疾病在內掩心而照之則知病之所在又女子有邪心則膽張心動秦始皇常以照宮人膽張心動者則殺之隋書經籍志詩者所以導達心靈歌詠情性者也軒轅黃帝傳帝與蚩尤大戰於涿鹿之野蚩尤作百里大霧彌三日帝之軍人皆迷惑乃令風后法斗機作指南車以別四方宋書禮志指南車其始周公所作以送荒外遠使鬼谷子云鄭人取玉必載司南爲其不惑也後漢張衡始復創造漢末喪亂其器不存魏高堂隆秦朗云無指南車記者虛說明帝青龍中令博士馬鈞更造之而車成晉亂復亡石虎使解飛姚興使令狐生又造焉安帝義熙十三年宋武帝平長安始得此車其制如鼓車設木人於車上舉手指南車雖回轉所指不移大駕鹵簿最先啓行范陽人祖沖之有巧思常謂宜更創造宋順帝升明末齊王爲相命造之焉車成其制甚精莊子外篇刻意第十五吹呶呼吸吐故納新熊經鳥伸爲壽而已矣此道引之士養形之人彭祖壽考者之所好也陸德明音義道引音導李云導氣令和引體令柔王逸九歌

雲中引注竊惟詩之興作兆基遂古唐歌虞詠始載典謨

商頌周雅方陳金石其後言志緣情二京斯盛含毫瀝思

魏晉彌繁布在縑簡差可商略盛一作甚。鄭康成詩譜

序詩之興也諒不登於上

皇之世大庭軒轅逮於高辛其時有亡載籍亦蔑云焉楚

辭天問遂古之初誰傳道之注遂往也劉勰文心雕龍明

詩篇昔葛天氏樂辭云元鳥在曲黃帝雲門理不空絃至

堯有大唐之歌舜造南風之詩自商暨周雅頌圓備四始

彪炳六義環深書舜典詩言志歌永言孔安國傳謂詩言

志以導之歌詠其義以長其言永古作詠孔穎達詩譜序

正義曰經典言詩無先此者其唐虞之詩直對面歌詩以

相誠易且為濫觴之漸故臯陶謨說臯陶與舜相答即是

詩也虞書所言雖是舜之命夔而舜承於堯明堯已用詩

矣故六藝論云唐虞始造其初至周分為六詩周禮春官

大師鄭康成注金鐘鐃也石磬也隋書經籍志唐歌虞詠

商頌周雅敘事緣情紛綸相襲自斯已降其道彌繁班固

東都賦陳金石布絲竹陸機文賦詩緣情而綺靡李善注

詩以言志故曰緣情二京謂漢之西京東京也陸機文賦

或含毫而邈然薛元超和周太子監守違戀詩飛文映彩
榜憑思叶神鷗中庸布在方策後漢書儒林傳及董卓移
都之際其縑帛圖書大則連爲帷蓋小乃制爲膝囊說文
十三篇縑并絲繒也五篇簡牒也蜀志鄧張宗楊傳評曰
楊戲商畧李都尉鴛鴦之辭纏綿巧妙班婕妤霜雪之句
意在不羣

發越清迴平子桂林理在文外伯喈翠鳥意盡行間河朔
辭人王劉爲稱首洛陽才子潘左爲先覺若乃子建之牢

籠羣彥士衡之籍甚當時並文苑之羽儀詩人之龜鏡此

言

三京及魏晉也初學記人部李陵贈蘇武詩曰昔爲鴛鴦與
鴛今爲參與辰文選作蘇武詩漢書李陵傳陵字少卿武
帝拜爲騎都尉詩唐風傳綢繆纏綿也陸機文賦誅纏綿
而棲槍焉融長笛賦窮妙極巧曠以日月班婕妤怨歌行
新製齊統素皎潔如霜雪漢書外戚傳孝成班婕妤始爲
少使俄而大幸爲使倖居增成舍趙氏姊弟驕妬求共養
太后長信宮至成帝崩充奉園陵爾雅釋言越揚也發越
猶言發揚也隋書文學傳序發越貴於清綺鮑照舞鶴賦

抱清迴之朗心鍾嶸詩品卷上從李都尉迄班婕妤將百年閒有婦人焉一人而已張衡四愁詩我所思兮在桂林欲往從之湘水深蔡邕翠鳥詩庭前有石榴綠葉含丹榮翠鳥時來集振翼修容形廻顧生碧色動搖揚縹青文心雕龍隱秀篇夫隱之爲體義主文外彼波起辭間是謂之秀梁簡文帝和新渝侯和詩書風雲吐於行間珠玉生於字裏桂林隱託憂時故曰理在文外翠鳥專工賦物故曰意盡行間後漢書列傳張衡字平子遷侍中出爲河間相徵拜尙書蔡邕字伯喈拜左中郎將魏都鄴故曰河朔晉都洛陽宋書謝靈運傳論自漢至魏四百餘年辭人才子文體三變王劉謂王粲劉楨魏志王粲字仲宣拜侍中劉楨字公幹辟爲丞相掾屬晉書陸機傳高躡王劉司馬相如封禪文前聖所以永保鴻名而常爲稱首者用此潘左謂潘岳左思晉書列傳潘岳字安仁才名冠世轉散騎侍郎又文苑傳左思字太冲專意典籍齊王冏命爲記室督辭疾不就詩品卷上陵轅潘左孟子予天民之先覺者也魏志陳思王植字子建善屬文景初中撰錄植前後所著賦頌詩銘雜論凡百餘篇淮南子本經訓秉太一一者牢籠天地彈壓山川周書王褒庾信傳論奇才秀出牢籠於一代晉書列傳陸機字士衡文章冠世成都王穎表爲平

原內史漢書陸賈傳名聲籍甚注孟康曰言狼籍之甚謝
眺酬德賦昔仲宣之發穎實中郎之倒屣及士衡之籍甚
託壯武之高義魏書文苑傳序曹植信魏世之英陸機則
晉朝之秀後漢書有文苑傳隋書經籍志文苑一百卷孔
道撰易漸上九鴻漸于陸其羽可用為儀吉王弼注裁裁
清遠儀可貴也班固幽通賦有羽儀於上京沈約齊安陸
昭王碑文公以宗室羽儀允膺嘉選郭璞爾雅序敘詩人
之興詠隋書魏澹傳此卽前代之茂實後人之龜鏡也王
維奉勅詳帝皇龜鏡圖狀如卜之必知如鏡之必見爰逮江左謳謠不輟非有神骨

仙才專事乎風道意顏謝特挺戔伐典麗自茲以降聲律

稍精其閒沿改莫能正本

東晉都建鄴故曰江左宋齊梁陳因之宋書謝靈運傳論升降

謳謠紛披風什班固武帝內傳神化為液液化為骨又劉
楨好道殆恐非僊才也李充乎宗賦慕乎風之遐裔余皇
祖曰伯陽詩品卷下永嘉以來貴道家之言文心雕龍明
詩篇江左篇製溺乎乎風嗤笑徇務之志崇盛亡機之談
袁孫已下雖各有雕采而辭趣一揆莫與爭雄宋書列傳
顏延之字延年文章之美冠絕當時遷國子祭酒復為祿

書監光祿勳太常世祖登祚以爲金紫光祿大夫謝靈運傳靈運少好學博覽羣書襲封康樂公咸稱謝康樂也高祖受命降公爵爲侯少帝卽位出爲永嘉太守太祖以爲臨川內史史臣曰爰逮宋氏顏謝騰聲靈運之興會擧擧延年之體裁明密竝方軌前秀垂範後昆說文十二篇挺拔也言顏謝始變清虛專尙繁密取材典麗戕伐無遺也詩品卷上謝靈運頗以繁蕪爲累然名章迴句處處間起麗典新聲絡繹奔會又卷中顏延之體裁綺密情喻淵深動無虛散一句一字皆致意焉又喜用古事彌見拘束雖乖秀逸是經綸文雅才自茲以降謂齊梁諸代也孔安國尙書舜典傳聲謂五聲宮商角徵羽律謂六律六呂十二月之音氣言當依聲律以和樂南齊書文學傳永明末盛爲文章吳興沈約陳郡謝朓琅邪王融以氣類相推轂汝南周容善識聲韻約等文皆用宮商以平上去入爲四聲以此制韻不可增減世呼爲永明體詩品卷下古詩頌皆被之金竹故非調五音無以諧會今旣不備管絃亦何取於聲律耶王元長創其首謝朓沈約揚其波於是士流景慕務爲精密裝積細微專相凌架故使文多拘忌傷其真美隋書文學傳序梁自大同之後雅道淪缺漸乖典則爭馳新巧簡文湘東啓其淫放徐陵庾信分道揚鑣蓋齊梁

以還詩體雖時有沿改要皆
馳騁末流莫能返正本始也
天縱明睿卓爾不羣聽新聲

鄙師涓之作聞古樂笑文侯之睡以封魯之才追自衛之

迹宏茲雅奏抑彼淫哇澄五際之源救四始之弊固可以

用之邦國厚此人倫

江總平園石室銘天縱儲睿生知作雨漢書景十三傳贊曰夫惟大雅卓

爾不羣河間獻王近之矣史記樂書紂為朝歌北鄙之音
身死國亡而衛靈公之時將之晉至於濮水之上舍夜半
聞鼓琴聲乃召師涓曰為我聽而寫之即去之晉見晉平
公平公置酒於施惠之臺酒酣靈公曰今者來聞新聲請
奏之即令師涓坐師曠旁援琴鼓之未終師曠撫而止之
曰師延所作也與紂為靡靡之樂武王伐紂師延東走自
投濮水之中故聞此聲必於濮水之上禮樂記魏文侯問
於子夏曰吾端冕而聽古樂則惟恐臥聽鄭衛之音則不
知倦封魯謂周公自衛謂孔子高儉文思博要序虞夏之
書猶旭日之始旦殷周之誥若覆簣之為山及曲阜佐周
攝政踐祚而又闕里自衛將聖多能損益禮樂極乎天而
蟠乎地祖述堯舜繫星辰而振河海揚子法言吾子篇或

問交五聲十二律也或雅或鄭何也曰中正則雅多哇則鄭潘尼釋奠頌抑淫哇屏鄭衛五際四始見帝京篇啓子夏詩序關雎后妃之德也風之始也所以風天下而正夫婦也故用之鄉人焉用之邦國焉又先王以是經夫婦成孝敦厚人倫美教化移風俗

俯屈高調聊同下里思沿態巧文隨手變

侯調慙其曼聲延年愧其新曲

馬融長笛賦若絙瑟促柱號鍾高調宋玉對楚王問

客有歌於郢中者其始曰下里巴人國中屬而和者數千人張衡西京賦命般爾之巧匠盡變態乎其中後漢書宦官傳贊舞文巧態陸機文賦序若夫隨手之變良難以辭述應邵風俗通聲音第六空侯一曰坎侯謹按武帝祀太山太一后土令樂人侯調依琴作坎侯言其坎坎應節也侯以姓冠章也杜佑通典樂四筓篪漢武帝使樂人侯調所造或云侯暉所作謂之坎侯聲訛爲筓篪淮南子汜論訛及至韓娥秦青薛談之謳侯同曼聲之歌憤於志積於內盈而發音則莫不比於律而和於人心今云侯調曼聲未詳其本漢書佞幸傳李延年中山人坐法腐刑給事狗監中女弟得幸於上號李夫人延年善歌爲新變聲是時上方興天地諸祠欲造樂令司馬相如等作詩頌延年輒

承意弦歌所造
詩為之新聲曲
走以不敏謬蒙提及謹抽詞奉和輕以上

呈未近詠歌伏深悚慙謹啓
謹抽詞本作謹申今據文苑

書太史公牛馬走司馬遷李善注走猶僕也言已為太史

公掌牛馬之僕自謙之辭也班固答賓戲走亦不敏廁技

於彼列謝惠連雪賦抽子秘思騁子妍辭王褒入朝守門

開詩徒知御睿藻抽辭殊未申任昉奉答勅示七夕詩啓

李善注任昉集詔曰聊為七夕詩五韻殊未近詠歌梁簡

文帝上大法頌曾無連類伏兼悚慙方言慙慙也山之東

西自愧曰

慙女六反

上司列太常伯啓
司列或為司刑○舊書職官志龍

吏部為司列尚書為太常伯侍郎為少常伯咸亨元

年十二月詔龍朔二年新改尚書省百司及僕射已

下官名並依舊案啓中赤文薦祉云此司列太常

伯當是劉姓舊書高宗紀龍朔三年秋八月戊申命

司元太常伯賈德孚司刑太常伯劉祥道等九人為

持節大使分行天下仍令內外官五品已上各舉所

知麟德元年八月戊子兼司列太常伯檢校沛王府
長史城陽縣侯劉祥道兼右相十二月戊子劉祥道
爲司禮太常伯二年十月戊午劉祥道上疏請封禪
疑卽劉祥道也本傳劉祥道魏州觀城人也父林甫
武德初爲內史舍人擢拜中書侍郎賜爵樂平男貞
觀初再遷吏部侍郎祥道少襲父爵永徽中歷中書
舍人御史中丞吏部侍郎顯慶二年遷黃門侍郎仍
知吏部選事尋以修禮功進封陽城縣侯四年遷刑
部尙書龍朔元年權檢校蒲州刺史三年兼檢校雍
州長史俄遷右相數自陳老疾請退就閑職俄轉司
禮太常伯罷知政事麟德二年進爵廣平郡公新書
劉祥道字同壽拜右相坐與上官儀善罷爲司禮太
常伯是祥道以司刑太常伯兼司列事也楊炯王勃
集序君年十有四時譽斯歸太常伯劉公巡行風俗
見而異之曰此神童也因加表薦對策高第拜爲朝
散郎王勃上劉右相書曰伏見皇明遠燭帝采遐宣
張樂岱郊騰黜社首徵廉察孝瑤壇虛不次之階署
行議年璿檢動非常之詔天下可謂幸甚矣臨海此
啓蓋上於德初也時劉祥道以太常伯兼右相故
稱太常伯不稱右相云

側聞魯澤祥麟希委質於宣父吳坂逸驥實長鳴於孫陽

是則所貴在乎見知所屈伸乎知已故雕其樸嶧山有半

死之桐賞其音柯亭無永枯之竹屈伸一作伸由○左傳哀公十四年春西狩於大野

叔孫氏之車子鉏商獲麟以為不祥仲尼觀之曰麟也然

後取之杜預注大野在高平鉅野縣東北大澤是也孔穎

達疏其澤在曲阜之西委質猶言棄身也宣父見浮查詩

戰國策楚策汗明日君亦聞驥乎夫驥之齒至矣服鹽車

而上太行跪申膝折尾湛肘潰漉汁灑地白汗交流中阪

還延負棟不能上伯樂遭之下車攀而哭之解紵衣以羈

驥於是俛而噴仰而鳴聲達於天若出金石聲者何也彼

見伯樂之知己也水經注河水篇傳巖東北十餘里即巖

輪坂也有虞城堯妻舜以嬪於虞者也周武王以封太伯

後虞仲於此其城北對長坂二十許里謂之虞坂戴延之

曰自上及下七山相重戰國策曰昔驥驥駕鹽於虞坂遷

延負轅而不能進此蓋其困處也魏志陳思王植傳臣聞

驥驥長鳴則伯樂照其能又昔驥驥之於吳阪可謂困矣

及其伯樂相之孫郵禦之形體不勞而坐取千里元和郡

各品序集卷之二十一 一二

縣志河南道陝州平陸縣吳山即吳坂也伯樂遇騏驎駕
 鹽車之地古虞吳宇通也陸德明莊子馬蹄篇音義伯樂
 姓孫名陽善馭馬石氏星經云伯樂天星名主典天馬孫
 陽善馭故以為名南史循吏傳郭祖深詣闕上封事夫謀
 臣良將何代無之貴在見知要在用耳晏子春秋內篇雜
 上士者詘乎不知己而申乎知己書禹貢嶧陽孤桐孔安
 國傳嶧山之陽特生桐中琴瑟枚乘七發龍門之桐高百
 尺而無枝其根半死半生於是背秋涉冬使琴摯所以為
 琴千寶搜神記蔡邕嘗至柯亭以竹為椽邕仰眄之曰良
 材也取以為笛發聲遼亮一云邕告吳人曰吾昔經會稽
 高遷亭見星東問第十六竹 伏惟太常伯公儀天聳構橫
 祿可為笛取用果有異聲

九霄而拓基浸地開源控四紀而疏派 王筠昭明太子哀策文儀天比峻儷

景騰光九霄見浮查詩左思蜀都賦地以四海為紀沈約齊安陸昭王碑文滔滔猶四瀆之紀於地李善注毛詩曰滔滔江漢南國之紀 自赤文薦祉曲阜分帝子之靈紫氣浮仙函谷

誕真人之秀本支百代君子萬年道叶神交黃石授帝師

之略德攸天縱白星降王輔之精符瑞志魯哀公十四年

孔子夜夢三槐之閒豐沛之邦有赤煙氣起乃呼顏淵子

夏往視之驅車到楚西北范氏街見芻兒摘麟傷其左前

足薪而覆之孔子曰兒來汝姓爲赤誦名子喬字受紀天

下已有主也爲赤劉陳項爲輔五星入井從歲星兒發薪

下麟示孔子孔子趨而往麟蒙其耳吐三卷圖廣三寸長

八尺每卷二十四字其言赤劉當起曰周亡赤氣起大耀

興元邱制命帝卯金孔子作春秋制孝經既成齋戒向北

辰而拜告備於天曰孝經四卷春秋河洛凡八十一卷謹

已備天乃洪鬱起白霧摩地赤虹自上下化爲黃玉長三

尺上有刻文孔子跪受而讀之曰寶文出劉季握卯金刀

在軫北字禾子天下服帝子用赤帝子事見過故宋詩班

固漢武帝內傳孝武皇帝子也未生之時景帝夢一赤螭

從雲中下直入崇芳閣景帝覺而坐閣下果有赤龍如霧

來蔽戶牖宮內頃御望閣上有丹霞蔚蔚而起霞滅見赤

龍盤迴棟閒景帝召古者姚翁以問翁曰吉祥也此閣必

生命世之人爲劉宗盛主也景帝使王夫人移居崇芳閣

乃改崇芳閣爲猗蘭殿旬餘景帝夢神女捧日以授王夫

人十四月而生武帝景帝曰吾夢赤氣化爲赤龍占者以

爲吉可名之吉至七歲聖徹過人景帝令改名徹及卽位
好神仙之道云紫氣者避上文赤字且暗用老子事真人
爲武帝漢都長安故云函谷誕眞人之秀也案新書宰相
世系表劉祥道係廣平劉氏出自漢景帝子趙敬肅王彭
祖詩大雅文王孫子本支百世毛亨傳本本宗也支支子
也又君子萬年介爾景福傳亮爲宋公修張良廟教若乃
神交圯上道契商洛黃石見白雲抱幽石詩初學記天部
春秋佐助期曰漢相蕭何長七尺八寸晶星精生耳參漏
月角大形說文七篇至若峰秀學山列三墳而仰止瀾清
鼎白虎宿星莫飽切
筆海委九流以朝宗登小魯之巖辨練光於曳馬臨大吳
之國識寶氣於連牛垂秋實於談叢徇春花於詞苑辨河
飛箭激流翻白馬之津文江散珠圓波漱驪龍之穴楊子法言
學行篇百川學海而至於海邱陵學山而不至於山是故
惡夫畫也左傳昭公十二年左史倚相趨過王曰是良史
也是能讀三墳五典八索九丘杜預注皆古書名孔穎達
疏孔國尚書序云伏犧神農黃帝之書謂之三墳言大

道也賈逵云三墳三皇之書延篤言張平子說三墳三禮爲大防爾雅曰墳大防也馬融說三墳三氣陰陽始生天地人之氣也詩小雅高山仰止筆海九流俱見贈高四詩書禹貢江漢朝宗於海傳二水經此州而入海有似於朝百川以海爲宗宗尊也登巖謂登泰山也登泰山小天就對故云小魯曳馬連牛俱見久客臨海詩戰國策趙策黑齒雕題鯁冠秣縫大吳之國也寶氣寶劍氣也崔駰達旨春發其華秋收其實魏志邢容傳太祖諸子高選官屬遂以爲平原侯植家丞容防閑以禮無所屈撓由是不合庶子劉楨諫植曰家丞邢容北土之彥少秉高節植誠不足同貫斯人並列左右而植禮遇殊特容反疏簡私懼觀者將謂君侯習近不肖禮賢不足采庶子之春華忘家丞之秋實劉向說苑有談叢篇姚士廉梁書昭明太子傳或擅談叢或稱文囿四友推德七子慙秀晉書郭象傳郭象好老莊能清言太尉王衍每云聽象語如懸河寫水注而不竭謝幾卿答湘東王書濤波之辨懸河不足譬春藻之詞麗文無以匹飛箭見疇昔篇白鳥津見詠雪詩鍾嶸詩品上余常言陸才如海潘才如江陸機文賦水懷珠而川媚潘岳河陽縣作游魚是用德茂麟趾削桐葉以分珪動圓波驪龍見贈高四詩

道煥鶴池映桃花而曳綬既而揆畱皇鑒忠簡帝心奉職

春宮爍離光於青殿代工天府明白曜於紫宸綜理乎風

變諧元氣含暉禮閣皎愛日以流光毓彩文昌映德星而

開照閣一作樂○詩周南麟之趾振振公子鄭氏箋趾麟

詩鶴池太子所居以周太子晉有駕鶴事故太子宮稱鶴

禁池曰鶴池續漢書與服志羽青地桃華縹三采劉祥道曾檢校沛王府長史故云潘

岳西征賦皇鑒揆余之忠誠俄命以末班李善注楚辭曰

皇鑒揆予於初度案今本作覽論語帝臣不蔽簡在帝心

孔穎達書湯誥疏鄭氏注論語云簡閱在天心言天簡閱

其善惡也王儉褚淵碑文績簡帝心聲敷物聽楚辭離騷

經溘吾遊此春官兮折瓊林以繼佩王逸注春宮東方青

帝舍梁簡文帝侍皇太子樂遊苑賦離光麗景神英春裕

孔稚圭讓詹事表太子霞翳青殿日光春宮東方朔神異

經東方外有東明山有宮焉左右有闕而立其高百尺建

以五色青石爲牆面一門門有銀榜以青石碧鏤題曰天

地長男之宮書臯陶謨天工人其代之傳言人代天理官
不可以天官私非其才周禮地官鄉老及卿大夫獻賢能
之書於王王再拜受之登於天府內史貳之鄭氏注天府
掌祖廟之寶藏也內史副寫其書者當詔王爵祿之時晉
書天文志三台六星起文昌列抵太微一曰天柱三公之
位也在人曰三公在天曰三台主開德宣符也西近文昌
二星曰上台主壽次二星曰中台主宗室東二星曰下台
主兵三台爲天階泰一躡以上下宋書顏延之傳荀赤松
奏之曰客氣虛張會無媿畏豈可復弼亮五教增曜台階
曹毗黃帝贊襄裳躡紫宸乎風見閨情詩啓後漢書李固
傳斗爲天喉舌尙書亦爲陛下喉舌斗斟酌元氣運平四
時尙書出納王命賦政四海南史蕭惠基傳惠基永明中
爲侍中領驍騎將軍尙書令王儉朝宗貴望惠基同在禮
閣非公事不私覲焉愛日德星見江南贈宋之問詩文昌
見疇昔篇顏
本作文章 若乃識度宏遠器宇疏通明允篤誠盛業隆

於后土惠和忠肅乎功格於上天則伊陟謝其緝熙巫咸

慙其保乂

梁書王茂傳高祖詔曰識度淹廣器宇凝正漢

諸葛每集

卷之七

一

本紀帝額頊高陽者靜淵以有謀疏通而知事左傳文公
十八年昔高陽氏有才子八人蒼舒隤數構戡大臨彤降
庭堅仲容叔達齊聖廣淵明允篤誠天下之民謂之八愷
高辛氏有才子八人伯奮仲堪叔獻季仲伯虎仲熊叔豹
季狸忠肅共懿宣慈惠和天下之民謂之八元禮祭法共
工氏之霸九州也其子曰后土能平九州故祀以爲社書
序伊陟相太戊亳有祥桑穀共生於朝伊陟贊於巫咸作
咸父四篇傳伊陟伊尹子孔穎達疏當以巫爲氏名咸君
夷成湯既受命時則有若伊尹格於皇天在太甲時則有
若保衡在太戊時則有若伊陟伊尹格於上帝巫咸父王
家在祖乙時則有若巫賢在武丁時則有若甘盤率惟茲
有陳保父有殷傳伊陟伊尹之職使其君不隕祖
業故至天之功不隕巫咸治王家言不及二臣又言伊尹
至甘盤六臣佐其君循惟此道有陳列之功以安治有殷
詩大雅傳緝熙光明也此言其繼舉材應器與士無私水
父業以佐高宗也故稱伊陟巫咸

莫際其濶盧毓罕窺其術

新書百官志吏部尙書一人正
三品侍郎二人正四品掌文選

勲封考課之政以三銓之法官天下之材以身言書判德
行才用勞效較其優劣而定其畱放爲之注擬五品以上
以名上而聽制授六品以下量資而任之水鏡見冬日宴
詩又南史劉之遴傳吏部尙書王瞻嘗候任昉遇之遴在
坐昉曰此南陽劉之遴學優未仕水鏡所宜甄擢卽調爲
太常博士漢書禮樂志郊祀歌月穆穆以金波顏師古注
言月光穆穆若金之波流也莊子內篇德充符故不足以
滑和不可入於靈和鮑照白頭吟清如玉壺冰玉燭見宿
山莊詩晉書庾亮傳鄧攸字伯道平陽襄陵人也拜侍中
轉吏部尙書蔬食弊衣周急振乏初學記職官部王隱晉
書曰鄧攸爲吏部尙書當時清靜內外肅然牧馬於家庭
妻息素食不受一錢魏志盧毓傳盧毓字子家涿郡涿人
也父植有名於世毓以學行見稱爲吏部尙書帝納其言
卽詔作考課法毓於人及選舉先舉性行而後言才任昉
王文憲集序望衡罕窺其術觀海莫際其瀾新書劉祥道
傳顯慶中遷吏部黃門侍郎知選事乃釐補敝闕上疏陳
六事以清其選而執政憚改作又以勲戚子進取無他門
遂格稍遷司刑大常伯是祥道掌吏部日久遷司刑後仍
衆其故使妍蚩各安其分輕重不失其權五教克敷百揆

時敘折衝千里魯連談笑之功師表一時郭泰人倫之度

趙壹刺世疾邪賦榮納由於閔楡孰知辨其蚩妍書舜典敬敷五教在寬傳布五常之教孔穎達疏文十八年左傳云布五教於四方父義母慈兄友弟恭子孝是布五常之教也案蔡沈集傳據孟子訓五教為五倫於義為長又納於百揆百揆時敘傳揆度也度百事總百官納舜於此官舜舉八愷使揆度百事時事時敘無廢事業大戴禮主言第三十九是故明主之守也必折衝乎千里之外衽席之上還師呂氏春秋八覽召數篇高誘注衝車所以衝突敵之車能陷破之也有道之君不可攻伐使欲攻己者折還其衝車於千里之外也戰國策趙策秦圍趙之邯鄲此時魯仲連適遊趙聞魏將欲令趙尊秦為帝乃見平原君曰梁客辛垣衍安在吾請為君責而歸之魯連見辛垣衍而無言辛垣衍曰今吾視先生之玉貌非有求於平原君者也曷為久居此圍城之中而不去也魯連曰彼秦棄禮義而上首功之國也彼則肆然而為帝過而遂正於天下則連有赴東海而死耳吾不忍為之民也所為見將軍者欲以助趙也於是辛垣衍起再拜謝曰吾請去不敢復言帝秦秦將聞之為卻軍十里左思詠史詩吾慕魯仲連談笑

卻秦軍後漢書黃憲傳潁川荀淑謂憲曰子吾之師表也
郭許符傳郭太字林宗性明知人好獎訓士類雖善人倫
而不爲危言覈論及黨事起知名之士多被其害惟林宗
及汝南袁閎得免焉遂閉門教授子弟以千數章懷太子
注范曄父名泰故改爲此太禮記曰加以分庭讓士虛席
擬人必於其倫鄭予注曰倫猶類也

禮賢片善經心揖仲宣於蔡席一言合道接然明於鄭階

史記貨殖傳子貢結駟連騎束帛之幣以聘享諸侯所至
國君無不分庭與之抗禮又信陵君列傳魏有隱士曰侯
嬴年七十家貧爲大梁夷門監者公子於是乃置酒大會
賓客坐定公子從車騎虛左自迎夷門侯生攝弊衣
冠直上載公子上坐不讓欲以觀公子公子執轡愈恭王
褒和趙王隱士詩清襟蘊秀氣虛席滿風塵魏志王粲傳
王粲字仲宣山陽高平人也曾祖父龔祖父暢皆爲漢三
公父謙爲大將軍何進長史獻帝西遷粲徙長安左郎將
蔡邕見而奇之時邕才學顯著貴重朝廷常車騎填巷賓
客盈坐聞粲在門倒屣迎之粲至年既幼弱容狀短小一
坐盡驚邕曰此王公孫也有異才吾不如也
吾家書籍文章盡當與之然明見帝京篇啓
某蓬廬布衣

系樞韋帶自弱齡植操本謝聲名中年誓心不期聞達上
則執鞭爲士王庭希干祿之榮次則捧檄入官私室庶代
耕之願願一作祿。張衡歸田賦感老氏之遺誠將迴駕
石之下乎蓬廬李善注劉向雅琴賦曰潛坐蓬廬之中巖
色日公亦曾見天子之怒乎唐且曰大王亦嘗見夫布衣
韋帶之士怒乎淮南子原道訓處窮僻之鄉側谿谷之間
隱於榛薄之中環堵之室茨之以生茅蓬戶甕牖採桑爲
樞高誘注採桑條爲戶樞江淹詣建平王上書下官本蓬
戶桑樞之人布衣韋帶之士謝靈運辭祿賦荷賞延之渥
恩在弱齡而覃惠蒙聖達之眷顧得乘閑以沈泄雖鑣羈
之有名恒遊獎而匪滯桓溫薦譙秀表植操貞固抱德肥
遯晉書王羲之傳羲之既少有美譽朝廷公卿皆愛其才
器乃以爲右軍將軍會稽內史時驃騎將軍王述與羲之
齊名而羲之甚輕之述後檢察會稽郡主者疲於簡對羲
之深恥之遂稱病去郡於父母前自誓曰小子羲之進無
忠孝之節退違雅賢之義止足之分定之於今自今之後
敢渝此心貪冒苟進是有無尊之心而不子也信誓之誠

有如綴日既去官與東土人士盡山水之遊弋釣爲娛謝
安嘗謂羲之曰中年以來傷於哀樂與親友別輒作數日
惡義之曰年在桑榆自然至此須正賴絲竹陶寫朝廷以
其誓苦亦不復徵之諸葛亮出師表苟全性命於亂世不
求聞達於諸侯何晏論語集解鄭孚曰富貴不可求而得
者也當修德以得之若於道可求者雖執鞭賤職吾亦爲
之矣皇侃義疏繆協稱袁氏曰執鞭君之御士亦有祿位
於朝也周禮秋官條狼氏掌執鞭以趨避王出入則八人
夾道公則六人侯伯則四人子男則二人鄭康成注趨辟
趨而辟行人若今時卒辟車之爲也孔子曰富而可求雖
執鞭之士吾亦爲之言士之賤也賈公彥疏接序言條狼
氏下士六人胥六人徒六十人今云天子八人少二人矣
蓋取胥徒中兼充也捧檄見贈高四詩序禮王
制諸侯之下士視上農夫祿足以代其耕也 然而忠不

聞於十室學無專於一經退異善藏進殊巧宦搏羊角而

高翥浩若無津附驥尾以上馳邈焉難託實欲投竿垂餌

晦名迹於渭濱抱甕灌園絕機心於漢渚

名一作幽○十
室見論語揚子

法言寡見篇古者之學耕且養三年通一經王通中說予
讀樂毅論曰仁哉樂毅善藏其用巧宦見秋日山行詩莊
子內篇逍遙遊搏扶搖羊角而上者九萬里陸德明釋文
司馬云風曲上行若羊角說文四篇翥飛舉也書微子若
涉大水其無津涯史記伯夷列傳顏淵雖篤學附驥尾而
行益顯司馬貞索隱蒼蠅附驥尾而致千里以喻顏回因
孔子而名彰後漢書陳蕃傳帝報以手書曰蒼蠅之飛不
過數步卽託驥尾得以絕羣涓濱漢渚俱見贈高四詩

幸屬乾坤貞觀鳥兔光華嵩山動萬歲之聲德水應千年

之色雖無爲光宅欣預比屋之封而有道賤貧恥作歸田

之賦

易繫辭下天地之道貞觀者也孔穎達疏謂天覆地

載之道以貞正得一故其功可爲物之所觀也陸德
明釋文觀官喚反不音官尙書大傳虞傳帝乃倡之曰卿
雲爛兮紉縵縵兮日月光華旦復旦兮春秋元命包陽數
起於一成於三故日中有三足鳥月兩設以蟾蜍與兔者
陰陽雙居明陽之制陰陰之制陽續漢書天文志劉昭注
引張衡靈憲曰日者陽精之宗積而成鳥象鳥而有三趾
月之類其數奇月者陰精之宗積而成獸象兔陰之類其

數傳左思吳都賦龍鳥免於日月史記封禪書三月遂東
幸緱氏禮登中岳太室從官在山下聞若有言呼萬歲云
問上上不言問下下不言於是以前三百戶封太室奉祠命
曰崇高邑德水句謂河水千年清也見送郭少府晚泊河
曲詩光宅見表比屋見贈高四詩文選有張衡歸田賦李
善注張衡仕不得志欲歸於田因作此賦唐高宗舉行封
禪所司集嶽下詔宜以三年正月式遵故實有事於岱宗
所司詳求茂典以從折衷其諸州都督刺史以二年十二
月便集嶽下諸王十月集東都緣邊州府祿要之處不在
集限天下諸州明揚才彥或銷聲幽藪或藏器下僚並隨
嶽牧舉送按此當是高於是揭來甕牖利見金門指帝鄉
宗將行封禪時故云

以望雲赴長安而就日美芹之願徒有獻於至尊蟠木之

姿誰爲容於左右

揭來見贈高四詩禮儒行蓬戶甕牖孔穎達疏甕牖謂牖牕圓如甕口也又云

以敗甕口爲牖易乾卦九二見龍在田利見大人史記滑稽傳褚先生曰金馬門者官署門也門傍有銅馬故謂之曰金馬門望雲就日並見贈高四詩列子楊朱篇昔者宋國有田父常衣緼麤僅以過冬暨春冬東作自曝於日日

不知天下之有廣厦陳室綿續狐貉顧謂其妻曰負日之
眩人莫知者以獻吾君里之富室告之曰昔人有美戎菽
甘泉莖芹萍子者對鄉豪稱之鄉豪取而嘗之蜚於口慘
於腹衆哂而怨之其人大慚子此類也嵇康與山巨源絕
交書野人有快炙背而美芹子者欲獻之至明公惟幾成
尊雖有區區之意亦已疏矣蟠水見浮槎詩

務論道經邦一顧之隆駘足逾於仙鹿片言之重魚目軌

於靈蛇太平御覽禮儀部引漢官典職曰尚書丞郎見尚書執板對揖稱曰明公易繫辭上惟幾也故能成

天下之務書周官茲惟三公論道經邦說文十篇駘馬銜
脫也案銜脫則行遲緩故謂馬之鈍者曰駘駘藝文類聚
獸部列仙傳曰蘇耽與衆兒俱戲獵常騎鹿鹿形如常鹿
遇嶮絕之處皆能超越衆兒問曰何得此鹿騎而異常鹿
耶答曰龍也盧諶贈劉琨書夜光報於魚目李善注雒書
曰秦失金鏡魚目入珠鄭孚曰魚目亂真珠搜神記隨縣
澁水側有斷蛇邱隋侯見大蛇被傷中斷疑其靈異使人
以藥封之蛇乃能走歲餘夜明珠以報之珠盈徑寸純白而
夜有光明如月之照可以燭室故謂之隋侯珠亦曰靈蛇
珠又曰明月珠任昉王文憲集序一言之譽東陵倖於西

山一盼之榮鄭
樣驗於周寶
庶望願兔離箕動薰風於舜海從龍潤礎

霈甘澤於堯雲則膾餘之魚希振鱗於吳水膳後之豕翻

化龜於魯津拜伏階墀增懼木谷謹啓

木一作冰○楚辭天問厥利維何而

顧兔在腹王逸注言月中有兔何所貪利居月之腹而願

望乎詩小雅月離于畢俾滂沱矣傳畢躡也月離陰星則

雨孔穎達疏洪範曰星有好風星有好雨好雨者即此畢

是也春秋緯說云月離于箕風揚沙則好風者箕也薰風

見贈高四篇書益稷帝光天之下至于海隅蒼生故曰舜

海王勃九成宮頌序得元珠於舜海尚警冰危朗天鏡於

堯儀猶勤日昃易乾卦雲從龍淮南子說林訓山雲蒸柱

礎潤高誘注礎柱下石磧也僧元應衆經音義引許慎注

楚人謂柱礎曰礎後漢書循吏孟嘗傳於公一言甘澤時

降史記帝堯紀望之如雲搜神記江東名餘膾者昔吳王

闔閭江行食膾有餘因棄中流悉化爲魚今魚中有名吳

王膾餘者長數寸大者如筍猶有膾形太平御覽獸部符

子曰朔人獻燕昭王以大豕曰養奚若使曰豕也非大豕

不居非人便不珍今年百二十矣人謂豕仙王乃命豕宰

養六十五年大如沙墳足如不勝其體王異之令衡官橋而量之折士橋豕不量又命水官舟而量其重千鈞其巨無用燕相謂王曰奚不饗之王乃命宰夫膳之夕見夢於燕相曰造化勞我以豕形食我以人穢吾患其生久矣仗君之靈得化吾生始得為魯津之伯後燕相遊乎魯津有赤龜奉璧而獻原注一云夜光珠隋書煬三子傳出入外內奉望階墀詩小雅溫溫恭人如集于木惴惴小心如臨于谷

上李少常伯啓

舊書李敬元傳李敬元亳州譙人也乾封初歷遷西臺舍人宏文館學士

總章二年累轉西臺侍郎兼太子右中護同東西臺三品兼檢校司列少常伯自永徽以後選人轉多當其任者罕聞稱職及敬元掌選天下稱其能預選者歲有萬餘人每於街衢見之莫不知其姓名其被放有訴者卽口陳其書判失錯及身負殿果畧無差殊時人咸服其強記莫之敢欺上元二年拜吏部尚書又李百藥傳李百藥定州安平人隋內史令安平公德林子也貞觀元年召拜中書舍人賜爵安平縣男二年除禮部侍郎十一年進爵爲子諡曰康子安期永徽中遷中書舍人再轉黃門侍郎龍朔中爲司列

少常伯參知軍國有事太山詔安期爲朝覲壇碑文
安期前後三爲選部頗爲當時所稱案裴行儉傳總
章中遷司列少常伯與李敬元爲貳同時典選十餘
年甚有能名時人稱爲裴李時有後進楊炯王勃盧
照隣駱賓王並以文章見稱吏部侍郎李敬元盛爲
延譽此啓當是上敬元也

寶王啓竊惟陰陽作炭化一氣以陶甄天地爲鑪混萬物

爲芻狗賈誼鵬鳥賦且夫天地爲鑪兮造化爲工陰陽爲炭兮萬物爲銅潘岳西征賦古往今來邈矣悠哉

寥廓惚恍化一氣而甄三才李善注漢書音義曰陶人作瓦器謂之甄張華女史箴茫茫造化二儀既分散氣流形既陶既甄莊子內篇大宗師今一以天地爲大鑪造化爲大冶惡乎往而不可哉老子天地不仁以萬物爲芻狗聖人不仁以百姓爲芻狗然則壁輪均照或流景於萊城玉燭平分獨

翔寒於黍谷壁輪見請陪封禪表漢書地理志東萊郡不夜有成山日祠莽曰夙夜顏師古注齊地記

云古有日夜出見於東萊故萊子立此城目不夜爲名元和郡縣志河南道登州文登縣不夜故城在縣東北八十五

各處每集卷之七二十一

里屬東萊郡春秋時萊子所置初築此城有日夜出故名
之玉燭見宿山莊詩阮籍詣蔣公奏記鄒子居黍谷之陰
李善注劉向別錄鄒衍在燕有谷寒不生五穀鄒子吹律
而溫生黍今順天府懷柔縣東四十里有黍谷山亦謂之
寒谷是知隆污迭襲榮悴相循得氣者繁滋失時者零落
作乘。隆污見前潘岳秋興賦雖末士之榮悴兮伊人情
之美惡班固答賓戲得氣者蕃滋失時者零落注項岱曰
蕃盛也零凋病也言遇仕者昌盛不遇者凋病如萬物於天地之間也
伏以君侯疏乾激派

龍門開竹箭之波鎮地橫基鵠翹峙蓮花之岳曜重暉於

若月炳疊彩於非烟岳一作嶺。龍門竹箭見疇昔篇鵠翹未詳蓮花岳見疇昔篇崔豹古今

注音樂第三明帝爲太子樂人作歌詩四章以贊太子之德其一曰日重光其二日月重輪其三曰星重輝其四曰海重潤漢末喪亂後其二章亡至若瑞動赤符著元勲於
若月非烟俱見請陪封禪表也

東漢烽驚紫塞宣武功於北征奕葉龍光聯蟬龜組德攸

天縱白星降王輔之精道叶神交黃石授帝師之略符一作光

聯蟬一作蟬聯。後漢書光武紀莽末天下連歲災蝗寇

盜鋒起光武避吏新野因賣穀於宛宛人李通等呂圖譏

說光武云劉氏復起李氏爲輔建武元年於是諸將議上

尊號光武先在長安時同舍生疆華自關中奉赤伏符曰

劉秀發兵捕不道四夷雲集龍圖野四七之際火爲主羣

臣因復奏曰符瑞之應昭然著聞宜答天神曰塞羣望光

武於是命有司設壇場於鄱南千秋亭六月己未卽皇帝

位漢書敘傳太祖元勳啓立輔臣紫塞見詠雁詩史記李

將軍列傳李將軍廣者隴西成紀人也其先曰李信秦時

爲將逐得燕太子丹者也孝文帝十四年匈奴大入蕭關

而廣以良家子從擊胡用善騎射殺首虜多爲漢中郎後

廣轉爲邊郡太守徙上郡嘗爲隴西北地雁門代郡雲中

太守皆以力戰爲名孝景崩武帝立居無何匈奴入殺遠

西太守敗韓將軍於是天子乃召拜廣爲右北平太守匈奴

奴聞之號曰漢之飛將軍避之數歲不敢入右北平潘岳

楊仲武諫伊子之先奕葉熙隆詩商頌毛亨傳葉世也案

奕葉猶言累世也詩小雅既見君子爲龍爲光傳龍寵也

箋云爲寵爲光言天子恩澤光耀被及己也方言蟬續也

玉篇蟬連系屬之言也續漢書輿服志注徐廣曰太子及諸王金印龜組纁朱綬孔桂圭爲王敬則讓司空表蟬佩之映則左右交輝龜組之華則縱橫止耀德攸天縱四句見前篇故得三千運北擊舜海

以游鱗九萬圖南望堯雲而矯翰折衝千里魯連談笑之

功師表一時郭泰人倫之度

運北圖南見螢火賦注及在江南贈宋之問詩折衝四句

見前

於是九重銜紱懸星彩於宸維四達埋輪振霜威於

權右

小爾雅廣服紱謂之綬張衡西京賦振天維行地儀爾雅釋宮四達謂之衢埋輪見疇昔篇荀悅申鑒政

體篇疾威福而尊權右沈約奏彈王源雖埋輪之志無屈權右而狐鼠微物亦蠹大猷

加以分庭讓

士虛席禮賢片善必甄挹虞翻於東箭一言可紀許願榮

以南金

席一作坐。分庭二句見前篇吳志虞翻傳虞翻字仲翔會稽餘姚人也翻與少府孔融書并示以

所著易注融答書曰聞延陵之理樂觀吾子之治易乃知東南之美者非徒會稽之竹箭也晉書顧榮傳顧榮字彥

先吳國吳人也又薛兼傳薛兼字令長丹陽人也少與同郡紀瞻廣陵閔鴻吳郡顧榮會稽賀循齊名號爲五儔初入洛司空張華見而奇之曰皆南金也北齊朱敬修朱岱林墓誌惟祖英毅惟父深沈飛纓鳴玉作範垂音仍生東箭遂拒南金素榮

賓王蟠木朽株散樗賤質牆面難用灰

俱美出處分心
心易寒退無毛薛之交進乏金張之援塊然獨居十載於

茲矣

蟠木散樗俱見前說文六篇株木根也後漢書循吏孟嘗傳楊喬上書薦嘗曰槃木朽株爲萬乘用者左

右爲之容耳書周官不學牆面灰心見和孫長史秋日臥病詩王貞謝齊王陳啓歸來反覆心灰遂寒史記信陵君列傳公子畱趙公子聞趙有處士毛公藏於博徒薛公藏於賣漿家公子欲見兩人兩人自匿不肯見公子公子聞所在乃閒步從此兩人游甚歡漢書蓋寬饒傳上無許史之屬下無金張之託注應邵曰金金日碑也張張安世也淮南子原道訓卓然獨立塊然獨處東方朔非有先生論虛心定志欲聞流議者三年於茲矣

然而日夜

相代笑溝壑之非遙貧病交侵思薛蘿而可託常

一本無常字○

欲乘幽控寂進綺季於青山樂道棲真從魯連於滄海一相

作遷笑一作歎○莊子內篇則陽陰陽相照相蓋相治四

時相代相生相謝張華勵志詩日與月與荏苒代謝史記

范睢蔡澤列傳使臣卒然填溝壑史記仲尼弟子列傳子

貢相衛而結駟連騎排藜藿入窮閭過謝原憲憲攝衣冠

見子貢子貢恥之曰夫子豈有病乎原憲曰吾聞之無財

者謂之貧學道而不能行者謂之病若憲貧也非病也謝

靈運從斤竹澗越嶺溪行想見山阿人薜蘿若在眼李善

注楚辭曰若有人兮山之阿披薜荔兮帶女蘿揚雄方言

宋安靜也江湖九疑之郊謂之宋宋即寂字漢四皓有綺

里季見時昔篇後漢書周燮傳燮曰吾既不能隱處巖穴

追綺季之迹而猶顯然不棄父母之國斯固以滑泥揚波

同其流矣章懷太子注綺季東園公夏黃公角里先生謂

之四皓隱於商山馮衍傳拔綺季之麗服兮揚屈原之靈

芬注綺季四皓之一也樂道見上帝京篇啓魯連見前篇

幸屬舜門廣闢漢幣交馳遂得佇嘯高邱應箕文而動韻

吟吟大野浮昆岫以流陰翳恐在藻纖鱗終寡登龍之望

搶榆弱羽徒仰搏鵬之高

搶一作樓非○舜門見贈高四篇史記儒林列傳蘭陵王臧及

代趙綰請天子欲立明堂

以朝諸侯不能就其事乃言師

申公於是天子使使束帛加璧安車駟馬迎申公隋書隱

逸傳論莫不束帛交馳蒲輪結轍崔實答譏沈縉濬壑棲

息高邱成公綏嘯賦南箕動於穹蒼清颺振乎喬木李善

注春秋緯曰日月失其行離於箕者風趙至與嵇茂齊書

龍睇大野虎嘯六合周易說卦第九艮為山孔穎達疏取

陰在下為止陽在於上為高故艮象山也爾雅釋山山有

穴為岫郭璞注謂巖穴說文九篇岫山穴也然張衡南都

賦岫繚繞而滿庭謝朓郡內高齋閑坐答呂法曹詩窗中

列遠岫直以岫為山字用矣詩小雅魚在在藻左思招隱

詩石泉漱瓊瑤纖鱗亦浮沈登龍見

登司馬樓宴詩拾榆搏鵬見螢火賦

所冀曲逮恩光資餘

潤於東里襲承導引託輕葛於南樛撫己多慙循躬增懼

謹啓

文苑英華曰葛集作夢疑作葛蜀本亦作夢樛顏本

作柯非○江淹擬鮑參軍戎行豪士枉尺璧宵人重

恩光李善注鄭孚毛詩箋曰為龍為光言天子恩澤光曜

被及者也劉琨重贈盧諶詩妙哉葛葛得託樛木案王勃

駱臨海集

卷之七

上李常伯啓曰謹憑斯義輒呈宸遊東岳頌
一首此啓疑亦上於麟德元年封泰山時也

上兗州刺史啓

通典州郡門古徐州魯郡今之兗州
理瑕邱縣古少皞之墟也禹貢徐兗

二州之域任城龔邱縣卽兗州界餘並徐州域金鄉
任城鄒曲阜泗水乾封方輿中都龔邱萊蕪案舊志
長安四年置萊蕪縣高宗時兗州領十縣新書地理
志河南道兗州魯郡上都督府又百官志凡都督府
有刺史以下如故上州刺史一人從三品中州刺史
一人正四品下州刺史一人正四品下舊書職官
志武德改郡爲州州置刺史天寶改州爲郡置太守
乾元元年改郡爲州冊府元龜麟德元年七月詔宜
以三年正月有事於岱宗其諸州都督刺史以二年
十二月便集岳下諸王十二月集東郡緣邊州府襟
要之處不在集限天下諸州明揚才彥或銷聲幽薶
或藏器下僚並隨岳牧舉選按啓中有幸屬日月光
華雲霞紛郁諸語
疑上於此時也

側聞未遇孫陽鹽車無絕塵之迹時逢和氏荆山有連城

之珍豈若聽清音於爨餘則枯桐發響收夜光於元璧則

怪石騰輝在物猶然況於含識者矣

孫陽見上太常伯啓莊子雜篇徐無鬼第

二十四天下馬有成材若邱若失若喪其一若是者超軼絕塵不知其所桑欽水經禹貢山水澤地所在篇荆山在南郡臨沮縣東北鄴道元注東條山也卞和得玉璞於是山楚王不恤懷璧哭於其下王後使玉人理之所謂和氏之玉焉詳見江南贈宋之問詩史記藺相如傳趙惠文王時得楚和氏璧秦昭王聞之使人遺趙王書願以十五城易之魏文帝與鍾大理書不煩一介之使不損連城之價後漢書蔡邕傳邕在吳吳人有燒桐以爨者邕聞火烈之聲知其良木因請而裁為琴果有美音而其尾猶焦故時人名曰焦尾琴焉夜光二句見螢火賦璧光照廡句注梁武帝孝思賦彼含識而伏惟明使君公鳳穴振儀龍門標異見同有色而殊形

峻瓊雕岳立表秀干雲霞煥霜霏澄虛鑒物

魏志管輅傳安平趙孔曜

薦輅於冀州刺史裴徽曰今明使君方垂神幽藪留神九皇輅宜陰和之應得及羽儀之時鳳穴見獄中書詩龍

門見登王司馬樓宴詩說文一篇瓊赤玉也孟子必使玉人彫琢之伏羲與阮籍書今吾子擢才達德則無毛遂穎脫之勢剪跡滅光則無四皓岳立之高王褒四讀祠碑銘靈祠岳立貝闕雲浮陸機百年歌力可扛鼎志干雲晉書文苑傳贊袁庚克愷縟藻霞煥魏武既而代工天府忠簡帝步出夏門行天氣肅清繁霜霏霏

帝心擁熊軾而撫百城建隼旗而臨千里坐棠敷惠恩纏

去思剖竹垂仁式歌來暮清凝夜燭化警晨鳥外勗九農

內宏五教導之以禮樂齊之以刑書約法遵寬設蒲鞭之

恥立言惟信控竹馬之期甘雨隨車雲低輕重之蓋還珠

合浦波含遠近之星

代工二句見上太常伯啓續漢書與服志公列侯安車朱斑輪倚鹿較伏

熊軾阜繒蓋黑輻右駢詩鄘風子子干旗在浚之都傳鳥

隼曰旗箋云周禮州里建旗謂州長之屬章俊卿羣書考

索前集禮器門司常鳥隼爲旗大閱州里建旗司馬治兵

百官載旗二者不同何也禮書曰州里建旗者州里之常

百官載旗一時之事軍國之容耳詩曰子子千旗蓋州里
之臣爾雅曰錯革鳥曰旗轉人曰鳥旗七旂象鷄火也隋
書文學傳坐棠聽訟事絕詠歌攀桂摘詞眷言高邁詳在
獄詠蟬詩序漢書循吏傳王成黃霸朱邑龔遂鄭宏召信
臣等所居民富所去見思謝靈運過始甯墅詩剖竹守滄
海枉帆過舊山李善注漢書曰初與郡守爲竹使符說文
曰符信漢制以竹分而相合後漢書列傳廉范字叔度遷
蜀郡太守成都民物豐盛邑宇逼側舊制禁民夜作曰防
火災而更相隱蔽燒者日屬范迺毀削先令但嚴使儲水
而已百姓爲便迺歌之曰廉叔度來何暮不禁火民安作
平生無襦今五絺太平御覽職官部謝承後漢書曰巴祗
字敬祖爲揚州刺史在官不迎妻子俸祿不使有餘幘毀
壞不復改易以水澡傳墨用之夜與士對坐暗中不然官
燭又火部會稽典錄曰陳修字奉遷鳥傷人也爲豫章太
守修性清潔履約恭儉十日一炊不然官燭案虞世南北
堂書抄政術部引謝承後漢書會稽典錄作巴祗不然官
燭陳修不然官薪漢書循吏傳黃霸字次公爲潁川太守
吏出不敢舍郵亭食於道傍烏攫其肉民有欲詣府口言
事者適見之霸與語道此後日吏還謁霸霸見迎勞之曰
甚苦食於道旁乃爲鳥所盜肉吏大驚目霸具知其起居

所問毫釐不敢有所隱顏注周禮閭師凡任民任農以耕
事貢九穀故曰九農五教見上太常伯啓孝經導之以禮
樂而民和睦左傳昭公六年鄭人鑄刑書後漢書卓魯魏
劉傳劉寬字文饒遷南陽太守典歷三郡溫仁多恕常以
爲齊之以刑民免而無恥吏人有過但用蒲鞭罰之示辱
而已終不加苦竹馬見錢鄭安陽人蜀詩後漢書朱馮虞
鄭周傳鄭宏字巨君顯宗拜爲駙令政有仁惠民稱蘇息
遷淮陰太守章懷太子注謝承書曰宏消息繇賦政不煩
苛行春大早隨車致雨白鹿方道夾轂劉放曰案漢郡無
淮陰者當是淮陽此時未爲陳國也太平御覽天部謝承
後漢書曰百里嵩字景山爲徐州刺史境旱嵩出巡遽甘
雨輒澍東海祝其台鄉等三縣老父訴曰人等是公百姓
獨不迭降迴赴雨隨車而下後漢書循吏傳孟嘗字伯周
遷合浦太守郡不產穀實而海出珠寶常通商販貿糴糧
食先時罕守並多貪穢珠遂漸徙於交趾郡嘗到官革易
前弊求民病利曾未踰歲去珠復還還珠各本作珠還非
今據文苑
英華正
至如臥理稱難坐嘯匪易披裳問疾垂愛景以

字人褰帷廣聽穆薰風而扇物嚴霜秋降叶隼擊而防小

人零露春濡飾羔旌而禮君子於是仁必有勇吏不忍欺

美譽鬱於三齊芳聲騰於萬古

旌一作牲聲一作猷○史記汲黯列傳上以為淮陽

楚地之郊迺召拜黯為淮陽太守黯伏謝不受印上曰君薄淮陽吾今召君矣顧淮陽吏民不相得吾徒得君之重臥而治之黯居郡淮陽政清後漢書黨錮傳後汝南太守宗資任功曹范滂南陽太守成瑨亦委功曹岑晊二郡又為謠曰汝南太守范孟博南陽宗資主畫諾南陽太守岑公孝宏農成瑨但坐嘯又郭伋傳帝曰盧芳據北土迺調伋為并州牧所到縣邑老幼相攜逢迎道路所過問民疾苦康孟詠曰應趙王教詩相歡承愛景共惜寸陰移後漢書延史盧趙傳贊延史字人風和恩結詩大雅生民傳字愛也後漢書列傳賈琮字孟堅為冀州刺史舊典傳車駿駕垂赤帷裳迎於州界及琮之部升車言曰刺史當遠視廣聽糾察美惡何有反垂帷裳以自掩塞乎乃命御者褰之百城聞風自然竦震其諸臧過者望風解印綬去詩大雅穆如清風箋云穆和也漢書列傳孫寶字子嚴徵為京兆尹故吏侯文以剛直不苟合寶以恩禮請文欲為布衣友文求受署為掾以立秋日署文東都督郵人見勅曰今

日鷹隼始擊當順天氣取姦惡以成嚴霜之誅據部渠有其人乎文曰無其人不取空受職寶曰誰也文曰霸陵杜穉季穉季者大俠聞知之遂不敢犯法淮南子時則訓季春之月出幣帛使諸侯聘名士禮賢者後漢書陳寔傳寔有六子紀譙最賢父子並著高名時號三君每宰府辟召常同時旌命羔雁成羣當世者靡不榮之有舅句論語文史記滑稽列傳傳曰子產治鄭民不敢欺後漢書卓茂傳卓茂字子康遷密令勞心諄諄視人如子舉善而教口無惡言吏人親愛而不忍欺之梁書劉遵傳美譽嘉聲流於士友史記田儋傳田榮迺自立爲齊王盡并三齊之地索隱田市王膠東田都王齊田安王濟北胡三省通鑑齊紀一注自項羽分齊地爲三王後遂稱齊地爲三齊猶關中稱三秦也福衡鸚鵡賦羨芳聲之遠揚宋書劉穆之傳興復皇祚勲高萬古隋房彥謙論張衡書粵自藩邸若乃清規遠鏡皎柱石見知方當書名竹帛傳芳萬古

月色於靈臺元鑒虛凝穆松風於智府研機三篋探蹟九流擣翠萼於詞林粹鮮花於筆苑文江翻浪織玉激以韜

霞學海驚瀾綴珠鱗於濯錦

三一作十。梁書謝朓傳清規雅裁兼擅其美靈臺見贈

高四詩老子滌除元覽故曰元鑒世說新語賞譽第八世
目李元禮謾謾如松下風文子守清篇神者智之淵也神
清則智明智者心之府智公則心平易繫辭上夫易聖人
之所以極深而研幾也漢書張安世傳安世字子孺少以
父任爲郎用善書給事尙書精力於職休沐未嘗出上行
幸河東嘗亡書三篋詔問莫能知唯安世識之具作其事
後購求得書以相校無所遺失上奇其材擢爲尙書令卻
正釋議是以達人研道探賾索微九流見贈高四詩說文
十三篇穉絲采飾也楊慎丹鉛錄嵇康琴賦新衣翠粲纓
徽流芳翠粲鮮明之貌注以爲衣聲非也駱賓王文擣翠
萼於詞林粹鮮花於筆苑可以證之又東坡詩兩朵妖紅
翠欲流高似孫緯畧云翠謂鮮明之貌非色也東哲補亡
詩白華朱萼被於幽薄李善注毛詩曰萼不韡韡鄭子曰
承華者萼也案今本作鄂文選江賦李善注小雅曰雜采
曰粹束哲補白華詩鮮侔晨葩莫之點辱文心雕龍總術
文場筆苑有術有門務先大體鑑必窮形又物色故灼灼
狀桃花之鮮依依盡楊柳之貌文江見上司列太常伯啓
文選江賦李善注字書曰激泛也水波上及也玉激猶言

玉水也謝惠連雪賦連氛累霧掩日韜霞楊子法言學行
篇百川學海而至於海拾遺記京師謂康成爲經神何休
爲學海藝文類聚寶玉部裴氏廣州記曰鯨鯢目卽明月
珠故死不見有目精王符潛夫論實貢篇濯錦以魚浣布
炭加以懸榻待士擁篲禮賢汲引忘疲樊題不倦懷經味
道之客望範圍而駿奔兼流包畧之夫窺義園以遐集求
小善於毫芥願正禮於二龍振幽滯於泥沙許公明以一
驥公明一作明公非。後漢書陳蕃傳再遷爲樂安太守郡人周璆高潔之士前後郡守招命莫肯至唯蕃能致焉字而不名特爲置一榻去則縣之璆字孟玉臨濟人又徐穉傳徐穉字孺子豫章南昌人也陳蕃爲太守在郡不接賓客唯穉來特設一榻去則縣之阮籍詣蔣公奏記子夏處西河之上而文侯擁篲鄉子居黍谷之陰而昭王陪乘李善注七畧曰方士傳言鄒子在燕其遊諸侯畏之皆郊迎而擁篲宋書孝義傳序軌訓之理未宏汲引之塗多闕方言凡相被飾皆曰獎說文九篇題領也後遂用爲凡居前之稱任勛王文憲集序至若齒危髮秀之客含經味

道之生莫不北面人宗自同資敬易繫辭上範圍天地之
化而不過王弼注範圍者擬範天地而周備其理也詩周
頌駿奔走在廟郭璞江賦總括漢泗兼包淮湘流九流畧
七畧漢書藝文志哀帝復使向子侍中奉車都尉歆卒父
業歆於是總羣書而奏其七畧故有輯畧有六藝畧有諸
子畧有詩賦畧有兵書畧有術數畧有方技畧梁書昭明
太子傳括囊流畧包舉藝文司馬相如上林賦修容乎禮
園翔翔乎書圖庾信徵調曲黎人耕植於義園君子鞠翔
於禮園吳志劉繇傳劉繇字正禮東萊牟平人也繇兄岱
字公山平原陶邱洪薦繇欲令舉茂才刺史曰前年舉公
山奈何復舉正禮乎洪曰若明使君用公山於前擢正禮
於後所謂御二龍於長途騁騏驎於千里不亦可乎魏志
管輅傳裴松之注輅別傳曰輅爲華清河所召爲北冀文
學安平趙孔曜與輅有管鮑之分於是遂至冀州見裴使
君使君言君顏色何以消滅於故邪孔曜言體中無藥石
之疾然見清河郡內有一騏驎拘繫後廢歷年去王良伯
樂百八十里不得騁天骨起風塵以此憔悴耳使君言騏
驎今何在也孔曜言平原管輅字公明年三十六雅性寬
大與世無忌游步道術開神無窮裴使君即檄召輅爲文
學從事一相見清論終日不覺罷倦再相見便轉爲鉅鹿

從事三見轉治中四見轉為別駕至十月舉為茂才案
華清河謂清河太守華表裴使君冀州刺史裴徽也 賓

王淹中故俗體朴厚之宏規稷下遺毗陶禮義之餘化頗

遊簡素少閱縑緗每蟋蟀淒吟映素雪於書帳莎雞振羽

截碧蒲於翰池淹中稷下見表案駱父宰博昌其於齊魯

素園寄辭翰墨林李善注風俗通曰劉向為孝成皇帝典

校書籍皆先書竹為易刊定可繕寫者以上素今東觀書

竹素也初學記文部古者以縑帛依書長短隨事截之名

曰帙紙故其字從絲梁昭明太子文選序詞人才子則名

泣於縑囊飛文染翰則卷盈乎細帙呂向注細淺黃色也

帙書衣潘徽江都集禮序總括油素躬披細縑詩幽風十

月蟋蟀入我牀下陸璣詩草木鳥獸蟲魚疏蟋蟀似蝗而

小正黑有光澤如漆有角翅一名螬一名蜻蛚楚人謂之

王孫幽州人謂之趣織督促之言也里語曰趣織鳴懶婦

驚是也映雪見過故人書齋詩詩幽風六月莎雞振羽陸

璣疏莎雞如蝗而斑色毛翅數重其翅正赤或謂之天雞

六月中飛而振羽索索作聲幽州人謂之蒲錯是也漢書

賈鄒枚路傳路溫舒字長君鉅鹿東里人也父爲里監門使溫舒牧羊溫舒取澤中蒲截以爲牒編用寫書

而學異懷蛟才非夢鳥價不齊於南漢芳不重於東山幸

屬日月光華雲霞紛郁方結羨魚之網將謠叩角之詞奮

短翮於搶榆希高標之餘拙躍纖鱗於涓滴望鴻澤之微

露躍一作濯○西京雜記董仲舒夢蛟龍入懷乃作春秋繁露詞夢鳥見登王司馬樓宴詩曹植與楊德祖書昔

仲宜獨步於漢南孔璋鷹揚於河朔司馬子端爲中丞選

御史表必須名高河朔價重漢南云南漢者就對也晉書

謝安傳謝安字安石少有重名中丞高崧戲之曰卿果達

朝旨高臥東山諸人每相與言安石不肯出將如蒼生何

蒼生亦將如卿何沈炯代王僧辯勸進表雲烟紛郁日月

光華羨魚見張平子墓詩淮南子主術訓甯戚商歌桓公
喟然而寤高誘注甯戚飯牛車下叩角商歌齊桓公悟之
用以爲相短翮見詠懷古意搶榆見螢火賦纖鱗見前篇
所冀願盼曲流翦拂增價則鋸刀起一割之用跋鱉致千

星之行是知竊混吹於齊竿濫飛聲於郢唱抱山雞而自

惡顧遂豕以多慚輕觸威嚴不遑流汗謹啓

劉峻廣絕交論顧盼增其

信價翦拂使其長鳴後漢書班超傳昔魏絳列國大夫尚能和輯諸戎況臣奉大漢之威而無鈎刀一割之用乎荀子脩身篇夫驥一日而千里駑馬十駕則亦及之矣故學日遲彼止而待我我行而就之則亦或遲或速或先或後胡爲乎其不可以同至也故踴步而不休跋鼈千里累土而不輟邱山崇成厥其源開其瀆江河可竭一進一退一左一右六驥不致彼人之才性之相縣豈若跋鼈之與六驥足哉然而跋鼈致之六驥不致是無它故焉或爲之或不爲之耳韓非子內儲說上齊宣王使人吹竽必三百人不郭處士請爲王吹竽宣王說之廩食以數百人宣王死潛王好一一聽之處士逃廣雅釋樂竿象三十六管宮管在中央郢唱見江南贈宋之問詩太平廣記禽鳥二楚人有擔山雞者路人問曰何鳥也擔者欺之曰鳳凰也路人曰汝賣之乎曰然乃酬以千金弗與請加倍乃與方將獻楚王經宿而鳥死路人不得惜其金惟恨不得以獻耳國人傳之咸以爲真鳳而貴宜欲獻之遂聞於楚王王感其

欲獻己也召而厚賜之過買鳳之直十倍矣原注出笑林
案尹文子作山雉與遼豕並見上帝京篇啓隋書觀德王
傳曲畱慈照特鑒丹誠
頻觸宸嚴伏增流汗

上兗州崔長史啓

舊書地理志兗州上都督府管充
泰沂三州又職官部大都督府長

史一人從三品司馬二人從四品下上州長史一人
從五品上司馬一人從五品下

側聞豐城戢耀駭電之輝俄剖沙邱踰迹躡雲之轡載馳

然則激漚侵星佩潛蛟於壯武騰鏢歷塊騁蹠駿於咸陽

溜一作湍歷一作思非○豐城見螢火賦傷祝阿王明府

詩序劉向九歎凌驚雷以軼駭電兮綴鬼谷於北辰張協

七命光如散電質如耀雪李善注莊子曰此劍一用如雷

之震電之霍也案今莊子說劍篇作如雷霆之震也列子

說符篇秦穆公謂伯樂曰子之年長矣子姓有可使求馬

者乎伯樂對曰臣有所與共擔纏薪菜者有九方臯此其

於馬非臣之下也請見之穆公見之使行求馬三月而反

報曰已得之矣在沙邱穆公曰何馬也對曰北而黃使人

往取之牡而驅穆公不說召伯樂而謂之曰敗矣子所使
求馬者色物牝牡尚弗能知又何馬之能知也伯樂喟然
太息曰一至於此乎是乃其所以千萬臣而無數者也若
臯之所觀天機也得其精而忘其麤在其內而忘其外見
其所見不見其所不見視其所視而遺其所不視若臯之
相馬乃有貴乎馬者也馬至果天下之馬也顏延年赫白
馬賦跪迹迴唐畜怒未洩方言躡登也侵星言劍氣侵牛
斗也潛蛟用劍化為龍事元和郡縣志河南道萊州卽墨
縣壯武故城在縣西六十里晉封張華爲壯武侯爾雅釋
器鑑謂之鑑郭璞注馬勒旁鐵說文十四篇上鑑馬銜也
王褒聖主得賢臣頌及至駕齧膝驂乘旦王良執靶韓哀
附與縱騁馳驚忽如影靡過都越國蹶如厯塊追奔電逐
遠風周流八極萬里一息何其遼哉人馬相得也宋敏求
長志縣三咸陽縣本周一息何其遼哉人馬相得也宋敏求
於渭北城咸陽自汧隴徙都焉三秦記曰咸陽秦孝公十二
所都在九峻山南渭水北山水俱陽故名咸陽且煦轍
疲麟側羨鰲潭之躍觸籠短翼迴望鵬程之飛是以齊郊

夕唱牛歌揆白石之詞漢境朝趨車侯驚拂塵之思

迴一作局

飛一作迅侯一作候○煦轍見古意詩列子湯問篇渤海
之東不知幾億萬里有大壑焉實惟無底之谷其中有五
山焉一曰岱輿二曰員嶠三曰方壺四曰瀛洲五曰蓬萊
所居之人皆仙聖之種而五山之根無所連著常隨潮波
上下往還不得暫時焉仙聖毒之訴之於帝帝怒流於西
極失羣聖之居乃命禹疆使巨鼇十五舉首而戴之迭爲
三番六萬歲一交焉五山始峙觸龍及鵬程見螢火賦孫
夷孟子疏案三齊記云齊桓公夜出迎客甯戚疾擊其牛
角高歌曰南山粲白石爛生不遭堯與舜禪短布單衣適
至爵從昏飯牛薄夜半長夜曼曼何時旦乃召與語說之
遂以爲大夫漢書公孫劉車王楊蔡陳鄭傳車千秋本姓
田氏爲高寢郎訟太子寃武帝見而說之立拜千秋爲大
鴻臚數月遂代劉屈氂爲相封富民侯千秋年老上
優之朝見得乘小車入宮殿中故因號曰車丞相 伏惟

某公騰瀾浴景濬靈派以含珠擢幹捎雲翊孤巖而聳桂

崇基疊秀匡霸道於周盟茂緒聯輝贊文場於漢戚

木華海賦

洪濤滄汴騰波赴勢稽含長生樹賦結根擢幹載生無漸
郭璞江賦驪蚪珍其址梢雲冠其嶠李善注孫氏瑞應圖

曰梢雲瑞雲人君德至則出若樹木梢梢然也水經注河
水篇羣山疊秀重嶺千霄鄭樵通志氏族畧崔氏姜姓出
齊丁公嫡子季子讓國於叔乙食采於崔遂為崔氏杜預
云濟南東朝陽縣西北有崔氏城是也季子生穆伯穆伯
生沃沃生野八世孫天僖二十八年晉侯宋公齊國歸父
崔天次於城濮天生杼襄二十三年弒莊公杼生成及疆
後妻生明二十三年慶封使盧蒲癸弒成及疆杼及其妻
縊崔明奔魯生良十五世孫意如為秦大夫封東萊侯二
子伯基居清河東武城仲牟居博陵安平並為著姓後漢
書崔駰傳善屬文少游太學與班固傳毅同時齊名元和
中肅宗始修古禮巡狩方岳駰上四巡頌以稱漢德帝雅
好文章自見駰頌後帝嗟歎之謂侍中竇憲曰卿甯知崔
駰乎對曰班固數為臣說之然未見也帝曰公愛班固而
忽崔駰此葉公之好龍也試請見之駰由此候憲憲屢履
迎門笑謂駰曰亭伯吾受詔交公公何得薄哉遂揖人為
上客會帝崩竇太后臨朝憲以重戚出內詔命駰獻書誠
之及憲為車騎將軍辟駰為冢憲府貴重掾屬三十人皆
故刺史二千石惟駰以處士年少擢在其閒憲擅權驕恣
駰數諫之及出擊匈奴道路愈多不法
駰為主簿前後奏記數十指切長短
倬龍章之秀質勝

孔雀於鵬年叶鳳彩之英姿辨蟾精於弱歲靈臺宏遠馳

宵練於霜鐔冊府幽深絢虹於壁渚心波湛漢泳曜魄

於黃陂情岳干天韜風雲於嵒嶽傳康身長七尺八寸美

詞氣有風儀而土木形骸不自藻飾人以爲龍章鳳姿天

質自然梁元帝金樓子捷對篇楊子州年十歲甚聰慧孔

永詣其父父不在乃呼兒出爲設果有楊梅永指示兒曰

此真君家果兒答曰未聞孔雀是夫子家禽案世說言語

篇作梁國楊氏子九歲甚聰慧孔永作孔君平劉峻注王

隱晉書曰孔坦字君平詩衛風童子佩觿毛氏傳觿所以

解結成人之佩也疏內則云子事父母左佩小觿右佩大

觿下別云男女未冠笄者故知成人之佩內則注云觿貌

如錐以象骨爲之是可以解結也後漢書黃琬傳琬早而

辯慧祖父瓊初爲魏郡太守建和元年正月日食京師不

見而瓊曰狀聞太后詔問所食多少瓊思其對而未知所

況琬年七歲在旁曰何不言日食之餘如月之初瓊大驚

卽以其言應詔初學記天部河圖帝覽嬉日月者金之精

又張衡靈憲曰月者陰精而成獸象兔蛤焉春秋元命苞

日月之爲言闕也。設以蟾蜍與兔者，陰陽雙居，明陽之制陰，陰之倚陽，靈臺見贈高四詩。列子湯問篇：魏黑卵以曜嫌殺邱邴章，邱邴章之子來丹謀報父之讐，來丹之友申他曰：吾聞衛孔周其祖得殷帝之寶劍，奚不請焉？來丹遂適衛，見孔周執僕御之禮，請先納妻子，後言所欲。孔周曰：吾有三劍，一曰含光，視之不可見，運之不知有，其所觸也泯然無際，經物而物不覺，二曰承影，將且昧爽之交，日夕昏明之際，北面而察之，淡淡焉若有物存，莫識其狀，其所觸也竊竊然有聲，經物而物不疾也。三曰宵練，方晝則見影而不見光，方夜見光而不見形，其觸物也騞然而過，隨過隨合，覺疾而不血刃焉。此三寶者，傳之十三世矣，而無施於事，匣而藏之，未嘗啓封。來丹曰：雖然，吾必請其下者。孔周乃歸其妻子與齋七日，晏陰之間，跪而授其下劍。來丹再拜受之，以歸。穆天子傳：天子北征東還，乃循黑水，至於羣玉之山，先王之所謂策府。郭璞注：言往古帝王以爲藏書冊之府，所謂藏之名山者也。禮聘義氣如白虹，天也，精神見於山川，地也，孔穎達疏：白虹謂天之白氣，言玉之白氣似天白氣，曜魄言日月也。後漢書：黃憲傳：黃憲字叔度，汝南慎陽人也。郭林宗少遊汝南，先過袁閎，不宿而退，進往從憲。累日方還，或以問林宗，林宗曰：奉高之器譬

諸汎濫雖清而易挹叔度汪汪若干頃之陂澄之不清淆
之不濁不可量也王少頭陀寺碑文愛流成海情塵爲岳
嵒嵒用嵒康事詳見龍潭共濟競欣登御之車蕪室欽賢
嵒昔篇玉山句注

必攬澄清之轡鬱文條而耀采藻逸潘花暄詞鋒而衍奇

光浮衛玉

攬一作擁耀一作耀鋒一作峯奇一作價。龍
津句用李膺龍門事登御用荀爽御李膺事詳

見王司馬樓宴及遊開道林故山詩後漢書黨錮傳范滂
字孟博時冀州飢荒盜賊羣起迺滂爲清詔使案察之
滂登車攬轡慨然有澄清天下之志陸機文賦理扶質以
立幹文垂條以結繁白居易六帖縣令部潘岳爲河陽令
樹桃李花人號曰河陽一縣花荀崧請置博士疏此乃義
則戰爭之場辭亦劍戟之鋒顏氏家訓勉學篇直取其清
談雅論辭鋒理窟剖予析微妙然則崑溪既琢必見山川
得入神衛玉見豔情詩玉人注

之精樹羽已懸行嗣雲韶之響

山海經西山經西南四百
里曰崑侖之邱又西三百

七十里曰樂遊之山桃水出焉西流注於稷澤是多白玉
西水行四百里曰流沙又西三百五十里曰玉山是西王

母所居也山川見上文詩周頌設業設虞崇牙樹羽毛氏
傳樹羽置羽也孔穎達疏樹羽置羽者置之於栴虞之上
角漢禮器制度云爲龍頭及領曰銜璧璧下有旄毛尾明
堂位於崇牙之下又云周之璧矚注云周人畫繪爲矚載
以璧垂五采羽其樹矚於簋之角上飾鞞多是也陸雲與
鄭曼季贈答谷風鸞棲高岡耳想雲韶潘尼釋奠頌如彼
儀鳳樂我雲韶晉書熊遠傳懼遠雲韶雅頌之美是以佐
陶宏景真誥運象篇八風激雲韶謂雲門與韶也是以佐
龜陰而演化務肅百城輔麟壤以宣風恩覃千里徽猷克
著逾盛德於休徵聲績聿宣軼英規於恭祖佩呂刀而邵
美已贊褰帷之遊屈龐驥而未伸將騁仁風之駕元和郡縣志河
南道兗州泗水縣龜山在縣東北七十五里詩曰奄有龜
蒙定公十一年左傳齊人來歸龜陰之田是也又鄆州鉅
野縣大野澤在縣東五里卽魯西狩獲麟處武德四年於
此置麟州以是獲麟之地故以爲名五年廢麟州以縣屬
鄆州晉書王祥傳王祥字休徵琅邪臨沂人性至孝徐州
刺史呂虔傲爲別駕州界清靜政化大行時人歌之曰海

沂之康實賴王祥邦國不空別駕之功舉秀才除溫令累遷大司農高貴鄉公卽位與定策功封關內侯從討母邱儉封萬歲亭侯拜司空轉太尉加侍中五等建封睢陵侯武帝踐阼拜太保進爵爲公後漢書陶謙傳陶謙字恭祖丹陽人也少爲諸生仕州郡會徐州黃巾起以謙爲徐州刺史擊黃巾大破走之境內晏然時董卓雖誅而李傕郭汜作亂關中是時四方斷絕謙每遣使閒行奉貢西京詔遷爲徐州牧加安東將軍封漂陽侯晉書王覽傳覽字孚通孝友恭恪名亞於祥初呂虔有佩刀工相之以爲必登三公可服此刀虔謂祥曰苟非其人刀或爲害卿有公輔之量故以相與祥固辭強之乃受祥臨薨以刀授覽曰汝後必興足稱此刀覽後奕世多賢才興於江左矣襄帷見上篇麗驥見王司馬樓宴詩晉書袁宏傳謝安爲揚州刺史宏自吏部郎出爲東陽郡乃祖道於冶亭安欲以卒追試之臨別顧就左右取一扇而授之曰聊以贈行宏應聲答曰輒當奉揚仁風慰彼黎庶時人嘆其率而能要焉

加以側階引彥鑒醜子之微言倒屣延賓辨王生之雅量故使圓流之下探照乘於長波高岫之巔剖連城於幽石

驪子見上帝京啓創屣見上太常伯啓史記田敬仲完世家威王二十四年與魏王會田於郊梁王曰若寡人國雖小也尚有徑寸之珠照車前後各十二乘者十枚賓王瓶連城已見上篇謝靈運過始甯聖詩白雲抱幽石

胥小器鷦蚊末才斜帶嶧桐戢晞陽之厚德傍隣汶篠慕

貫時之貞勁直以容膝一邱曲阜之瓢遽切枕肱五畝成

都之壁已窮儋石厭於糟糠負薪疲於短褐斜一作環○陳書到仲舉

韓子高華皎傳論史臣曰韓子高華皎雖復煥符小器與臺末品文帝寄以腹心不論胄閥莊子內篇逍遙遊鷦鷯

巢於深林不過一枝陸德明釋文鷦子遙反李云鷦鷯小鳥也郭璞云鷦鷯桃蟲列子湯問篇江浦之閒生麼蟲其

名曰焦螟羣飛而集於蚊睫弗相觸也栖宿去來蚊弗覺也嶧桐本禹貢見上太常伯啓詩小雅湛湛露斯匪陽不

晞毛氏傳陽日也晞乾也又齊風東方未晞傳晞明之始升孔穎達疏晞是日之光氣湛露云匪陽不晞謂見日之

光而物乾故以晞爲乾萊菔云白露未晞言露在朝且未見日氣故亦爲晞義此言東方未明無取於乾故言明之

始升謂將旦之時日之光氣始升與上未明爲一事也潘
岳笙賦鄒魯之珍有汶陽之孤篠焉禮禮器其在人也如
竹箭之有筠也如松柏之有心也二者居天下之大端矣
故貫四時而不改柯易葉劉向列女傳賢明楚王聞於陵
子終賢欲以爲相妻曰夫結駟連騎所安不過容膝食方
丈於前甘不過一肉漢書敘傳栖遲於一邱元和郡縣志
河南道兗州曲阜縣曲阜在縣理魯城中委曲長七八里
此用論語顏子一瓢事枕肱本論語五畝用孟子五畝之
宅意史記司馬相如列傳司馬相如者蜀郡成都人也相
如之臨邛文君夜亡奔相如相如乃與馳歸家居徙四壁
立史記淮陰侯列傳守儋石之祿者闕卿相之位裴駢集
解晉灼曰楊雄方言海岱之閒名譽爲儋石石斗也蘇林
曰齊人名小器爲儋石如今受鯀魚石罌不過一二石耳
一說一儋與一斛之餘司馬貞索隱儋音都濫反石斗也
蘇林解爲得之貨殖列傳醬千觔集解徐廣曰大罌缶索
隱音都甘反漢書作儋孟康曰儋石罌受一石故云
儋石一音都濫反漢書刺通傳注應邵曰齊人名小罌爲
儋受二斛師古曰或曰儋者一人之所負擔也後漢書明
帝紀生者無擔石之儲章懷太子注前書音義曰擔音丁
濫反言一石之儲方言作顛云罌也齊東北海岱之閒謂

之飯郭璞注曰所謂家無飯石之儲者也埤蒼曰大饗也
享或作僖音丁甘反史記秦本紀夫寒者利裋褐而飢者
甘糟糠天下之嗇嗇新主之資也集解徐廣曰一作短小
襦也音豎索隱趙岐曰裋以毛毳織之若馬衣或以褐編
衣也裋一音豎蓋謂裋布豎裁爲勞役然少奉過庭之
之衣短而且狹故謂之短褐亦曰豎褐

訓長昧克己之方弋志書林咀風騷於七略耘情藝圃偃

圖籍於九流灑惠渥於羊陂屢泛文通之麥峻曲岸於鸞

谷時遺公叔之冠雖不能縱逸韻於霜臯喚野致九天之

響而頗亦蓄餘芬於露薄垂薰有十步之芳

而一作則昧一作越○韋

誕敘志賦奉過庭之明訓納微躬於軌則克己本論語揚
雄長楊賦并包書林聖風雲靡漢書藝文志漢興大收篇
籍廣開獻書之路迄孝武世皆充祔府至成帝時以書頗
散亡使謁者陳農求遺書於天下詔光祿大夫劉向校經
傳諸子詩賦步兵校尉任宏校兵書太史令尹咸校數術
侍醫李柱國校方技每一書已向朝條其篇目撮其指意

錄而奏之會向卒哀帝復使向子侍中奉車都尉歆卒父
業歆於是總羣書而奏其七畧故有輯畧有六藝畧有諸
子畧有詩賦畧有兵書畧有術數畧有方技畧司馬相如
上林賦遊於六藝之圃又翔翔乎書圖江總特進光祿大
夫徐孝穆墓銘耕耤書圃庾信太子少保豆盧公神道碑
畧心職事愛玩圖籍九流見贈高四詩水經注睢水篇睢
水又東水積成湖俗謂之白羊陂後漢書逸民傳高鳳字
文通南陽葉人也少爲書生妻嘗之田曝麥於庭令鳳護
鷄時天暴雨而鳳持竿誦經不覺潦水流麥妻還怪問鳳
方悟之其後遂爲名儒鷄谷見思乎上人林泉詩後漢書
朱暉傳子穆字公叔銳意講誦或時思至不自知亡失衣
冠頽隊坑岸其父常目爲專思幾不知數馬足穆愈更精
篤何承天朱鷺篇逸韻騰天路頽響結城阿楊素贈薛播
州詩雁飛窮海寒鶴唳霜臯淨詩小雅鶴鳴于九臯聲聞
于天又聲聞于野廣雅釋天東方曰昀天東南方曰陽天
南方曰炎天西南方曰朱天西方曰成天西北方曰幽天
北方曰予天東北方曰蠶天中央曰鈞天九天薄見贈高四詩十步見秋菊詩而乃惡迹魯鴻非

荆山之抵鵲遣名韓犬歎稽阜之橫梁

橫一作陸。新序
雜事第五田饒事

魯哀公而不見察田饒謂魯哀公曰臣將去君而鴻鵠舉矣哀公曰何謂也田饒曰君獨不見夫雞乎頭戴冠者文也足傅距者武也敵在前敢鬪者勇也見食相呼仁也守夜不失時信也雞雖有此五者君猶日淪而食之何則以其所從來近也夫鴻鵠一舉千里止君園池食君魚鼈啄君菽粟無此五者君猶貴之以其所從來遠也臣請鴻鵠舉矣桓寬監鐵論崇禮篇南越以孔雀珥門戶崑山之旁以玉抵烏鵲荆山亦產玉之地故云張衡西京賦屬車之選薛綜注造副也造名言能副其名也齊策齊欲伐魏淳于髡謂齊王曰韓子盧者天下之疾犬也東郭逡者海內之狡兔也韓子盧逐東郭逡環山者三騰山者五兔極於前犬廢於後犬兔俱罷各死其處田父見之無勞倦之苦而擅其功張華博物志物名考韓國有黑犬名盧稽阜見贈高四詩莊子內篇大宗師第六夫無莊之失其美據梁之失其力黃帝之亡其知皆在鑪捶之間耳陸德明釋文無莊無莊飾也據梁強梁也橫梁猶據梁意言橫行而陸梁方今玉璫纏秋金風動籟吳宮歸乞望陰岫以依遲素林返鴻候陽潮而低舉簾金味道之子侯纁帛以彈冠屑

玉合毫之人望弓旌而翹足竊不揆於庸識輒輕擬於揚

庭

侯一作候。晉書律歷志黃帝作律以玉爲管長尺六孔爲十二月音至舜時西王母獻昭華之琯以玉爲之

及漢章帝時零陵文學奚景於冷道舜祠下得白玉琯又武帝太康元年汲郡盜發六國時魏襄王冢亦得玉律則古者又以玉爲管矣以玉者取其體合廉潤也張協雜詩金風扇素節丹霞啓陰期李善注西方爲秋而主金故秋曰金風也說文十二篇上燕燕乞鳥也齊魯謂之乞取其鳴自譟象形也徐鍇曰此與甲乙之乙相類其形舉首下曲與甲乙字少異鳥轄切禮月令仲秋之月鴻雁來元鳥歸鄭康成注元鳥燕也歸謂去蟄也凡物隨陰陽者不以中國爲居莊子外篇天道第十三靜而陰同德動而與陽同波巖金見贈高四詩嵇康原憲讚原憲味道才寡義豐呂氏春秋十二紀制樂篇幣帛以禮豪士高誘注帛乎纁也爾雅釋器三染謂之纁郭璞注纁絳也彈冠見簡梁大官詩晉書胡毋輔之傳胡毋輔之字彥國與王澄王敦庾敬俱爲太尉王衍所昵號曰四友澄嘗與人書曰彥國吐佳言如鋸木屑霏霏不絕誠爲後進領袖也陽固演蹟賦方吞霞而絕粒兮亦屑玉而鍊丹束皙子居釋含毫散藻

考撰同異陸機文賦或合毫而邈然李善注毫謂筆毫也
王逸楚辭注曰銳毛謂毫也春秋莊公二十二年左傳詩
云翹翹車乘招我以弓杜預注逸詩也詩廊所冀曲逮恩
風子子干旌史記商君列傳亡可翹足而待
波時畱咳唾倘能分其斗水濟濡沫之枯鱗惠以餘光照
孀樓之寒女得使伏櫪驚寒希騏驎而蹀足竄棘翩翹排
鴛鸞而刷羽畱一作流。邱遲侍宴樂遊苑送張徐州應
詔詩參差別念舉肅穆恩波被後漢書張奐
傳若蒙矜憐壹惠咳唾則澤流黃泉施及冥冥斗水見古
意詩濡沫見久成邊城詩餘光見螢火賦張湛列子湯問
篇注孀寡也魏武帝聖雖壽樂府騏驎老伏櫪志在千里烈
士暮年壯心不已隋書史祥傳驚蹇無致遠之用朽薄非
折衝之才莊子外篇秋水騏驎騏驎一日而馳千里陸德
明釋文皆駿馬也顏延年赭白馬賦眷西極而驤首望朔
雲而蹀足李善注曹顏遠國棋賦曰良馬蹀足輕車結輪
詩秦風交交黃鳥止于棘廣雅釋言翩翩翹翹飛也張華
鷁鷁賦有翩翹之陋體無乎黃以自貴張衡西京賦蘭林
披香鳳凰鷁鷁慮思道孤鴻賦鷁鷁以降罕見其儔刷羽

見秋雁詩

則捐軀匪恡碎首無辭雖復投報楊金君子以之貽

戒效誠魏草小人之所懷恩輕瀆威嚴懼深履尾載塵聽

覽迫甚蹈冰謹啓

後漢書何敞傳臣子所爲捐軀而必死燕丹子麴武報書曰今太子欲滅悃悃

之恥除久久之恨此實臣所麋軀碎首而不顧者也後漢書楊震傳震遷荊州刺史東萊太守當之郡道經昌邑故所舉荊州茂才王密爲昌邑令謁見至夜懷金十斤目遺震震曰故人知君君不知故人何也密曰暮夜無知者震曰天知神知我知子知何謂無知密愧而出左傳宣公十五年魏武子有嬖妾無子命顓曰必嫁是疾病則曰必以爲殉及卒顓嫁之曰疾病則亂吾從其治也及輔氏之役顓見老人結草以亢杜回杜回踵而顓故獲之夜夢之曰余而所嫁婦人之父也爾用先人之治命余是以報

上兗州張司馬啓

武德五年改魯郡置兗州通典職官門大都督府司馬有左右二人

某啓竊聞網澗緝裳係指雲於偃蓋排虛止棘附絕電於

織離然則左右爲容鏘金有階於蟠木無因而至按劍致

懼於連城是以賃牘干榮發仞資於禽息求光抱燧束髮

濟於于髡

髮一作緇。傳焉寄生也。女蘿菟絲松蘿也。喻諸公非自有。

尊託王之尊孔穎達正義陸璣疏云松蘿自蔓松上生枝正青與菟絲殊異楚辭九歌山鬼若有人兮山之阿被薜荔兮帶女蘿就聲故言緝裳倬見送閭五詩偃蓋松也見石門詩史記伯夷列傳顏淵雖篤學附驥尾而行益顯司馬貞索隱蒼蠅附驥尾而致千里以喻顏回因孔子而名彰後漢書隗囂傳帝報以手書曰蒼蠅之飛不過數步卽託驥尾得以絕羣章懷太子注張敞書曰蒼蠅之飛不過十步自託驥之尾乃騰千里之路然無損於驥驥得使蒼蠅絕羣也詩小雅營營青蠅止于棘荀子性惡篇驕驕驪驥織離綠耳此皆古之良馬也言蘿託松乃尊蠅附驥斯遠以喻士籍有位者而顯也蟠木見浮查詩按劍見螢火賦莊子雜篇列禦寇第三十二小夫之知不離苞苴竿牘陸德明音義司馬云謂竹簡爲書以相問遺修意氣也王充論衡儒增篇儒書言禽息薦百里奚繆公未聽禽息

出當門仆頭碎首而死繆公痛之乃用百里奚楚辭離騷
經朝發軔於蒼梧兮夕余至乎縣圃軔與仞同齊策淳于
髡一日而見七人於宣王王曰今子一朝而見七士則士
不亦衆乎淳于髡曰不然夫物各有疇今髡賢者之疇也
王求士於髡譬若挹水於河而取火於燧也髡將復
見之豈特七士也漢書敘傳兒生蠶蠶束髮修學
伏惟

某官瓊峰聳峭儼曦觀而爭峙瑤派驚瀾泝天潢而比濬

漢臺引路夕翊浮雲之陰晉閣垂璫朝暉文星之苑劒池

濯彩耀震德於渥津弱水摘祥炫離精於丹穴

曦觀猶言日觀也見

贈高四詩張衡思乎賦乘天潢之汎汎兮浮雲漢之湯湯
注善曰商爲五潢宋均曰五潢天津之別名也初學記職
官部謝靈運晉書曰漢官尙書爲中臺御史爲憲臺謁者
爲外臺漢書張馮汲鄭傳張釋之字季南陽堵陽人也以
貴爲騎郎事文帝補謁者因前言便宜事拜釋之爲謁者
僕射其後拜釋之爲廷尉南齊書孔稚圭傳稚圭上表曰
尋古之名流多有法學故釋之定國聲光漢臺元常文惠
績映魏闕晉書張華傳張華字茂先范陽方城人也晉受

禪拜黃門侍郎數歲拜中書令後加散騎常侍名重一世
衆所推服晉史及儀禮憲章並屬於華多所損益爲司空
領著作進封壯武郡公又職官志散騎常侍貂璫插右鮑
照白紵歌垂璫散佩盈玉除漢書武帝紀元鼎四年秋馬
生渥洼水中作寶鼎天馬之辯懸瞳於朗鏡肇自鵬年對
歌丹穴見祝阿王明府詩序
似魄於虧陽光乎弱歲言河激箭浴紫貝以飛湍情岳驚
峰蔽丹霄而傑峻文條擢秀馥長坂之幽蘭筆苑揚葩煜
小山之丹桂松飈結韻搢紳籍以雌黃崑電流光通賢資
其月旦
顏延之赭白馬賦雙瞳夾鏡兩權協月此用顏子
吳門白馬事詳久客臨海詩似魄用黃琬事見上
崔長史啓世說賞譽篇郭子平詞致清雅奕奕有餘吐章
陳文如懸河瀉水注而不竭激箭見疇昔篇紫貝見郭少
府詩情岳見上崔長史啓湛方生廬山神仙詩飲露丹霄
陸機文賦理扶質以立幹文垂條以結繁筆苑見上刺史
啓世說賞譽第八世目李元禮謾謾如勁松下風晉書主
衍傳衍既有盛才美貌明悟若神義理有所不安隨卽發

更世號口中雌黃朝野翕然謂之一世龍門矣晉書王戎傳幼而穎悟神彩秀徹視日不眩裴楷見而目之曰戎眼爛爛如巖下電後漢書許邵傳初邵與靖俱有高名好共覈論鄉黨人物每月輟更其品題故汝南俗有月旦評焉於是佐褰帷於魯甸威讐列藩匡露冕於梁陰恩覃絕境緝諧麟甸下白鶴於仙庭輔弼臆郊重黃金於帝里

見上

刺史啓華陽國志士女志郭賀字喬卿爲荊州刺史有殊政明帝到南陽巡狩賜三公服勅行部去襜露冕使百姓見之以彰有德梁陰見表麟甸猶言麟野見表太平寰宇記河南道兗州鄒縣臯山在縣東南三十里詩曰保有臯繹鮑昭放歌行豈伊白璧賜將起黃金臺李善注王隱晉書曰段匹碑討石勒進屯故安縣故燕太子丹金臺上谷圖經曰黃金臺易水東南十八里燕昭王置千金於臺上以延天下之士二說既異故具引之加以獎拔幽滯汲引英髦錫以吹噓暖燕郊之陰谷延之顧盼焰漢

國之寒灰

北史蕭瑒傳多所獎拔咸盡其器能南史宋武帝紀官方任能網羅幽滯九臯辭野髦士盈朝

後漢書鄭太傅孔公緒清談高論噓枯吹生章懷太子注
枯者噓之使生生者吹之使枯言談論有所加揚也方言
吹扇助也郭璞注吹噓扇拂相佐助也顏氏家訓名實篇
有一士族讀書不過二三百卷天才鈍拙而家世殷厚雅
自矜持多以酒曠珍玩交諸名士甘其餌者遞共吹噓朝
廷以爲文華亦常出境聘案范書本兼抑揚二意後乃專
言贊助也陰谷見上李少常伯啓顧盼見上刺史啓禮月
令仲春之月省囹圄鄭氏注囹圄所以禁守繫者若今別
獄矣孔穎達疏蔡云囹圄牢也囹止也所以止出入皆罪入
所舍也崇精問曰獄周曰圜土殷曰羑里夏曰均臺囹圄
何代之獄焦氏答曰月令秦書則秦獄名曰羑里
漢曰若盧魏曰司空是也寒灰見螢火賦

某篠派庸微

桐巖賤伍託根鄒邑時聞闕里之音接聞雩津屢聽杏壇
之說加以承斷織之慈訓得銳志於書林奉過庭之嚴規

遂容情於義園

篠派謂汶陽之篠見上崔長史啓桐巖謂

嶧陽之桐見上太常伯啓通典州郡門兗
州泗水漢下縣地亦泗水國也又有漢汶陽故城元和郡
縣志河南道兗州鄒縣故邾國魯穆公改邾爲鄒因鄒山

以爲名嶧山一名鄒山在縣南二十二里禹貢曰嶧陽孤
桐是也闕里在縣西南三里魯城中北去洙水百餘步沂
水亦名雩水源出縣東南八里水經注泗水篇泗水逕魯
縣分爲二流夫子教於洙泗之間今於城北二水之中卽
夫子領徒之所也從征記曰洙泗二水交於魯城東北十
七里闕里背洙面泗南北百二十步東西六十步四門各
有石閘北門去洙水百步餘沂水出魯城東南尼邱山西
北山卽顏母所祈而生孔子者也山南數里孔子父葬處
沂水北對稷門亦曰雩門門南隔水有雩壇壇高三丈曾
點所欲風舞處也鄒水又逕魯國鄒山東南故知婁之國
曹姓也叔梁紇之邑也孔子生於此後乃縣之因鄒山之
名以氏縣也陶潛榮木詩采采榮木於茲託根莊子雜篇
漁父孔子遊乎緇帷之林休坐乎杏壇之上陸德明釋文
司馬云澤中高處也李云壇名劉向列女傳母儀孟子之
少也旣學而歸孟母方織問曰學所至矣孟子曰自若也
孟母以刀斷其織孟子懼而問其故孟母曰子之廢學若
吾斷斯織也夫君子學以立名問則廣知是以居則安甯
動則遠害今而廢之是不免於所役而無以離於禍患也
何以異於織績而食中道廢而不爲甯能衣其夫子而長
不乏糧食哉女則廢其所食男則墮於修德不爲竊盜則

為虜役矣孟子懼旦夕勤學不息師事子思遂成天下之名儒書林見上崔長史啓過庭見論語庾信徵調曲黎人耕植於方欲閉門卻掃養拙以終年幽遁鑿坏甘貧而卒義圃

歲直以栖遲五畝獲鷓鴣之數粒蕭條三徑置侏儒之斗儲雖則放曠林泉頗得閒居之趣而乃寂寞蓬戶惟深色

養之憂是以望檄動容慨南陽而閔寂祈名夙駕嘆郢路

而依遲

志一作思。江淹恨賦至乃敬通見抵罷歸田里閉關卻掃塞門不仕李善注司馬彪續漢書曰趙

宣閉門卻掃非德不交鑿坏見思予上人林泉詩張華鷓

鴣賦巢林不過一枝每食不過數粒李善注毛詩曰允彼

桃蟲詩義疏曰桃蟲今鷓鴣微小黃雀也又方言曰系飛

郭璞注曰即鷓鴣也自關而東謂之工雀又云女工一云

巧婦又云女匠陶潛歸去來辭三徑就荒松菊猶存李善

注蔣誦字元卿舍中三徑惟羊仲求仲從之遊皆挫廉逃

名不出侏儒見江南贈宋之問詩放曠見贈高四詩韓嬰

計外傳原憲居魯環堵之室茨以蒿萊蓬戶甕牖桷桑而

無樞上漏下溼匡坐而絃歌色養見靈泉頌望檄見贈高
四詩序南齊書豫章文獻王傳南陽樂藹與右率沈約書
曰若夫日用閑寂雖無取於錙銖歲功宏遠諒有寄於衡
石玉篇中閱苦壁古覓二切靜無人也郢路見在江南贈
宋之問詩方今涼秋屈節嚴飈扇序衡陽極浦振朝音於負霜

寒臯迴甸驚宵吟於靜野弓旌之禮斯及辟聘之際是期

張衡西京賦南翔衡陽北棲雁門楚辭九歌湘君望岑陽
兮極浦沈約八詠聞夜鶴篇九冬負霜雪六廟非所任詩
小雅鶴鳴于九臯聲聞于野弓旌見上崔長史啓不揆庸愚輕斯自銜所冀分其

末照惠以餘波得預觀光全由咳唾倘雲鑣釋綬申其漱

玉之音霜匣開輝照以盤蛟之影則陰山之雀敢懷殄藥

之心漢東之蛇期致投珠之報不勝窘迫之至謹啓

左傳
僖公

二十三年晉公子及楚楚子饗之曰公子若反晉國其何
以報不穀對曰其波及晉國者君之餘也易觀卦六四觀

國之光利用賓於王象曰觀國之光尚賓也李鼎祚集解
虞翻曰坤爲國臨陽至二天下文明反上成觀進顯天位
故觀國之光王謂五陽陽尊賓坤坤爲用爲臣四在王庭
賓事於五故利用賓於王矣崔憬曰得位比尊承於王者
職在搜揚國俊賓薦王庭故以進賢爲尚賓也莊子雜篇
漁父第三十一客曰子將何求孔子曰曩者先生有緒言
而去邱不肖未知所謂竊待於下風幸聞咳唾之音以卒
相邱也雲鑣二句用伯樂遭驥驥仰鳴聲達於天若出金
石聲意詳上太常伯啓孫伯陽句注上崔長史啓曰激溜
侵星佩潛蛟於壯武霜匣二句亦用劍化爲龍意搜神記
漢時宏農楊寶年九歲至華陰山北見黃雀爲鳴梟所搏
墜於樹下爲螻蟻困寶見愍之取歸置巾箱中食以黃花
百餘日毛羽成朝去暮還一夕三更黃衣童子向寶再
拜曰我西王母使者使蓬萊不慎爲鴟梟所搏君仁愛見
拯實感盛德乃以白環四枚與寶曰令君子孫潔白位登
三事當如此環左傳桓公六年鬬伯比言於楚子曰漢東
之國隨爲大此用隨珠
事詳上司列太常伯啓

上齊州張司馬啓

舊唐地理志河南道齊州上武德
二年置總管府貞觀元年廢都督

府七年又置都督府通典州郡門古青州濟南郡齊州今理歷城縣領縣八

某啓昔者薛邑聞歌揖馮驩於彈鋏夷門命駕顧侯羸於

抱關

驪一作護。史記孟嘗君列傳正義薛故城在今徐州滕縣南四十四里也。集解驪駟案音歡復作煖音

許袁反事已詳古意篇信陵君列傳魏有隱士曰侯羸年七十家貧爲大梁夷門監者公子聞之往請欲厚遺之不

肯受公子於是乃置酒大會賓客坐定公子從車騎虛右

自迎夷門侯生侯生攝弊衣冠直上載公子座不讓欲以

觀公子公子執轡愈恭侯生又謂公子曰臣有客在市屠

中願枉車騎過之公子引車入市侯生下見其客朱亥俾

倪故久立與其客語微察公子公子顏色愈和當是時魏

將相宗室賓客滿堂待公子舉酒市人皆觀公子執轡從

騎皆竊罵侯生侯生視公子色終不變乃謝客就車至家

公子引侯生坐上坐徧贊賓客賓客皆驚酒酣公子起爲

壽侯生前侯生因謂公子曰今日羸之爲公子亦足矣羸

乃夷門抱關者也而公子親枉車騎自迎羸爲衆人廣坐

之中不宜有所過今公子故過之然羸欲就公子之名故

久立公子車騎市中過客以觀公子公子愈恭市人皆以

羸爲小人而以公子爲長者能下
士也於是罷酒侯生遂爲上客
何則志合風雲戴笠均

乎乘馬情諧道術忘筌貴乎得魚是以挹蘭言於斷金交

蓬心於匪石庶清音默聽賞流水於牙絃妙思通神叶成

風於郢匠

文苑英華注挹集作揖。戴笠乘馬見竇六郎宅宴詩序忘筌得魚見贈高四詩蘭言見靈泉

頌達心見早發諸賢詩匪石見竇六郎宅宴詩序牙絃郢匠並見贈高四詩

伏惟司馬公疏源

白水浸地軸以輪波纂慶黃軒感星精而誕命綴珠華於

七曜聯玉葉於五雲

爾雅釋水河出崑崙虛色白所渠并千七百一川色黃地軸見贈高四詩

詩魏風傳小風水成文轉如輪也張衡東京賦登降封禪

則齊德乎黃軒梁元帝金樓子興王篇黃帝有熊氏號軒

轅亦曰帝鴻少典之子姬姓也又姓公孫少典娶有蟠女

附寶見大電光繞北斗樞星照郊野附寶感孕二十四月

生鄭樵通志氏族畧張氏譜家謂黃帝子少昊青陽氏第

五子揮爲工正觀弧星始制弓矢主祀弧星賜姓張氏徐

聖學記天部尙書中候曰天地開闢甲子冬至日月若懸壁五星若編珠纂要云日月謂之兩曜五星謂之五緯日月星謂之三辰亦曰三光日月五星謂之七曜玉葉見秋雲詩周禮春官保章氏以五雲之物辨吉凶注鄭司農云以二至二分觀雲色青爲蟲白爲喪赤爲兵荒黑爲水黃爲豐庾信周宗廟歌方定五雲官先齊八風令至夫神石摘祥靈鉤表貺千年馭鶴振仙氣於帝鄉七葉珥

貂襲榮光於戚里固以紛綸國牒昭晰家聲

文苑英華注鉤集作鈞非

○干寶搜神記常山張顗爲梁州牧天新雨後有鳥如山鵲飛翔入市忽然墜地人爭取之化爲圓石顗椎破之得一金印文曰忠孝侯印顗以上聞藏之祕府後議郎汝南樊衡夷上言堯舜時舊有此官今天降印宜可復置顗後官至太尉靈鉤用京兆張氏探鉤詳寒夜獨坐詩葛洪神仙傳張道陵者沛國人也本太學書生得黃帝九鼎丹法乃與弟子入蜀住鶴鳴山著作道書二十四篇太平寰宇記劍南道資州盤石縣鶴鳴山在縣南五百步古老傳云張道陵乘白鶴飛鳴此山蜀州晉原縣鶴鳴山在縣西北七十九里李膺益州記云張陵登仙之所傳云常有麒麟

白鶴遊翔其上左思詠史詩金張籍舊業七葉弭漢貂李
善注班固漢書金日磾贊曰夷狄亡國羈虜漢庭七葉內
侍何其盛也七葉自武至平也又張湯傳贊曰張氏之子
孫相繼自宣元以來爲侍中常侍者凡十餘人功臣之後
惟有金氏張氏親近貴寵比於外戚珥插也董巴輿服志
曰侍中中常侍武弁貂尾爲飾紛綸見江南贈宋之問篇
說文七篇上
昭晰明也
洎乎鹿走周原輔秦圖而興霸蛇分沛澤翼

唐運以基皇常山王之玉潤金聲博望侯之蘭薰桂馥羽

儀百代掩梁寶以霞褰鐘鼎一時罩袁楊而岳立

基皇一作開基

或作開皇○後漢書班彪傳昔秦失其鹿劉季逐而羈之
章懷太子注太公六韜曰取天下如逐鹿鹿得天下共分
其肉也史記張儀列傳張儀者魏人也相秦號曰武信君
地分沛澤見過故宋詩史記留侯世家留侯張良者其先
韓人也數以太公兵法說沛公沛公善之常用其策漢六
年正月封功臣良未嘗有戰鬪功高帝曰運籌策帷帳中
決勝千里外子房功乃封張良爲留侯漢書高帝紀贊漢
帝本系出自唐帝降及於周在秦作劉涉魏而東遂爲豐

公豐公蓋太上皇父史記張耳陳餘列傳張耳者大梁人也張耳從項羽諸侯入關漢元年二月項羽立諸侯王張耳雅游人多爲之言項羽亦素數聞張耳賢乃分趙立張耳爲常山王治信都信都更名襄國陳餘襲常山王張耳張耳敗走謁漢王漢三年韓信已定魏地遣張耳與韓信擊破趙井陘斬陳餘泚水上追殺趙王歇襄國漢立張耳爲趙王張衡西京賦嗜欲之源滅廉恥之心生莫不優游而自得玉潤而金聲漢書張騫傳張騫漢中人也以校尉從大將軍擊匈奴知水草處軍得以不乏迺封騫爲博望侯是歲元朔六年也注師古曰取其能廣博瞻望史記大宛傳索隱案張騫封號耳非地名尋武帝置博望苑亦取斯義也正義地理志南陽博望縣劉峻廣絕交論曾史蘭薰雪白曹植朔風詩秋蘭可喻桂樹冬榮李善注蘭以秋發可以喻言桂以冬榮可以喻性羽儀見閨情詩啓初學記人部許史梁竇謝承後漢書曰梁不疑子爲潁陰侯允子爲城父侯冀一門三皇后六貴人二大將軍夫人女侯邑稱君七人尙公主三人其餘卿將尹校五十七人百僚側目莫敢違命東觀漢記曰竇融嗣子穆尙內黃公主而融弟顯親侯竇友嗣子固尙沮陽公主穆長子勲尙東海恭王女竇氏一公兩侯三公主四二千石自祖至孫官府

殿第相望奴婢千數雖親戚功臣莫與為比隋書音樂志
皇帝升邱奏皇夏辭紫壇雲暖紺幄霞褰張衡西京賦擊
鐘鼎食連騎相過後漢書袁術傳術大會羣下因謂曰吾
家四世公輔百姓所歸章懷太子注袁安為司空子敞及
京京子湯湯子逢並為司空楊震傳自震至彪四世太尉
德業相繼與袁氏俱為東京名族云南齊書褚淵王儉傳
論自金張世族袁楊鼎貴委質服義皆由漢氏膏腴見重
事起於斯潘岳藉田賦青壇蔚其岳立今翠幕黹以雲布
故得重規遠鏡湛月路以流清茂祉遐舒架雲門而擢秀

飛英鳳穴藻五色以凝華顯曜驪泉涵九重而毓潤風情

疏朗霜明月湛之資氣骨端嚴雪白冰清之槩飛英一作英飛顯曜

一作穎曜驪一作龍○王符潛夫論思賢第八若重規襲

矩稽節合符成公綏天地賦太極既殊是生兩儀星辰煥

列日月重規爾雅釋詁祉福也周禮春官大司樂舞雲門

大卷鄭康成注黃帝曰雲門大卷黃帝能成名萬物以明

民共財言其德如雲之所出民得以有族類鳳穴見祝阿

王明府詩說文四篇天老曰鳳之像也麋前鹿後蛇頸魚

尾龍文龜背燕領雞喙五色備舉驪淵九重本莊子避高祖諱改泉已見贈高四篇常景古賢詩嚴公體沈靜立志明霜霄南史邱遲傳入歲能屬文父靈鞠謂氣骨似我葛龔薦郝敬文雪白冰折皦然曜世也孫綽原憲贊原憲乎默冰清若乃性符神授道擅生知挫三端於情峯朝九流玉粹

於學海博聞強記辯晉國之黃熊將聖多能識吳門之白

馬言泉漱迴驚瀑布以飛瀾文江澹清含濯錦而翻浪鬱

槐市以增茂穆蘭室以流芳

韓詩外傳是以君子避三端避文士之筆端避武士之鋒

端避辯士之舌端江總辭行李賦引強學之三端賞雕文於四始情峯猶上崔長史啓言情岳也九流見贈高四篇

學海見上兗州刺史啓禮曲禮上博聞強識而讓韓詩外傳聰明睿知者守之以愚博聞強記者守之以淺左傳昭

公元年晉侯問子產之言曰博物君子也七年鄭子產聘於晉晉侯有疾韓宣子逆客私焉曰寡君寢疾於今三月

矣今夢黃熊入於寢門其何厲鬼也對曰昔堯殛鯀於羽山其神化爲黃熊以入於羽淵實爲夏郊三代祀之晉爲

盟主其或者未之祀也乎韓子祀夏郊晉侯有閒賜子產
莒之二方鼎論語子貢曰固天縱之將聖又多能也何晏
集解孔安國曰言天固縱之大聖之德又使多能也皇侃
義疏將大也晉書儒林傳序夫子將聖多能固天攸縱劉
知幾史通外篇惑經以夫子固天攸縱將聖多能便謂所
著春秋善無不備吳門白馬見久客臨海詩王充論衡自
紀篇筆瀧瀧而雨集言滂沱而泉出陸機文賦思風發於
胸臆言泉流於唇齒孫綽天台山賦瀑布飛流以界道文
江見上刺史啓濯錦見豔情詩槐於是翔鱣應符觀光上
市見帝京篇蘭室見任處士書齋
國飛龍成卦利見大人搏羊角以垂天展驥足而騰景翼
貳藩邸巴敬祖之清廉光贊外臺陳君回之亮直推公平
而折獄磔鼠謝其嚴明擁端慤而行仁化蛇慚其智勇翼
一作化藩一作潛巴各本作挹或作紹今從蜀本行仁一作
字人○後漢書楊震傳楊震字伯起常客居於湖不答州
郡禮命數十年後有冠雀銜三鱣魚飛集講堂前都講取
魚進曰蛇鱣者卿大夫服之象也數三者法三台也先生

自此升矣章懷太子注冠音貫卽鸛雀也鱣音善韓子云
鱣似蛇臣賢按續漢及謝承書鱣字皆作鰓然則鱣鰓古
字通也鱣魚長者不過三尺黃地黑文故都講云蛇鰓卿
大夫之服象也郭璞云鰓魚長二三丈音知然反安有鸛
雀能勝二三丈乎此爲鱣明矣觀光見江南贈宋之問詩
易乾九五飛龍在天利見大人王弼注不行不躍而在乎
天非飛而何故曰飛龍也龍德在天則大人之路亨也羊
角見上太常伯啓驥足見王司馬樓宴詩新書百官志武
德元年雍州置牧一人以親王爲之然常以別駕領州事
又高宗卽位改別駕皆爲長史上元二年諸州復置別駕
以諸王子爲之永隆元年省永淳元年復置景雲二年始
參用庶姓案此時當是諸王子爲刺史或以別駕領州事
故曰翼戴藩邸也太平御覽職官部謝承後漢書曰巴祗
字敬祖爲揚州刺史在官不迎妻子俸祿不使有餘積毀
壞不復改易以水澡傳墨用之夜與士對坐暗中不然官
燭後漢書逸民法眞傳光贊本朝外臺見王司馬樓宴詩
陳君回未詳魏志陳矯傳陳矯字季弼廣陵東陽人也明
帝嘗卒至尙書門矯曰此自臣職分陛下宜還帝慙回車
而反其亮直如此按陳矯非字君回或以明帝回車稱之
未詳史記酷吏傳張湯者杜人也其父爲長安丞出湯爲

兒守舍還而鼠盜其肉其父怒笞湯湯掘窟得盜鼠及餘肉効鼠掠治傳爰書訊鞠論報并取鼠與肉具獄磔堂下其父見之如老獄吏大驚遂使書獄荀子臣道篇若夫忠信端慤而不害傷則無接而不然仁人之行也搜神記張寬為揚州刺史先是有老翁二人爭地山詣州訟疆界連年不決寬視事復來寬窺二翁形狀非人令卒持戟將入問汝何等精翁走寬呵格之加以清規曰舉湛虛照於化為二蛇見太平廣記蛇部

冰壺乍覽露凝朗機心於水鏡謙光自牧恭已愛人片善

必甄揖虞翻於東箭一言可紀許顧榮以南金

梁武帝謝徵補謝朓

等表文宗儒肆五居其長清規雅裁兼擅其美冰壺見別李嶠詩老子滌除乍覽能無疵乎王弼注乍物之極也言能滌除邪飾至於極覽水鏡見挽詩易謙卦象曰謙尊而光初六謙謙君子用涉大川吉象曰謙謙君子卑以自牧也孔穎達正義牧養也片但某疾抱支離材均擁腫進不善四句見上李少常伯啓能握蘭分竹綰銀黃於雲臺退不能絕粒茹芝鍊金丹於

地肺而出沒風塵之內漂淪名利之閒遊無毛薛之交仕

乏金張之援塊然獨處者一紀於茲矣

莊子內篇人間世支離疏者頤隱於

齊肩高於頂會撮指天五管在上兩髀爲脅挫鍼治癰足
以劍口鼓箠播精足以食十人上徵武士則支離攘臂於
其閒上有大役則支離以有常疾不受功上與病者粟則
受三鍾與十束薪夫支離其形者猶足以養其身終其天
年況支離其德者乎陸德明釋文支離疏司馬云形體支
離不全貌疏其名也擁腫見浮查詩初學記職官部應邵
漢官儀曰尚書郎含雞舌香伏奏事黃門郎對揖跪受故
稱尚書郎懷香握蘭趨走丹墀鮑照擬古詩畱我一白羽
將以分虎竹李善注漢舊儀曰郡國銅虎符三竹使符五
也滕王道庾信集序職實剖符寄深分竹漢書酷吏楊僕
傳上以書勅責之曰懷銀黃垂三組夸鄉里注師古曰銀
銀印也黃金印也劉峻廣絕交論早綰銀黃夙彰民譽范
蔚宗後漢書二十八將傳論永平中顯宗追感前世功臣
乃圖畫二十八將於南宮雲臺孫綽天台山賦序非夫遺
世翫道絕粒茹芝者烏能輕舉而宅之葛洪神仙傳李少
君者齊人也於安期先生得神丹爐火之方家貧不能辦

藥乃以方上帝云丹砂可成黃金金成服之昇僊魏收魏
書釋老志泰常八年有牧土上師李譜文來臨嵩岳云老
君之平孫文錄有五等凡六十餘卷號曰錄圖真經又地
上生民末劫垂及其中行教甚難但令男女立壇宇朝夕
禮拜若家有嚴君功及上世其中能修身鍊藥學長生之
術卽爲真君種民藥別授方銷練金丹雲英八石玉漿之
法皆有決要太平御覽地部三皇甫謐高士傳曰四皓共
人商洛隱地肺山以待天下定漢高祖徵之不至乃深自
匿終南山辛氏三秦記曰太一在驪山西去長安二百里
中有石室靈芝嘗有一道士不食五穀自言太一之精齋
絜乃得見之其狀似仙人山一名地肺可避洪水郭璞遊
仙詩高蹈風塵外長揖謝夷齊毛薛二句見上李少常啓
史記滑稽列傳岷然獨立塊然獨處書畢命傳十二年曰
紀孔穎達正義十二年者天之數歲星太歲皆十二年
而一周天故然

而日夜相代恐溝壑之非遙貧病交侵思
薜蘿之可託常願處幽控寂追夏黃於商山樂道棲真從

魯連於滄海

案此八句俱與上李少常伯啓同惟夏黃作
綺季漢書王貢兩龔鮑傳漢興有園公綺里

季夏黃公角里先生田汝成曰四皓名字當讀爲綺里季夏而後人誤讀爲夏黃公亦猶樂正裘牧仲之誤耳案史記畱侯世家四人前對各言名姓曰東園公角里先生綺里季夏黃公司馬貞索隱按陳畱志云園公姓唐字宣明居園中因以爲號夏黃公姓崔名廣字少通齊人隱居夏里修道故號曰夏黃公角里先生河內軹人太伯之後姓周名術字元道京師號曰霸上先生一日角里先生孔父祕記作祿里皆王邵據崔氏周氏世譜及陶潛四入目面爲此後漢書鄭康成傳孔融告高密縣又南山四皓有園公夏黃公潛光隱耀世加其高皆悉稱公可證唐以前俱作夏黃豈圖語默易爽心迹難逃從橋之恨逾深攀桂之公也

情徒結是用絕心乾沒耽閱邱墳謁子將於南荆訪康成

於北海西遊梁益仰司馬王楊之風東入臨淄慕淳于管

晏之智瞻言前古徒欲思齊俯惟當今空勞懷刺

從一作題結一

作切將俗訛作持刺俗訛作刺今正。尙書大傳周傳杵材伯禽與康叔見周公三見而三咎康叔有駭色謂伯禽

曰有商子者賢人也與子見之乃見商子而問焉商子曰
南山之陽有木焉名曰橋二三子往觀之見橋實高高然
而上反以告商子商子曰橋者父道也南山之陰有木焉
名曰杵二三子往觀焉見杵實晉晉然而循反以告商子
商子曰杵者子道也二三子明日見周公曰君子哉商
子也臨海幼喪父故曰恨深漢淮南王招隱士攀援桂枝
今聊淹留二句言不能顯親惟期招隱史記酤吏傳張湯
始爲小吏乾沒集解徐廣曰隨勢沈浮也駟案服虔曰射
成敗也如淳曰得利爲乾失利爲沒正義此二說非也按
乾沒謂無潤及之而取他人也又云陽浮慕爲乾心內不
合爲沒也魏志傅嘏傳豈敢傾根竭本寄命洪流以徼乾
沒乎裴松之注蓋謂有所徼射不計乾燥之與沈沒而爲
之也晉書潘岳傳其母數誚之曰爾當知足而乾沒不已
乎顧炎武日知錄曰乾沒大抵是徼幸取利之意邱墳謂
九邱三墳見上太常伯啓後漢書郭符許傳許邵字子將
汝南平輿人也少峻名節好人倫多所賞識若樊子昭和
陽士並顯名於世故天下言拔士者咸稱許郭又張曹鄭
傳鄭孚字康成北海高密人也自遊學十餘年乃歸鄉里
家貧客耕東萊學徒相隨已數百千人及黨事起遂隱修
經業杜門不出稱爲純儒齊魯開宗之水經注江水篇地

理風俗記曰華陽黑水惟梁州漢武帝元朔二年改梁曰益州以新啓犍爲犛柯越嶲州之疆壤益廣故稱益云華陽國志蜀志王昴踐乎梁益之鄉陳琳爲曹洪與魏文書開自入益部仰司馬王楊遺風有子勝斐然之志李善注司馬相如揚雄王褒也按各啓多作於麟德乾封閒惟茲啓有西遊梁益之句當在咸亨之後據與博昌父老書曰自解攜襟袖一十五年是去蜀後復適齊也詩齊風譜釋邱云水出其左營邱孫炎曰今齊之營邱淄水過其南及東是也以邱臨水謂之臨淄與營邱一地也淳于管晏謂淳于髡管仲晏子也後漢書文苑傳禰衡建安初來遊許下始達潁川乃陰懷一刺既不意雲浮礎潤霜落鐘鳴揖而無所之適至於刺字浸滅

郭泰於靈舟有道斯在賞駿明於徹俎盛德猶存雖雅調

清歌誠寡和於郢路而庸音濫吹竊混奏於齊竽輕課撮

囊揄揚盛德

靈一作仙雅調各本作調叶音各本作容非撮囊各本訛作課囊今正○礎潤見上太常

伯啓山海經中山經豐山有九鐘焉是知霜鳴郭璞傳霜降則鐘鳴故言知也物有自然感應而不可爲也靈舟卽

用仙舟事見江南贈宋之問篇齊竽見上刺史啓太平御覽學部一莊子曰人而不學謂之視肉學而不行命之撮囊原注撮繫者也案今本莊子佚班固兩都賦序雍容揄揚著於後嗣抑亦雅頌之亞也李善注說文曰揄引也孔安國尚書傳

庶幾金波離畢零陵之石自飛瑤光建寅蕭

邱之火暫熱學慚麟角德類鴻毛愧汗如漿憂心若厲謹

啓

幾字據文苑英華增入暫一作漸○漢書禮樂志月穆穆以金波日華耀以宣朗離畢見上太常伯啓離畢注

初學記天部庚仲雍湘州記曰零陵山有石燕遇雨則飛

雨止還化爲石也水經注湘水篇湘水又東北得沅口水

出永昌縣北羅山東南流逕石燕山東其山有石紺而狀

燕因以名山其石或大或小若母子焉及其雷風相薄則

石燕羣飛頡頏如眞燕矣羅君章云今燕不必復飛也准

南子本經訓瑤光者資糧萬物者也高誘注瑤光謂北斗

杓第七星也居中而運厯指十二辰撻起陰陽以殺生萬

物也一說瑤光和氣之見者也又時則訓孟春之月招搖

指寅高誘注招搖北斗第七星抱朴子嘉道篇尺水不能

御蕭邱之熱金樓子志怪篇水至寒而有溫泉之熱火至

熱而有蕭邱之寒顏氏家訓養生篇學如牛毛成如麟角
困學紀聞考史二語出蔣子萬機論吳質答東阿王書非
敢羨寵光之休慕倚頓之富誠以身輕犬馬德輕鴻毛李
善注戰國策魯連說張相國曰鴻毛之輕也而不能自舉
世說言語第二鍾毓鍾會少有合譽年十三魏文帝聞之
語其父鍾繇曰可令二子來於是勅見毓面有汗帝曰卿
面何以汗毓對曰戰戰惶惶汗出如漿復問會卿何以不
汗對曰戰戰慄慄汗不敢出若厲見紱寄員半千詩